

MANUALE

EXORCISMORUM,

Continens

INSTRUCTIONES,

ET

EXORCISMOS

Ad ejiciendos è corporibus obsessis spiritus malignos, & ad quævis maleficia depellenda,
& ad quascumque infestationes
dæmonum reprimendas :

R. D. MAXIMILIANI AB EYNATTEN
S. T. L. Canonici & Scholastici Antverpiensis industria collectum.

Reverendiss. aliquot BELGII ANTISTITUM
aliorumque doctorum virorum judicio
recensitum & probatum.



• ANTVERPIÆ,

Apud HENRICUM & CORNELIUM VER-
DUSSEN, viâ vulgò Cammerstrate dictâ,
sub Leone aureo. M.D. CC.IX.

SK

246

LECTORI

S. P.



MANUALE hoc Exorcisticum, benigne Lector, dividitur in tres partes.

Prima pars continet Instructiones & generalia documenta Exorcistis observanda.

Secunda pars habet modum & praxim Exorcizandi energumenos seu obsessos à dæmone, cum Precibus, Exorcismis, & aliis eò spectantibus.

Tertia pars tradit modum tollendi maleficia & incantationes, quibus homines tam in propriis corporibus, quàm in aliis bonis, permissu Dei, infestantur. Adjunguntur remedia contra infestationes spirituum in domibus seu aliis locis, & indicia unde discerni queant apparationes bono-

rum spirituum & malorum. Subjungi-
untur Benedictiones rerum utensi-
lium pro energumenis & maleficiatis.
Quæ omnia sunt collecta ex Missali,
Pontificali, & Rituali Romano,
Pastorali Mechliniensi, & aliis pro-
batis Auctoribus. Ex qua collectione
seliget sibi prudentia Exorcistæ, quæ
pro occurrenti necessitate magis vide-
buntur opportuna. Caveat tamen, ne
formulis utatur à suo Ordinario non
approbatis.



OR.

ORDO ET INDEX HUIUS MANUALIS.

PARS PRIMA,

varias INSTRUCTIONES continens.

INSTRUCTIO I.

DE requisitis in Exorcista, & de debitis præparationibus ante exorcizationem. pag. 1.

INSTRUCTIO II.

De varijs signis & effectibus, ex quibus quis dignoscitur dæmoniacus vel maleficiatus. 4

Ex eruditorum quorundam sententia alia de ijsdem signis & effectibus

INSTRUCTIO, 9

INSTRUCTIO III.

De signis & effectibus maleficij, & quomodo discerni possint maleficia ab alijs naturalibus morbis. II.

INSTRUCTIO IV.

A quibus Exorcista in adjuratione debeat abstinere : ubi etiam agitur de interrogationibus faciendis vel non faciendis. 15.

INSTRUCTIO V.

De loco & tempore quibus energumeni sunt exorcizandi. 18.

INSTRUCTIO VI.

De qualitatibus exorcizandorum, & debita præparatione eorumdem. 19.

INSTRUCTIO VII.

De alijs quibusdam, in quibus adhuc instruendi sunt energumeni vel maleficiati. 26.

INSTRUCTIO VIII.

De varijs technis dæmonum prænoscentis & præcavendis. 29.

INSTRUCTIO IX.

De ijs quæ debet Exorcista observare circa & post egressum dæmonum e corporibus obsessis. 30.

PARS

PARS SECUNDA,

Continens praxim & modum Exorcizandi energumenos seu vexatos aut obsessos à dæmone ; cum Precibus & Adjurationibus requisitis.

MODUS exorcizandi ex Rituali Romano Pauli V. Pont. Max. jussu edito. 33.

Modus exorcizandi ex Pastoralis Mechliniensi. 68.

Altera forma exorcismorum ad fugandum dæmonem de corporibus oppressis, vel etiam maleficiatis, ex dicto Pastoralis Mechliniensi. 78.

Orationes & exorcismi, ad juvandum energumenos & alios maleficiatos, ex probatis Auctoribus desumpti. 88.

Exorcismus dicendus (si commodè fieri poterit) coram venerabili SACRAMENTO exposito in altari. 94.

Exorcismus per Sacramenta. 105.

Exor-

Exorcismus præmittendus quando Exorcista judicat expedire ut aliqua à dæmone interroget. 110.

Exorcismus per invocationem beatissimæ virginis Mariæ. 113.

Exorcismus per invocationem sanctorum Angelorum. 120.

Exorcismus per invocationem Dei & Sanctorum ejus. 126.

Alia formula exorcizandi obsessos & maleficiatos. 136.

Exorcismus ad compellendum dæmonem ut restituat chirographum quo homo se illi obligavit. 163.

Exorcismus ad compellendum dæmonem ut traditam sibi ab homine Eucharistiam restituat. 166.

Gratiarum actio liberato dæmoniaco. 169.

PARS TERTIA.

Continens modum & praxim exorcizandi & curandi spiritualiter omne genus maleficiorum seu incantationum, quibus homines in propriis corporibus, & aliis bonis externis, à malis spiritibus vel maleficis ope dæmonum affliguntur.

EXORCISMUS *pro maleficiato in proprio corpore.* 175.

Alia formula exorcizandi maleficiatos quoscumque. 182.

Remedia contra febres, pestem, & alias infirmitates naturales. 193.

Remedia spiritualia contra philtora amatoria. 197.

Remedia spiritualia pro impeditis per maleficia, ope dæmonum, in matrimonio. 200

Remedia spiritualia contra Succubos & Incubos. 210.

* *

Mo-

Modus exorcizandi circa quævis animalia per maleficia & veneficia afflicta. 211.

Exorcismus contra maleficia lacticiniorum, & aliorum comestibilium, frugum, &c. 221.

Exorcismus pro lacte. 223.

Exorcismus pro butyro. 224.

Exorcismus contra invisibilem lactis, butyri, vel aliarum rerum per incantationes ablationem. 226.

Exorcismus contra imminentem tempestatem tonitruorum, fulgurum, grandinum, ventorum, &c. 228.

Exorcismus contra quæcumque noxia animalia, vermes, mures, serpentes & alia quæcumque agros vel aquas extraordinariè inficientia & corruptentia. 238.

Modus discernendi apparitiones spirituum, utrùm boni sint, an mali: cum remediis & Exorcismis contra spiritus

*tus malos infectantes domos vel alia
loca.* 245.

*Exorcismus domus à malis spiritibus
vexatæ.* 247.

*Alia formula benedicendi domum infe-
statam à malignis spiritibus.* 263.

*Formula benedicendi tam comestibilia.
quàm alia quibus utuntur energu-
meni vel maleficiati: desumptæ ex
Pontificali, Missali, & Rituali Ro-
mano, & ex Scriptura sacra* .271.

Ordo ad faciendam Aquam benedictam.
272.

[*Salis.* 274.

[*Panis.* 275.

[*Agni & aliarum carniuum
ibid.*

Benedictio [*Ovorum.* 276.

[*Quorumcumq; fructuum.* ib.

[*Cujuscumq; comestibilis.*

277.

[*Vini, Cerevisiæ, vel alterius*

	[<i>potabilis materia.</i>	<i>ibid.</i>
	[<i>Vino propria.</i>	<i>278.</i>
	[<i>Olei.</i>	<i>279.</i>
	[<i>Quarumcumque medicina-</i>	
<i>Benedictio</i>	}	<i>rum.</i>	<i>ibid.</i>
	[<i>Thalami.</i>	<i>281.</i>
	[<i>Cubiculi.</i>	<i>ibid.</i>
	[<i>Ignis quo cremabuntur sig-</i>	
		<i>na malefica inventa.</i>	<i>283.</i>
	[<i>Thuris seu Incensi.</i>	<i>ibid.</i>
<i>Benedictiones ad quaecumque volueris</i>			
<i>assumenda in humanum usum per</i>			
<i>modum cibi, potus, vel medicinae.</i>			
<i>285.</i>			

LUCÆ X.

In hoc nolite gaudere quia spiritus
vobis subjiuntur : gaudete autem,
quòd nomina vestra scripta sunt in
cælis.

MANUALIS
EXORCISMORUM
PARS PRIMA,

varias INSTRUCTIONES continens.

INSTRUCTIO I.

De requisitis in Exorcista, & de debitis præparationibus ante Exorcizationem.



UICUMQUE desiderat, habitâ
licentiâ à Superiore, faciliè & sine
periculo suæ & aliorum salutis,
opus exorcizationis (maximi me-
riti & misericordiæ) exercere,
debet cogitare se habere negotium cum antiquo
& astuto hoste, forti & nequissimo; adversus
principes & potestates, adversus mundi rectores
tenebrarum harum, contra spiritualia nequitie
in cælestibus. Agnoscet itaque propriam infir-
mitatem, & assumet arma spiritualia, quæ D.
Paulus subministrat ad Ephes. 6. & 1. ad Thess.
5. & D. Petrus 1. c. 5.

Prima & præcipua armatura quam habere
debet Exorcista, est viva & indubitata fides
cum fiducia in Deum & Salvatorem nostrum
A Jesum

Jesum Christum : in Dei enim digito ejiciet dæmonia, & conculcabit leonem & draconem.

Et licet Exorcista operetur in persona Ecclesiæ, & eatenus ejus preces sint gratæ Deo, & exaudiantur; nihilominus tamen debet allaborare ut habeat purissimam conscientiam, emundatam per veram contritionem & Sacramentalem confessionem : tum ut tantò sit gratior Deo, faciliusque impetret quod petit; tum ne diabolus eum confundat, aut aliquam in eum potestatem habeat, cum notum sit ex Scripturis, quantam & quàm magnam habeat vexandi & nocendi vim contra peccatores.

Necessariò etiam debet habere veram humilitatem, certò sciens se solùm instrumentum indignum esse quo utitur Deus pro salute proximi afflicti, & nihil se posse absque ejus singulari assistentia & auxilio. Per hanc excludet omnem vanam gloriam, nec quæret laudari aut videri ab hominibus; sed gaudebit in augmento gloriæ Dei, & attendet dictum Salvatoris dicentis Apostolis: Luc. 10. Veruntamen in hoc nolite gaudere quia spiritus vobis subjiciuntur: gaudete autem quod nomina vestra scripta sunt in cælis. Hæc debet esse ejus principalis intentio, non autem lucrum aliquod temporale, vel similis respectus sordidus: maximè autem caveat, ne superbiat de potestate sua in dæmones: narrat enim S. Gregorius lib. 1. c. 9. Dialogorum, quemdam Presbyterum à dæmone fuisse possessum, quia arrogabat sibi virtutem ejiciendi dæmones.

Re-

Revocabit mentem & spiritum à curis & negotijs sæcularibus, eamque pacatam & tranquillam reddere studebit meditationibus pijs & precibus.

Et quoniam Salvator noster nos docet Mat. 17. hoc genus dæmoniorum non ejici nisi per orationem & jejunium, hæc & alia sub eisdem comprehensæ opera bona, pro se & suis afflictis impigrè exercebit: & numquam ad exorcizandum accedet, nisi prævio jejunio, vel alijs poenitentiae & satisfactorijs operibus, nisi præsens necessitas aliud videatur exigere. Incessanter orabit etiam privatim, aliosque ad prædicta bona opera & pietatis exercitia invitabit, eleëmofynasque elargiri curabit.

His & alijs virtutum armis instructus, intrepidè & securè accedet debellaturus hostem communem. Cavebit Exorcista omnis, alias preces & cæremonias, quantumcumque piæ & bonæ appareant, quam quæ in approbato Manuali præscribuntur, adhibere, nisi obtentâ veniâ & consulto Ordinario, memor exempli filiorum Scevæ Judæi Act. 19. qui malè & infeliciter hac potestate abusi fuerunt.

Non temerè aut facilè Exorcista judicabit vexatum aliquem, etiam si miris & extraordinarijs, ut ipsi apparebit, modis vexetur, esse energumenum aut maleficiatum: sed negotium seriò perpendet ex signis & indicijs, de quibus infra; omnesque circumstantias prudenter observabit. Multò minùs morbos tam hominum

quàm animalium, etiam insolitos, & ipsi incognitos, aut damna frugibus & aliis bonis externis obvenientia, statim incantationibus aut maleficijs attribuet; nec afflicto hoc opinantes in illa mox opinione relinquet aut confirmabit; aut afflictorum hujusmodi vicinis aut alijs notis vel ignotis imputabit, aut imputari permittet: sed omnem sinistram opinionem aut suspicionem contra proximum ab eorum animis amovebit; ut hac ratione tollat & avertat rixas, inimicitias, odia, & his peiora.

INSTRUCTIO II.

De varijs signis & effectibus, ex quibus quis dignoscitur demoniacus vel maleficiatus.

QUONIAM multa signa obsessorum & maleficiatorum sunt communia cum morbis & infirmitatibus naturalibus; quia dæmon ut creaturas Dei in odium traducat, vel ut faciliùs ipse lateat, sæpè miscet se morbis naturalibus; non statim Exorcista suo judicio, vel ipsorum afflictorum dictis credet, vel judicabit aliquem esse obsessum aut maleficiatum: sed circumspiciet & perpendet singula prudenter; suumque habebit recursum ad peritos Medicos & Theologos. Si deprehendat malum causari ab humoribus peccantibus, & omnino esse naturale, ostendet & persuadebit idipsum afflicto, illumque ad Medicos remittet.

PARS PRIMA

5

In examine & disquisitione, utrùm quis sit obsessus à dæmone corporaliter, juvabit inquirere causam quare diabolus putetur ingressus: quæ licet aliquando sit solius Dei gloria & affligentis meriti augmentum; ordinariè tamen in causa sunt peccata, sæpissimè desperatio ex amissione bonorum vel rerum temporalium, vel nimia familiaritas cum dæmone, vel cum hominibus, qui cum eodem commercium habent: etiam nimis addictum esse superstitionibus: aliquando mala imprecatio parentum, aut ignorantio earum rerum quibus contra tentationes dæmonum munimur: interdum nimia anxietas vel scrupulositas, per quam ad varias perturbationes miseri homines rediguntur, nisi tempestivè consulant peritos Confessarios, prout etiam evenit tentatis aliis variis tentationibus.

Secundò inquiret Exorcista de modo, quomodo putetur ingressus. Solent aliquando dæmones, antequam corpora ingrediantur, hominibus apparere in aliqua terribili forma, idque de nocte, vel in locis opacis & solitarijs: aliquando somnia horribilia dormientibus immittunt, illosque terrent: quandoque ingrediendo corpora miserabiliter dilacerant. Ingrediuntur aliquando per modum venti, aut in forma muris aut similis animalculi: aliquando videtur quòd quasi vas aquæ frigidissimæ in dorsum effundatur, vel per totum corpus à capite usque ad pedes aliquid discurrat.

Sed quia in multis hominibus, præsertim

feminis, magnam vim habet imaginatio & variae apprehensiones phantasticae, quae mira saepe operantur in corporibus; his praedictis, & similibus non ita insistet vel semper credet Exorcista, quin alia verisimilia signa requireret concurrentia cum praedictis; qualia quaedam ex sacra Scriptura & aliis probatis Auctoribus hic adjunguntur.

Ex Scriptura sacra patet, aliquos energumenos indies reddi obstinatiores contra Deum, & in ijs quae ad Dei servitium spectant, magisque inobedientes, exemplo Saulis 1. Reg. 18. aliquando etiam varijs morbis subito afficiuntur, Matth. 8. & 17. Marc. 9. Lucæ. 11. strident dentibus; in terram extraordinarie elisi volutantur, & variè affliguntur; spumant ore, ad necem sibi inferendam tentantur; in ignem & aquam aliquando projiciuntur; prout hæc patent ex diversis Scripturae locis. Aliquando etiam ad tempus in furorem aguntur, Act. 19. Præterea observabit Exorcista, utrum vexatus in praesentia rerum sacrarum, ut Crucifixi, Reliquiarum, &c. imò & ipsius Exorcistæ, verè & non fictè turbetur: poterit autem magis praesumi verè turbari, si ignoret praesentiam Reliquiarum vel aliarum rerum sacrarum. Solent etiam omnia spiritalia odio habere. Ecclesiam ingredi nolunt, vel si ingrediantur, statim inde fugiunt. Aquâ benedictâ uti recusant. Sanctorum imagines, praesertim Crucifixi, aspicere aut deosculari nolunt. Verba sacra nequeunt proferre, nec audire

audire volunt. Si cogantur aliquam cæremoniæ Ecclesiæ peragere; vel divinis interesse officijs, potissimum sanctissimo Missæ Sacrificio, vehementius vexantur: & quando mentis compotes sunt, optant & fatentur se velle hæc facere, & Sacris interesse, & sacrarum rerum auxilium desiderare; sed esse quidpiam in ipsis quod ipsos impediat.

Licet etiam indicium sumere ex oculis & vultu, quos ordinariè habent solito terribiliores. Ex sèrmocinatione, Si blasphement contra Deum & Sanctos; si convitijs proximos sine causa proscindant, aliaque absurda præter solitum proferant; maximè si loquantur idiomatibus extraneis, quæ numquam didicerunt vel sciverunt, aut alios sic loquentes intelligant; si norunt loqui & tractare subtilissimè de profundissimis nostræ Fidei mysterijs, sacras Scripturas interpretari, &c. Si renuntient occulta, aut jam pridem oblita, futura, occulta vel arcanæ conscientia, ut peccata occulta imaginationesque assistentium; si artes quas numquam didicerunt vel exercuerunt norint. Aliquando etiam econtrà redduntur planè stupidi & insensati.

Non rarò etiam dæmon in aliqua parte corporis palpitando sicut piscis aut formica, aut alia forma sentitur. Interdum ipsi afflictæ sentiunt per totum corpus inter carnem & pellem discurrentes tanquam formicas. Aliquibus totum corpus quasi continuis acubus pungitur, vel ve-

Iut flatus à capite ad pedes descendit , & iterum ascendit. Interdum vesicula in lingua excitatur, quæ confestim disparet, vel plures apparent similes minutis granis. Quibusdam ad gulam diabolus ascendit , & eam extraordinariè tumefacit , & siccam tussiculam excitat, vel linguam extorquet miris modis , vel eandem exerit ingenti oris hiatu. In aliis diversorum animalium voces imitatur : aliaque quàm plurima signa facit in corporibus obsessis , quæ facile advertet prudens Exorcista ; illumque reddent moraliter certum de veritate rei , præsertim si plura signa simul concurrant.

Major est difficultas in quibusdam obsessis, in quibus dæmones sub specie diversarum infirmitatum solent ita latere , ut difficulter discerni queat , utrùm quis sit obsessus , necne. In hujusmodi perplexitate & dubio recurreret Exorcista ad Deum per preces; jejunijsq; & alijs pijs operibus munitus , per exorcismos conabitur spiritibus immundis latentibus vires resistendi auferre. Ad quod conferret , si afflictus etiam ex toto corde se convertat ad Deum, frequenter confiteatur , & sacram Communionem devotè suscipiat , & eleëmofynis dandis, & aliis pijs operibus studeat Exorcistæ opus promoveri.

*Ex eruditorum quorundam sententia alia de iisdem
signis & effectibus.*

INSTRUCTIO.

SIGNA quibus obsessi dignoscuntur, sunt in triplici genere: quædam pariunt solum suspicionem, alia conjecturam vehementiorem, alia denique certitudinem nonnullam.

Primi generis sunt, 1. Mutatio subita in mores ferinos & agrestes. 2. Somnus gravis. 3. Se consecrasse dæmoni. 4. Invocatio diaboli ut se arripiat. 5. Furia. Fallunt sæpè eiusmodi signa; aliquod tamen indicium faciunt accedentibus alijs, & dant occasionem inquirendi de alijs.

Secundi generis sunt, 1. Barbaræ & insolitæ vociferationes, & ululatus belluini. 2. Horribilis & truculentus vultus. 3. Stupor membrorum, & omnium ferè vitalium operationum privatio. 4. Ingens inquietudo, adeò ut uno loco nequeat afflictus consistere, sed solitudines quærat, & desertis locis oblectetur. 5. Vires in corpore humano facultatem hominis excedentes. 6. Si variè torqueatur & dejiciatur, nunc in ignem, nunc in aquam, nunc ex alto præcipitetur, nunc se cultris laceret; nunc laqueo vel alio modo sibi vitam adimere tentet.

Tertij generis sunt, 1. Peregrinarum linguarum subitanea scientia extra suspicionem divini miraculi: idem iudicium de scientia le-

gendi, scribendi, cantandi artificiosè. 2. Si loquantur de rebus sublimibus quas non didicerunt. 3. Si secreta revelent quæ scire non poterunt homines, sed dæmones; ut sunt occulta peccata: aut referunt quædam quæ locis distantibus fiunt. Ut tamen hoc signum certum sit, debet abesse suspicio pacti cum dæmone; quale habent divinatores, qui similia produnt, & tamen possessi non sunt. 4. Si postquam cessant vexari, nesciant respondere de his occultis, de quibus locuti sunt: signum enim est non tam ipsos quàm dæmones per ipsos fuisse locutos. 5. Si omninò prohiberi nequeant ne loquantur. 6. Si iussi invocare Dei nomen, nomen Iesu, aut alicujus Sancti, id facere nequeant: si recitare non possunt Psalmum aut Orationem aliquam devotam: si concutiantur, terreantur, impatientes fiant, blasphement adhibitis Reliquiis Sanctorum, aut Agno Dei, cereo benedicto, Cruce fronti impressâ, aspersi Aquâ benedictâ, adhibitâ sacrâ Eucharistiâ, aut in aurem pronuntiato versiculo illo Cantici Moyse: Deum qui te genuit dereliquisti, & oblitus es Domini creatoris tui: si exorcismos non ferant, si ad ingressum Ecclesiæ tumultuentur: denique si Evangelium audire, divinis interesse vix cogi possint.

INSTRUCTIO III.

De signis & effectibus maleficij, & quomodo discerni possint maleficia ab alijs naturalibus morbis.

PRÆTER ea quæ dicta sunt superiori Instructione, quæ huic etiam quæstioni ex parte deserviunt, observabit curam animarum habens, vel Exorcista, majorem esse incertitudinem signorum maleficij quàm possessionis aut obsessionis: proinde cautè & circumspectè in hoc negotio procedet, ne cadat in varia inconvenientia præcipitanti suo judicio (de quibus latius in Instructione I.) nec facilè de hujusmodi malis absolutè aliquid statuet sine prævio consilio Medicorum: verùm quia experientia docet, plerosque Medicos ferè omnia mala & accidentia hominibus obvenientia attribuire noxijs dispositionibus corporum, & rarissimè judicare aliquem veneficio diabolico infectum, Exorcista non semper ita absolutè stabit judicio Medici; quin etiam ex signis & indicijs infra positis, & alijs varijs circumstantijs, prudenter judicabit de hujusmodi malis, consultis in gravioribus peritioribus Theologis, in hoc genere versatis. Et si omnibus consideratis, videat ex maleficio morbum ortum habere, quantum in ipso erit, juvare & allevamen afflicto conferre conabitur per usitata Ecclesiæ remedia: de quibus in III. Parte hujus Manualis.

Signa

Signa præcipua veri maleficij sunt hæc.

Primò, Si periti Medici non cognoscunt morbum vel malum quo afflictus laborat, nec aliquid certi de illo norint, vel possint judicare, nec remedia convenientia adhibere, vel si adhibita videantur non solum non prodesse, sed potiùs malum augere.

Secundò, Quòd morbus sit valdè inconstans, & licet periodorum naturam referat, rarò tamen periodos seruet; & licet similis videatur naturalibus morbis, in multis tamen discrepet, utpote quod instar naturalium morborum non crescat paulatim, sed statim ab initio, nullis præexistentibus peccantibus humoribus, cum gravissimis symptomatibus & doloribus prodeat: quòd ægrotans gravissimè doleat, in qua tamen parte doleat, referre nequeat: quòd sæpè emittat luctuosa suspiria absque manifesta causa.

Tertiò, solent prætereà veneficio læsi habere oculos constrictos, totam cutem, præcipuè faciem, ut plurimum flavo seu cinericio colore suffusam, humores desiccatos, & totius corporis extenuationem & extraordinariam maciem, virium imbecillitatem cum summo languore. Omnia membra videntur habere ligata & constricta, præsertim cor & os: videntur sibi habere bolum in orificio stomachi, vel aliquid instar boli videtur in guttur ascendere & descendere. Extraordinarias instar acum puncturas sentiunt in corde, vel alijs partibus corporis. Aliquando cor illis quæsi corroditur, & renes dilacerantur.

Quar.

Quartò, Solet instar venti frigidissimi, vel etiam flammæ, per ventrem aliquibus discurre cum torsionibus acerbissimis.

Quintò, Solent aliqui ad venerem reddi impotentes præter naturam.

Sextò, Maleficiati ut plurimum præter naturam toto corpore extraordinariè extenuantur & debilitantur cum summo languore, & mentis stupiditate, & varijs melancholicis delirijs. Laborant etiam diversis febrium generibus, Medicis multum negotij exhibentibus: habent convulsiones, ita ut epileptici videantur. Aliquando omnes capitis partes tumescunt, aut talem circa totum corpus sentiunt lassitudinem, ut vix se movere possint.

Septimò, Veneficio affecti, sæpè faciem Sacerdotis vix aspicere valent, oculis saltem intentis, & album oculorum varijs modis illis immutatur.

Prudenter & discretè Exorcista desumet indicium veneficij ex signo quod quidam tradunt, nimirum quòd quando venefica ad visendum ægrotum accedat, statim infirmum ingenti molestia affici, terrore & tremore corripit: si puer sit, statim plorare; oculosve ad fuscum colorem mutare, vel alias mutationes notabiles in ægrotis observari. Si quando illa signa advertit, cavebit illa indicare parentibus aut amicis, vel aliis assistentibus, ne hinc det occasionem scandali malæ suspicionis, rixæ, odij, aut aliorum incommodorum: ipse autem pro discretionem

tione sua illis uti poterit in suum bonum finem.

Licet præter prædicta signa sumpta ab effectu, & alia considerare sumenda à causa morbi vel mali inflicti; ut si morbus vel malum coeperit ex intentissimo alicujus amore, vel magno & iniquo odio: si præcedentibus maledictis vel minis alicujus suspecti de maleficio, subito oriatur; si instrumenta maleficij inveniantur.

Advertat autem Exorcista, non fore necessarium ut omnia hæc signa in ægro inveniantur, sed sufficere si aliqua pro diversitate morbi seu maleficij concurrant, quæ moralem aliquam certitudinem vel magnam probabilitatem dant. Maximè attendet ad judicium Medicorum, qui licet absolutè non judicent malum esse à maleficio; si tamen de eo dubitent, hæsitent, & ambigui huc illuc animo agitentur, nec quidquam certi de illo norint vel audeant proferre; in remedijs applicandis varient, & nihil solaminis adferant: signum erit esse veneficium operâ dæmonum illatum, modò saltem concurrant alia signa superiùs posita.

Licet Exorcistæ foret moraliter certum, aliquem morbum esse à maleficio, vel quempiam esse obsessum, non ideò debet rejicere medicamenta naturalia, vel illa dissuadere; sed dando primas spiritualibus remedijs, procurabit etiam ut afflictus subinde ex præscripto Medici utatur hujusmodi medicinis, quæ corpus ejus possunt reddere minùs aptum vexationibus dæmonum

nam; nam licet nulla sit naturalis rei corporeæ vis quæ dæmoni possit prævalere, aut directè in illum aliquid agere, teste sacrâ Scripturâ, Job 41. indirectè tamen & mediatè naturalia possunt juvare contra ejus conatus, impediendo vel auferendo dispositiones illas quibus dæmon delectatur vel utitur ad nocumentum, juxta Lyran. in 1. Reg. 16. Hujusmodi tamen remedijs naturalibus nullo modo se intromiscebit Exorcista, sed illa committet peritis Medicis: sed bonum erit, ut antequam applicentur vel sumantur, priùs benedicantur ab Exorcista vel alio Sacerdote, juxta illud Adriani Papæ I. Elementa quoque tam ea quæ prædiximus, quàm cetera divinis apta usibus, & humanis necessaria infirmitatibus sacrate, infirmos curate, & cetera quæ ad vos pertinent diligenter perficite.

INSTRUCTIO IV.

*A quibus Exorcista in adjuratione debeat abstinere:
ubi etiam agitur de interrogationibus
faciendis vel non faciendis.*

IN applicatione Reliquiarum & aliarum rerum sacrarum, maximè Venerabilis Sacramenti, obsessis aut infestatis à dæmone, Exorcista adhibebit debitam reverentiam & circumspeditionem, ne aliqua irreverentia committatur. Cavebit etiam tam ipse Exorcista, quàm affli-

afflictus, ne admisceant superstitiones, vel superstitiosè illis abutantur, vel ne maiorem rebus sacratis tribuant efficaciam, quàm mater Ecclesia similibus tribuendam docet: vel ne aliquid faciant, unde diabolus possit sumere occasionem introducendi in animos circumstantium errorem circa venerationem Sanctorum, Reliquiarum, & aliarum rerum sacrarum, vel imminutionem reverentiæ & honoris debiti. Non nisi certis & ab Ordinario approbatis utetur Reliquiis.

Ipsium Venerabile Sacramentum Eucharistiæ rariùs actu applicabit obsessis, & non nisi exigente necessitate vel evidenti utilitate; & tunc non nisi cum maxima reverentia & devotione, adhibitis luminaribus & sonitu campanulæ, & alijs circa tantum Sacramentum exhiberi solitis.

Tutius erit solùm exponere dictum Sacramentum in altari, & coràm inferiùs ante altare obsessos exorcizare.

Abstinebit Exorcista à curiosis, levibus, & superfluis actionibus & interrogationibus, solumque ea aget & interrogabit, quæ purabit necessaria vel multùm expedientia ad juvandum afflictum, vel ad repellendum nocumentum à se vel à circumstantibus, vel quæ prudenter judicabit cessura in augmentum gloriæ Dei, & proximorum salutem. Poterit itaque inquirere ex parte Dei, utrùm sint multi dæmones, vel pauci: vel quot sint in corpore oblesso: ob quam causam

causam fuerint ingressi, ut contrarium remedium applicetur: si sint ibidem ex aliquo pacto vel maleficio: si aliquod signum maleficii vel pacti sit datum, vel alibi positum: & similia, quæ prudens Exorcista vel ex discretione sua, vel aliorum peritorum consilio judicabit expedire. Postquam aliquam interrogationem instituerit, non facile desistet, etiamsi dæmon recuset respondere, sed prosequetur legitimis exorcismis extorquere (si Deo placuerit) obedientiam, ne reddatur protervior contra ministrum Christi spiritus malignus. Nec putabit Exorcista in vocis contentione aut passionum vel affectuum suorum excitatione vim exorcismi consistere, quibus aliqui frustra se fatigant, cum in excitatione fidei, spei, charitatis & devotionis in Deum præcipue sit elaborandum.

Si quando Exorcista utetur vel applicabit afflicto aliqua verba sacra, vel ipsam Scripturam sacram, vel Evangeliorum librum, observabit ea quæ habentur infra Instruct. 6. & habebit dumtaxat respectum ad ipsa verba sacra & eorum intellectum, & effectum expectabit à Deo auctore & dictatore eorum. Similiter in invocatione Sanctorum, adhibebit illos & invocabit tamquam intercessores & patronos nostros, cum fiducia, quòd Deus per intercessionem ipsorum ipsum exaudiet, & concedet postulata.

INSTRUCTIO V.

*De loco & tempore quibus Energumeni sunt
exorcizandi.*

EXORCIZATIO semper vel ordinariè fiat in Ecclesia, vel alio loco Deo sacro : nisi gravis & urgens causa dicter in domo privata faciendam.

Arceantur pueri & mulieres, nisi quæ necessariae pro adiutorio & servitio feminæ exorcizandæ. Item curiosi, mundani & vani homines, in quantum fieri poterit, exemplo Salvatoris Marc. 7. & 8. & Lucæ 8.

Exorcista nihil faciat sine testibus sive in Ecclesia, sive in domo privata; procurabitque ut adsint viri graves & pij, præsertim Clerici, Sacerdotes, vel Religiosi, si haberi possint, qui non solum erunt testes sacrarum actionum, sed etiam ipsum juvabunt orationibus & piis desideriis.

Caveat umquam ob quemcumque respectum vel causam solus cum sola energumena manere, vel illam exorcizare; etiamsi foret senex & decrepitâ ætate.

An autem dæmoniaci sint publicè & apertis januis exorcizandi, vel januis clausis, committitur discretioni & prudentiæ Exorcistæ, eò quòd hujus decisio sæpè dependeat ex variis circumstantiis locorum, personarum, & aliarum
rum

rum rerum. Cessantibus incommodis, posset, & forsitan deberet fieri publicè apertis januis, exemplo Salvatoris & Ecclesiæ, quæ omnes suas functiones sacras palàm peragit: eoquæ magis, quòd exorcismus sit actus Ordinis; deinde, quòd multa bona spiritualia inde fidelibus proveniant; fides roboretur, Dei misericordia & potestas manifestetur, peccatores ad pœnitentiam & compunctionem moveantur, & multæ aliæ virtutes animis hominum ingenerentur.

Licet hoc charitatis officium possit & debeat omni tempore fieri, necessitate vel charitate proximi afflictī id exigente; magis tamen opportunum est matutinum post celebratum Sacrum: & quò dies sunt celebriores, eò frequentius & magis huic operi insistendum.

INSTRUCTIO VI.

*De qualitatibus exorcizandorum, & debita
præparatione eorumdem.*

QUONIAM Exorcista fungitur officio Medici, cujus est non solum applicare pharmaca & medicinas, sed etiam amovere & tollere moxia & impediencia facilem curationem; non solum debet esse sollicitus ut energumenus vel maleficiatus exorcizetur, sed etiam debet tollere & removere ea omnia quæ suo fini possunt obstaculum seu remoram injicere. Proinde advigilabit ut afflictī non recurrant ad

impostores, ariolos, magos, & similes impios homines, néve illis ultrò fortè se ingerentibus aliquam fidem adhibeant, vel audiant, nec malum suum facilè vicinis vel alijs notis vel ignotis imputent, sed illos monebunt & docebunt exemplo Iob & aliorum Sanctorum, mala sua de manu Dei suscipere, suisque peccatis adscribere, & ut totaliter se resignent in voluntatem misericordissimi Dei, ad patienter ferendam istam afflictionem: ejusque bonitati humiliter supplicent, ut non velit secundum peccata & iniquitates ipsorum ipsis retribuere: & ut ipsos liberare dignetur à malis, si animarum ipsorum saluti expediat. Adhortabitur ne animum despondeant, etiamsi statim non exaudiantur, & licitis Ecclesiæ remediis non juventur; sed ut instent orationibus, eleëmofynis, & alijs pijs operibus, cogitantes Deum Opt. Max. etiam ea quæ concedere cupit, sæpè differre ad tempus, tum ut desideria dilatione crescant, tum etiam ne citò datum vilescat. Studebit quotidie in illis excitare veram & vivam fidem, hoc est charitate Dei & proximi vallatam, præbente nobis hoc scutum & lorica hanc Apostolo ad Ephes. 6. & prioris ad Thessalonicens. 5. de quibus plura apud Cassianum & Cypr. ad Fortun. de Exhort. mart. Lactant. l. 2. cap. 15. Nazianz. Orat. in Cypr. & alios Patres.

Si afflicti non forent baptizati, vel ritibus Ecclesiæ ante Baptismum adhiberi solitis non exorcizati, curabit Exorcista ante omnia, ut
juxta

juxta ritum Ecclesiæ baptizentur, vel ut dictæ cærimonix omisſæ vel neglectæ ſuppleantur. Si dubium ſit, utrũ ſint baptizati necne, baptizentur ſub conditione, non tamen id fiat, niſi dubium ſit probabile: nam ex levibus conjecturis id putare non ſufficit, ne ad conditionale quidem lavacrum, verbi gratiã, tantũ quia quis noctu ſomnians ambulat, vel quia maleficiatus eſt, non concurrentibus alijs probabilibus indiſiis veri dubij. De hujus remedij efficacia vide Eccleſiaſticas hiftorias, & D. Antonin. Hiftor. part. 2. tit. 20. cap. 8.

Si non ſint confirmati, debent confirmari. Vim hujus Sacramenti in deiiciendi ſatanæ machinationibus docet Lact. lib. 4. Divin. inſtit. cap. 27. Nazianzen. Orat. 1. in Iulianum.

Adhibebunt frequentem, devotam & doloſam ſuorum peccatorum confeſſionem. Conſulatur Beda in 8. cap. Lucæ, Ioan. Diac. lib. 1. Vitæ S. Gregor. cap. 11. 12. & 13. & alij.

Sument frequenter cum maxima quapoterunt animi devotione & humilitate ſanctiſſimum Eucharistiæ Sacramentum. De quo remedio vetuſti Patres multa: Caſſ. coll. 7. c. 30. & 22. cap. 6. Proſper de Dimidio temp. cap. 6. in Vita D. Bernard. lib. 2. cap. 3. Metaph. in Vita S. Auxentij 14. Febr. In dæmoniis tamen habebitur ratio lucidi intervalli. Non ſolum dæmon timet ipſam actualem perceptionem ſanctiſſimi Sacramenti, ſed etiam ipſius præſentiam. Proinde (ut ſuprà dictum eſt) licitum,

imò expediens erit ut exorcismus fiat in præsentia Venerabilis Sacramenti, modò id decenter & reverenter fieri possit absque dispendio honoris tanto Sacramento debiti.

Supradictis remediis adjungendum sacrum Missæ officium, quod quotidie, si fieri possit, afflicti audient, imò sæpè pro se offerri curabunt in quantum poterunt. De hoc remedio Augustinus lib. 22. de Civit. Dei c. 8. Metaph. in Vita S. Theod. in Aprili.

Poterit etiam Exorcista uti oleo communi precibus Ecclesiæ à se vel alio Sacerdote benedicto. Exempla hujus refert Beda in cap. 8. Lucæ, Metaphr. in Vitâ S. Theod. mense Ianuar. & S. Parthenij 7. Februarij, & Auxentij 14. Feb. Sed cavebit à superstitiosis unctionibus & scandalosis, præcipuè circa feminas.

Excitabit afflictos etiam ad orationis assiduitatem & ferventiam, adjunctis jejniis & alijs pietatis & pœnitentiæ operibus, præcipuè elemosynis, exemplo & auctoritate Scripturæ sacræ, Matth. 17. & 20. Marc. 9. Tobia 6. & 8. & alib. Nec contenti erunt propriis & privatorum precibus; sed curabunt sibi applicari preces publicas Ecclesiæ. Nec ipse Exorcista hac in parte deerit officio suo, sed sedulò pro suis afflictiis orabit, sacrificium Missæ offeret, & exorcismos Ecclesiæ sæpiùs applicabit, quorum usum semper fuisse in Ecclesia constat ex antiquis Patribus, & ex eo quòd in Ecclesia sit Exorcistarum Ordo.

Prætereà affuescent prædicti afflicti reverenter in corde & ore habere nomen JESU & MARIE: petere opitulationem à beatissima Virgine, Angelo Custode: & à Patronis in quos vel in quas peculiarem solent habere devotionem, & ab omnibus Sanctis. Item adhibere & facere quasi ad omne opus signaculum S. Crucis, cujus maxima vis contra diabolum & opera ejus, ut patet ex S. Gregorio lib. 3. Dial. c. 7. Chrysostomo Homiliâ 8. in Epist. ad Coloss. Lactant. lib. 4. cap. 27. Cypriano Serm. de Passione Domini; ex Vita S. Bernardi lib. 2. cap. 2. & 3. & alijs passim Patribus.

In magno honore habebunt & secum deferrent Reliquias Sanctorum, Agnos Dei, & alias res sacras ex consilio Exorcistæ vel Confessarij. De efficacia hujus remedij vide D. Hieronymum contra Vigilantium, Chrysostomum in Vita S. Babylæ. Hic cavendum à vanis & superstitiosis cærimonijs, de quibus infra. Habebunt semper in domo Aquam benedictam, eaque sæpius utentur. Alexander I. in Epist. 1. Epiphanius contra Hæreses c. 30. Theod. lib. 5. Hist. cap. 21. Ad idem conducit aqua Baptismalis, solita consecrari in Vigilijs Paschæ & Pentecostes.

Palmis de more Ecclesiæ benedictis domos suas ornabunt: cereum benedictum habebunt, eumque accendent & apud se ponent quando dæmon nimium insolecit vel molestior erit: sale & pane benedicto alijsque rebus benedictis libenter utentur.

Præter piam Reliquiarum gestationem & Agni Dei, antiquitas etiam permittit & suadet religiosam gestationem sacrorum amuletorum, utpote Symboli Apostolorum, Initij Evangelij S. Joannis, vel particulæ Psalmi alicujus. Sed quia hoc remedium facilè vitiatur aliquâ circumstantiâ malâ, ut sit licitum, requirit D. Thom. 2. 2. quæst. 96. art. 4. duas condiciones: Prima est, ut pijs verbis nihil admisceatur superstitioni, videlicet ut non ponatur vis in figura, modo scribendi, vel alijs similibus nihil ad rem spectantibus. Secunda est, ut recta sit intentio gerentis, quâ spes omnis dirigitur in Deum, à quo solo effectus sub ejus beneplacito expectetur, & illa verba sacra ferant cum illa intentione, & in illo sensu, sicut Ecclesia permittit. Proinde quia facilè in hujusmodi hallucinantur imperitiores, his prætermisissis alia remedia suggereret Exorcista, vel curam animarum gerens: aut ita illos instruet, ut nullum timeatur periculum superstitionis; & prohibebit ne gestent aliqua hujusmodi involucra seu brevia inconsulto Confessario, vel Exorcistâ, vel Pastore, illisque priùs tradant examinanda, utrùm non habeant circumstantias parergas tamquam necessarias, qui etiam inquirent de intentione & mente gestantium, & si inutile inveniant adhibitum tamquàm necessarium, vel si deprehendant expectari effectum vanum, vel alium à Deo vel ab Ecclesia non intentum, rejicient hujusmodi tamquàm superstitiosa: multo

tò magis illis prohibebunt gestare inventa à superstitionis & impijs hominibus ; qualia sunt imagines & characteres Astronomici sub certa constellatione fabricati, & similia vana & noxia, per quæ varios morbos & afflictiones volunt curare : illosque docebunt, quàm hæc sint perniciofa animæ & corpori , licèt aliquandò & sæpè multi per hujusmodi videantur curari à suis malis, Deo id permittente diabolo, in vindictam superstitionis & incredulitatis ipsorum; eò quòd relictis veris remedijs confugiant ad inventa diabolica, quibus ordinariè etiamsi videantur juvari, deterius in anima, & sæpiùs etiam in corporis sanitate contingit, juxta illud Prophetæ Amos cap. 5. Si fugiat vir à facie leonis, occurret ei ursus : & si ingrediatur domum, mordebit eum coluber. Sciant longè melius esse Deo propitio ægrotare, vel aliam quamvis afflictionem pati, quàm Deo irato feliciter agere, & tandem projici in ignem æternum, exemplo divitis epulonis, Luc. 16.

Non permittet quoque afflictis ut maleficium tollant per aliud maleficium, etiamsi malefica quæ malum intulit, vel alius quispiam ultrò se ad id offerret; memor doctrinæ Apostoli ad Romanos, non esse facienda mala ut eveniant bona. Possunt tamen tam ipsi maleficiati, quàm curam eorum gerentes tollere & destruere signa maleficij, non solum ubi inventa casu fuerint, sed etiam eo fine possunt ex professio queri: imò petere licet à malefica ubi sint posita,

illamque inducere & cogere ut ea ostendat vel amoveat, modò moraliter certi sint; quòd non utetur alio maleficio, vel aliquà alià superstitione, & scandalum cesset.

Si afflicti aliqua vota Deo fecerint, procurabit Exorcista ut ea persolvantur quantocyùs. Poterunt etiam de novo discretè cum consilio Confessarij vel Exorcistæ Deo aliquod votum emittere, peregrinationem sanctam suscipere, & alia pia pœnalia opera præstare pro cuiusque statu & conditione: constat enim ex Historiis Ecclesiasticis, hujusmodi sæpiùs profuisse.

INSTRUCTIO VII.

De aliis quibusdam, in quibus adhuc instruendi sunt energumeni vel maleficiati.

PRÆTER prædicta, studebit Exorcista suos afflictos avertere à vanitatibus hujus sæculi, ut ejus pompis & illecebris renuntient, & fugiant consortium hominum peccatis & vanitatibus deditorum, maximè supersticiosorum & suspectorum commercij cum dæmone. Procurabit illis econtrà conversationem & familiaritatem bonorum & piorum. Docebit illos contemnere minas & conatus diaboli in nomine Domini Jesu Christi, memores illius Isaiaë cap. 8. Timorem ejus ne timeatis, neque paveatis. Dominum exercituum ipsum sanctificate, ipse pavor vester, & ipse terror vester.

Quando

Quando energumenus aliquis vel maleficiatus erit exorcizandus, deponet omnem superfluum ornatum, & maximâ quâ poterit humilitate accedet ministrum Christi. Interim dum adjuratur habebit animum compositum & vacuum mundanis curis & occupationibus, & attentè cum Sacerdote orabit, vel aliquid de Vita & Passione Domini meditabitur.

Si Deus illos exaudiat, & a suis afflictionibus liberet, grati erunt Deo non solum sacrificio labiorum, sed vitæ & conscientiæ puritate, se à peccatorum maculis conservando, ne alioqui deterius postmodum ipsis contingat, prout docet Christus Dominus Lucæ II.

Si non exaudiat Dominus, consolabitur afflictum Sacerdos, & ostendet benignissimum Deum hoc ita disponere, pro majore ipsius salute, dicente Apostolo, Virtus in infirmitate perficitur; & dicet cum B. Iob, Si bona de manu Dei accepimus, cur non & mala sustineamus; sicut Domino placuit, ita factum est; sit nomen Domini benedictum. Interim cum omni patientia expectet liberationem, si non in hac vita, saltem in futura, cum retributione magna nimis.

Non tamen Exorcista hujusmodi afflictum statim deseret, sed præter bona monita & consolationem, inquiret diligenter, si aliunde non sit aliquod impedimentum quò minùs fortè à Deo exaudiantur.

Primò disquiret non solum, utrùm afflictus habeat firmam & vivam fidem & fiduciam in Deum,

Deum, sed utrùm etiam ipsius amici & curam ejus gerentes cum tali confidentia & fide illum adducant ad Deum & ministrum ejus, sicut Christus requirit Matthæi 17. & Marci 9.

Secundò, utrùm in afflicto nihil lateat, non solum peccatum aliquod occultum, sed vel nimius affectus ad præterita peccata, vel res terrenas.

Tertiò, examinabit seipsum Exorcista, utrùm omni ex parte satisfecerit conscientiae & officio suo, & omnia perfecit & adhibuerit quæ possunt aut debent in simili opere adhiberi. Quo fine sæpiùs & maturè revidebit instructiones & documenta in hoc Manuali præscripta, & negotium cum doctis & piis Theologis & in hoc genere versatis conferet.

Tandem cogitabit, utrum fortè Deus non cupiat alterius Exorcistæ virtutem notificari; proinde aliquando in hujusmodi casu expediet afflicto remittere ad alium pietate & potestate exorcizandi præditum; vel similes in adjutorium sibi assumet. Quòd si, postquam omnia tentaverit, res ex voto non succedat, committet in patientia occulto judicio Dei, recepturus nihilominùs mercedem post hanc vitam.

INSTRUCTIO VIII.

De varijs technis demonum prænoscendis & præcavendis.

EXORCISTA magna cum diligentia & prudentia advertet & observabit omnes & singulas insidias quibus dæmones utuntur, quando per preces & exorcismos Ecclesiæ urgentur. Impediet ne ipsum vel circumstantes in peccatum aliquod pertrahant, quod semper conantur: ne ipsorum devotionem & attentionem per nugas & levia & obscœna verba, vel per nimios clamores aliâque similia impedian, vel perturbent. Proinde quàm primùm suppresset illos Exorcista in virtute Dei, & illis imperabit in nomine J E S U confidenter, ut se contineant & conticescant.

Nonnumquam, cùm feminae exorcizantur, fingunt se ægrè ferre quòd Sacerdos tangat vultum earum, & se simili attactu cruciari simulant, ut tantò sæpiùs Sacerdotem inducant ad tangendum, & hac ratione Sacerdoti vel exorcizandæ ingerant voluptuosa incitamenta. Sit itaque Exorcista oculis manibusque & omnibus motibus pudicissimus & cautus, memor spiritus immundos non tam tactum quàm ipsum signum S. Crucis pertimescere. Quod si aliquando necessariò tangenda sit energumena, illud faciet breviter & perfunctoriè, mente elevata ad Deum.

Sta-

Statim ac se malignus spiritus manifestaverit in corpore oblesso, interrogabit illum Exorcista breviter & categoricè quæ necessario erunt interroganda, illumque coget ad respondendum, nec facile cedit, etiamsi dæmonium reluctetur, sed iteratis adjurationibus & exorcismis instabit, donec extorlerit, Deo favente, respondentum. In his observabit ea, quæ latius dicta sunt superius in 4. Instructione.

Cavebit dictis dæmonis statim adhibere fidem, qui pater mendacij in Scripturis dicitur; sed prudenter perpendet omnia & singula, invocando gratiam Spiritus sancti pro vera discretionem spirituum.

Quantum in ipso erit, Exorcista nullam dabit requiem dæmoni inter exorcizandum, sed continuè illum vexabit & cruciabit, orationibus, lectionibus, & exorcismis, multò minùs cum eodem aliquid extranei tractabit confabulando, vel aliquid aliud ad rem nihil faciens agendo, ne ei interim det tempus reassumendi vires.

Considerabit se habere negotium cum capitali & infestissimo hoste.

INSTRUCTIO IX.

De ijs quæ debet Exorcista observare circa & post egressum dæmonum è corporibus obsessis.

QUANDO Exorcista advertet dæmonem esse devictum, & jam ejiciendum Dei potentia

rentiâ & jussu è corpore obsessio, præcipiet eide-
dem ne egrediendo lædat corpus creatum à
Deo, sed illud sanum, liberum, ac expeditum
ad serviendum & glorificandum Deo relin-
quat. Coget dæmonem dare aliquod signum
recessus sui cum totâ suâ damnatâ societate. So-
lent enim aliquandò aliqui eorum remanere in
corpore, & latere aliquo tempore absque ulla
vexatione, ut sic decipiant ministrum Dei; pro-
inde Exorcista non erit securus, nisi liquidè illi
constet afflictum planè liberatum. Unde non
statim illum deferet, vel sibi relinquet, nec
etiam postquàm liberatus fuerit; memor moni-
ti Salvatoris Lucæ 11. quantas insidias assump-
to auxilio ponat, ut unde cum ignominia eje-
ctus est, denuò possit redire, noscens tunc po-
steriora fore pejora prioribus: hinc est quòd li-
berati majores sæpè sentiant tentationes post-
quam liberati fuerint quàm antè. Quare Exor-
cista vel curam animarum gerens adjuvabit li-
beratum, instruendo & monendo ut vigilet in
silentio & orationibus, ut se exerceat in bonis
operibus, frequentissimè confiteatur & com-
municet, castè & pudicè vivat, & in omnibus
tentationibus & difficultatibus suis, cum discre-
tione & ædificatione, semper ad prudentem
Confessarium habeat recursum.

Solent subinde etiam dæmones, postquam
coacti sint egredi, persuadere, personam libe-
ratam numquàm fuisse obsessam, ut hac ratione
imminuant gloriam Dei, enervent efficaciam
exorcis-

32 MANUALIS EXORCISMORUM PARS. I.

exorcismorum Ecclesiæ , ingerant varias dubitationes & incredulitates , denique ut reddant liberatum cum suis ingratum erga Deum & ministrum ejus. Contra has insidias Exorcista habebit in promptu salutaria monita & instructiones , quibus excitabit tam liberatum quam alios ad gratiarum actionem , & deteget insidias diaboli , qui confusus virtute Christi, conatur deprimere ejus potentiam & majestatem.

Egrediuntur autem dæmones è corporibus obsessis aliquandò per os in modum flammæ ignis : aliquandò per modum venti : aliquandò in forma apum vel formicarum. Aliquandò exeunt per aures , & sentiunt energumeni discessum à stomacho , à corde , & ab omnibus partibus corporis sensibilibiter. Subinde etiam egrediuntur per secessum in similitudinem pilæ quæ in gyrum volvitur , & è corpore ejicitur. Etiam per nares egrediuntur in similitudinem guttæ sanguinis defluentis , alijsque varijs modis & signis quæ prudens Exorcista facile advertet : quibus tamen non statim ita credet, quin exorcismis & alijs Ecclesiæ remedijs experietur , utrùm non fallat & mentiatur fraudulentus hostis; & diligenter observabit, utrùm in energumeno nulla amplius deprehendantur signa veri obsessi.

MANUALIS

EXORCISMORUM

PARS SECUNDA,

*Continens praxim & modum exorcizandi energumē-
nos seu vexatos aut obsessos à demone; cum
Precibus & Adjurationibus requisitis.*

MODUS EXORCIZANDI

Ex Rituali Romano

PAULI V. Pont. Max. jussu edito.



ACERDOS, sive alius Exorcista
ritè confessus, aut saltem corde pecca-
ta sua detestans, peracto, si commodè
fieri potest, sanctissimo Missæ sacrificio
divinoque auxilio piis precibus im-
plorato, superpelliceo & stolâ violaceâ, cujus extrema
pars ad obsessi collum circumponatur, indutus, & co-
ram se habens obsessum ligatum, si fuerit periculum,
eum, se, & astantes communiat signo Crucis, & as-
pergat Aquâ benedictâ, & genibus flexis, alijs re-
spondentibus, dicat Litanias ordinarias usque ad Pre-
ces exclusivè.

In fine, Antiphona. Ne reminiscaris Domine
delicta nostra, vel parentum nostrorum; neque

vindictam sumas de peccatis nostris. **Pater**
noster, &c.

Vers. Et ne nos inducas in tentationem,

Resp. Sed libera nos à malo.

Psalms 53.

Deus in nomine tuo saluum me fac: & in
virtute tua iudica me.

Deus exaudi orationem meam: auribus percipe
verba oris mei.

Quoniam alieni insurrexerunt adversum me,
& fortes quæsierunt animam meam: & non
proposuerunt Deum ante conspectum suum.

Ecce enim Deus adiuvat me: & Dominus
susceptor est animæ meæ.

Averte mala inimicis meis: & in veritate tua
disperde illos.

Voluntariè sacrificabo tibi: & confitebor no-
mini tuo Domine, quoniam bonum est.

Quoniam ex omni tribulatione eripuisti me: &
super inimicos meos despexit oculus meus.
Gloria Patri.

Vers. Saluum fac servum tuum. *Resp.* Deus meus
sperantem in te. *Vers.* Esto ei Domine turris for-
titudinis. *Resp.* A facie inimici. *Vers.* Nihil pro-
ficiat inimicus in eo.

Resp. Et filius iniquitatis non apponat nocere ei.

Vers. Mitte ei Domine auxilium de Sancto.

Resp. Et de Sion tuere eum.

Vers. Domine exaudi orationem meam;

Resp. Et clamor meus ad te veniat.

Vers. Dominus vobiscum. *Resp.* Et cum spiritu
tuo.

Ore.

Oremus

Oratio.

DEus, cui proprium est misereri semper & parcere, suscipe deprecationem nostram, ut hunc famulum tuum [*vel* hanc famulam tuam] quem [*vel* quam] delictorum catena constringit, miseratio tuæ pietatis clementer absolvat.

Oratio.

Domine sancte, Pater omnipotens, æterne Deus, Pater Domini nostri Jesu Christi, qui illum refugam tyrannum & apostatam gehennæ ignibus deputasti, quiq; Unigenitum tuum in hunc mundum misisti, ut illum rugientem contereret: velociter attende, accelera, ut eripias hominem ad imaginem & similitudinem tuam creatum, à ruina & dæmonio meridiano. Da Domine terrorem tuum super bestiam, quæ exterminat vineam tuam, Da fiduciam servis tuis contra nequissimum draconem pugnare fortissimè, ne contemnat sperantes in te, & ne dicat, sicut in Pharaone, qui jam dixit, Deum non novi, nec Israël dimitto. Urgeat illum dextera tua potens discedere à famulo tuo N. [*vel* à famula tua N.] ✠ ne diutiùs præsumat captivum tenere, quem tu ad imaginem tuam facere dignatus es, & in Filio tuo redemisti: qui tecum vivit & regnat, &c. *Resp.* Amen.

Deinde precipiat damoni hunc in modum:

PRæcipio tibi, quicumque es, spiritus im-munde, & omnibus socijs tuis hunc Dei

C 2

famu-

famulum obsidentibus, ut per mysteria Incarnationis, Passionis, Resurrectionis, & Ascensionis Domini nostri Jesu Christi, per missionem Spiritus sancti, & per adventum ejusdem Domini nostri ad judicium, dicas mihi nomen tuum, diem, & horam exitus tui, cum aliquo signo; & ut mihi Dei ministro, licet indigno, prorsus in omnibus obedias: neque hanc creaturam Dei, vel circumstantes, aut eorum bona ullo modo offendas.

Deinde legantur super obsessum hæc Evangelia, vel unum, aut alterum.

Lectio sancti Evangelij secundum
Ioannem.

*Hæc dicens signat se & obsessum in fronte,
ore, & pectore. Ioan. 1.*

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat: & vita erat lux hominum: & lux in tenebris lucet, & tenebræ eum non comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux: sed ut testimonium perhiberet de lumine. Erat lux vera, quæ illuminat omnem hominem

minem venientem in hunc mundum. In mundo erat : & mundus per ipsum factus est : & mundus eum non cognovit. In propria venit : & sui eum non receperunt. Quotquot autem receperunt eum, dedit eis potestatem filios Dei fieri : his , qui credunt in nomine ejus. Qui non ex sanguinibus, neque ex voluntate carnis, neque ex voluntate viri ; sed ex Deo nati sunt. Et VERBUM CARO FACTUM EST : & habitavit in nobis (& vidimus gloriam ejus, gloriam quasi unigeniti à Patre) plenum gratiæ & veritatis. *Resp.* Deo gratias.

Lectio sancti Evangelij secundum

Marcum.

Marc. 16.

IN illo tempore : dixit JESUS discipulis suis : Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit : qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia eiicient : linguis loquentur novis : serpentes tollent, & si mortiferum quid biberint, non eis nocebit : super ægros manus imponent, & benè habebunt.

Lectio sancti Evangelij secundum

Lucam.

Luc. 10.

IN illo tempore : Reversi sunt septuaginta duo cum gaudio dicentes ad IESUM : Domine, etiam dæmonia subiiciuntur nobis in nomine tuo. Et ait illis : Videbam satanam sicut fulgur de cælo cadentem. Ecce dedi vobis potestatem

calcandi supra serpentes, & scorpiones, & super omnem virtutem inimici, & nihil vobis nocebit: verumtamen in hoc nolite gaudere, quia spiritus vobis subiiciuntur: gaudete autem, quod nomina vestra scripta sunt in cælis.

Lectio sancti Evangelij secundum

Lucam.

LUC. II.

IN illo tempore: Erat Jesus eiiciens dæmonium, & illud erat mutum. Et cùm eiecisset dæmonium, locutus est mutus, & admiratæ sunt turbæ. Quidam autem ex eis dixerunt: In Beelzebub principe dæmoniorum eiicit dæmonia. Et alij tentantes signum de cælo quærebant ab eo. Ipse autem ut vidit cogitationes eorum, dixit eis: Omne regnum in seipsum divitum desolabitur, & domus supra domum cadet. Si autem & satanas in seipsum divitus est, quomodo stabit regnum ejus? quia dicitis Beelzebûb me eiicere dæmonia. Si autem ego in Beelzebub eiicio dæmonia, filij vestri in quo eiiciunt? ideò ipsi iudices vestri erunt. Porro si in digito Dei eiicio dæmonia, profectò pervenit in vos regnum Dei. Cùm fortis armatus custodit atrium suum, in pace sunt ea quæ possidet: si autem fortior eo superveniens vicerit eum, universa arma ejus auferet, in quibus confidebat, & spolia ejus distribuet. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oremus.

OMnipotens Domine, Verbum Dei Patris, Christe Jesu: Deus & Dominus universæ creaturæ, qui sanctis Apostolis tuis dedisti potestatem calcandi super serpentes & scorpiones, qui inter cetera mirabilium tuorum præcepta dignatus es dicere, Dæmones effugate: cujus virtute motus tamquam fulgur de cælo satanas cecidit: tuum sanctum nomen cum timore & tremore suppliciter deprecor, ut indignissimo mihi servo tuo, datâ veniâ omnium delictorum meorum, constantem fidem & potestatem donare digneris: ut hunc crudelem dæmonem, brachij tui sancti munitus potentiâ, fidenter & securus aggrediar, per te Jesu Christe Domine Deus noster, qui venturus es judicare vivos & mortuos, & sæculum per ignem.
Resp. Amen.

Deinde muniens se & obsessum signo Crucis, circumpositâ parte stolæ ad collum ejus, & dexterâ manu suâ capiti ejus impositâ, constanter & magna cum fide dicat ea quæ sequuntur. Vers. Ecce Crucem Domini, fugite partes adversæ. Resp. Vicit leo de tribu Iuda, radix David. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Oremus.

Oratio.

DEus, & Pater Domini nostri Jesu Christi, invoco nomen sanctum tuum, & clementiam tuam supplex exposco, ut adversus
 C 4 hunc,

hunc, & omnem immundum spiritum, qui vexat hoc plasma tuum, mihi auxilium præstare digneris. Per eundem Dominum nostrum JESUM Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

EXORCISMUS.

EXorcizo te, immundissime spiritus, omnis incurfio adversarij, omne phantasma, omnis legio, in nomine Domini nostri JESU Christi ✠ eradicare & effugare ab hoc plasmate Dei. ✠ ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui mari, ventis, & tempestatibus imperavit. Audi ergo, & time satana, inimice fidei, hostis generis humani, mortis adductor, vitæ raptor, justitiæ declinator, malorum radix, fomes vitiorum, seductor hominum, proditor gentium, incitator invidiæ, origo avaritiæ, causa discordiæ, excitator dolorum. Quid stas & resistis, cum scias Christum Dominum vires tuas perdere? illum metue, qui in Isaac immolatus est, in Ioseph venumdatus, in agno occisus, in homine crucifixus, deinde inferni triumphator fuit. *Sequentes Cruces fiant in fronte obfessi.* Recede ergo in nomine Patris ✠, & Filij ✠, & Spiritus ✠ sancti, da locum Spiritui sancto, per hoc signum ✠ Crucis JESU Christi Domini nostri. Qui cum Patre & eodem

dem Spiritu sancto vivit & regnat Deus per omnia sæcula sæculorum. *Resp.* Amen.

Vers. Domine exaudi orationem meam.

Resp. Et clamor meus ad te veniat.

Vers. Dominus vobiscum. *Resp.* Et cum spiritu tuo.

Oremus.

Oratio.

DEus conditor & defensor generis humani, qui hominem ad imaginem tuam formasti : respice super hunc famulum tuum N. [*vel* hanc famulam tuam N.] qui [*vel* quæ] dolis immundi spiritus appetitur , quem vetus adversarius , antiquus hostis terræ, formidinis horrore circumvolat, & sensum mentis humanæ stupore defigit, terrore conturbat, & metu trepidi timoris exagitat. Repelle Domine virtutem diaboli, fallacesque ejus insidias amove, procul impius tentator aufugiat : sit nominis tui signo ✠ (*in fronte*) famulus tuus munitus, & in anima tutus & corpore.

Tres Cruces sequentes fiant in pectore damoniaci.

Tu pectoris ✠ hujus interna custodias. Tu viscera ✠ regas. Tu ✠ cor confirmes. In anima adversatricis potestatis tentamenta evanescant. Da Domine ad hanc invocationem sanctissimi nominis tui gratiam, ut qui hucusque terrebat, territus aufugiat, & victus abscedat, tibi que possit hic famulus tuus, & corde firmatus, & mente sincerus debitum præbere famulatum. Per Dominum nostrum **JESUM**
C 5 Christum

Christum Filium tuum, qui tecum, &c. Resp.
Amen.

EXORCISMUS.

A Djuro te serpens antique per Iudicem vivorum & mortuorum, per factorem tuum, per factorem mundi, per eum qui habet potestatem mittendi te in gehennam, ut ab hoc famulo Dei N. qui ad Ecclesiæ sinum recurrit, cum metu & exercitu furoris tui festinus discedas. Adjuro te iterum ✠ (*in fronte*) non meâ infirmitate, sed virtute Spiritus sancti, ut ex eas ab hoc famulo Dei N. quem omnipotens Deus ad imaginem suam fecit. Cede igitur, cede non mihi, sed ministro Christi. Illius enim te urget potestas, qui te Cruci suæ subjugavit. Illius brachium contremisce; qui devictis gemitibus inferni, animas ad lucem perduxit. Sit tibi terror corpus hominis ✠ (*in pectore:*) sit tibi formido imago Dei ✠ (*in fronte.*) Non resistas, nec moreris discedere ab homine isto, quoniam complacuit Christo in homine habitare. Et ne contemnendum putes, dum me peccatorem nimis esse cognoscis. Imperat tibi Deus ✠. Imperat tibi majestas Christi ✠. Imperat tibi Deus Pater ✠, imperat tibi Deus Filius ✠, imperat tibi Deus Spiritus ✠ sanctus. Imperat tibi sacramentum Crucis ✠. Imperat tibi fides sanctorum Apostolorum Petri & Pauli, & ceterorum Sanctorum ✠.

Im-

Imperat tibi Martyrum sanguis ✠. Imperat tibi continentia Confessorum ✠. Imperat tibi pia sanctorum & Sanctarum omnium intercessio ✠. Imperat tibi Christianæ fidei mysteriorum virtus. Exi ergo transgressor, Exi seductor, plene omni dolo & fallaciâ, virtutis inimice, innocentium persecutor. Da locum dirissime, da locum impiissime, da locum Christo, in quo nihil invenisti de operibus tuis, qui te spoliavit, qui regnum tuum destruxit, qui te victum ligavit, & vasa tua diripuit, qui te projecit in tenebras exteriores, ubi tibi cum ministris tuis erit præparatus interitus. Sed quid truculente reniteris; quid temerarie detrectas? Reus es omnipotenti Deo, cuius statuta transgressus es. Reus es Filio ejus JESU Christo Domino nostro, quem tentare ausus es, & crucifigere præsumpsisti. Reus es humano generi, cui tuis persuasionibus mortis venenum propinasti.

Adjuro ergo te, draco nequissime, in nomine Agni ✠ immaculati, qui ambulavit super aspidem & basiliscum, qui conculcavit leonem & draconem, ut discedas ab hoc homine ✠ (*fiat in fronte*) discedas ab Ecclesia Dei ✠ (*fiat signum Crucis super circumstantes*) contremisce, & effuge, invocato nomine Domini illius, quem inferi tremunt, cui Virtutes cælorum, & Potestates, & Dominationes subjectæ sunt; quem Cherubim & Seraphim indefessis vocibus laudant dicentes, Sanctus, Sanctus, Sanctus Dominus Deus sabaoth. Imperat tibi Verbum ✠ caro factum,

etum. Imperat tibi natus ✠ ex Virgine. Imperat tibi Jesu ✠ Nazarenus, qui te, cum discipulos ejus contemneres, elisum atque prostratum exire præcepit ab homine; quo præfente, cum te ab homine separasset, nec porcorum gregem ingredi præsumebas. Recede ergo nunc adjuratus in nomine ✠ ejus ab homine, quem ipse plasmavit. Durum est tibi velle resistere ✠. Durum est tibi contra stimulum calcitrare ✠. Quia quanto tardius exis, tanto magis tibi supplicium crescit, quia non homines contemnis, sed illum, qui dominatur vivorum & mortuorum, qui venturus est judicare vivos & mortuos, & sæculum per ignem. *Resp. Amen.* *Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.*

Oremus.

Deus cæli, Deus terræ, Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus virginum, Deus qui potestatem habes donare vitam post mortem, requiem post laborem, quia non est alius Deus præter te, nec esse poterit verus, nisi tu creator cæli & terræ, qui verus Rex es, & cujus Regni non erit finis; humiliter majestati gloriæ tuæ supplico, ut hunc famulum tuum de immundis spiritibus liberare digneris. Per Christum Dominum nostrum. *Resp. Amen.*

EXORCISMUS.

A Djuro ergo te omnis immundissime spiritus, omne phantasma, omnis incurfio fantanæ, in nomine JESU Christi ✠ Nazareni, qui post lavacrum Jordanis in desertum ductus est, & te in tuis sedibus vicit, ut quem ille de limo terræ ad honorem gloriæ suæ formavit, tu definas impugnare: & in homine miserabili non humanam fragilitatem, sed imaginem omnipotentis Dei contremiscas. Cede ergo Deo ✠, qui te & malitiam tuam in Pharaone, & in exercitu ejus per Moysen servum suum in abyssum demersit. Cede Deo ✠, qui te per fidelissimū servum suum David de Rege Saule spiritualibus canticis pulsum fugavit. Cede Deo ✠, qui te in Juda Ilicariote proditore damnavit. Ille enim te divinis ✠ verberibus tangit, in cujus conspectu cum tuis legionibus tremens & clamans dixisti: Quid nobis & tibi JESU Fili Dei altissimi? Venisti huc ante tempus torquere nos? Ille te perpetuis flammis urget, qui in fine temporum dicturus est impiis: Discedite à me maledicti in ignem æternum, qui paratus est diabolo & angelis ejus. Tibi enim impie & angelis tuis vermes erunt, qui numquam morientur. Tibi & angelis tuis inextinguibile præparatur incendium, quia tu es princeps maledicti homicidij; tu auctor incestus, tu sacrilegorum caput, tu actionum pessimarum magister: tu hæretico-
rum

rum doctor, tu totius obicœnitatis inventor.
Exi ergo ✠ impie, exi ✠ scelerate, exi cum
omni fallacia tua, quia hominem templum suum
esse voluit Deus. Sed quid diutius moraris hîc ?
Da honorem Deo Patri omnipotenti ✠, cui
omne genu flectitur. Da locum Domino Jesu
Christo ✠, qui pro homine sanguinem suum
sacratissimum fudit. Da locum Spiritui ✠ san-
cto, qui per beatum Apostolum suum Petrum
te manifestè stravit in Simone Mago : qui falla-
ciam tuam in Anania & Saphira condemnavit ;
qui te in Herode Rege honorem Deo non
dante percussit ; qui te in Mago Elyma per A-
postolum suum Paulum cœcitatibus caligine per-
didit, & per eundem de Pythonissa verbo im-
perans exire præcepit. Discede ergo nunc ✠,
discede ✠ seductor. Tibi eremus sedes est. Tibi
habitatio serpens est : humiliare & prostrernere.
Jam non est differendi tempus. Ecce enim Do-
minator Dominus proximat cito, & ignis arde-
bit ante ipsum, & præcedet, & inflammabit in
circuitum inimicos ejus. Si enim hominem fe-
felleris, Deum non poteris irridere. Ille te ejicit,
cujus oculis nihil occultum est. Ille te expellit,
cujus virtuti universa subiecta sunt. Ille te ex-
cludit, qui tibi & angelis tuis præparavit æter-
nam gehennam, de cujus ore exhibit gladius
acutus, qui venturus est judicare vivos &
mortuos, & sæculum per ignem.
Resp. Amen.

Predicta omnia, quatenus opus fuerit, repeti possunt, donec obsessus sit omnino liberatus.

Iuvabit praterea plurimum, hac qua infra notantur, super obsessum devotè dicere, sæpeque repetere.

Pater noster, &c. Ave Maria, &c. Credo, &c.

Canticum beatae Mariae Virginis. Luc. i.

Magnificat anima mea Dominum :
Et exultavit spiritus meus in Deo salutari meo.

Quia respexit humilitatem ancillæ suæ : ecce enim ex hoc beatam me dicent omnes generationes.

Quia fecit mihi magna quia potens est : & sanctum nomen ejus.

Et misericordia ejus à progenie in progenies timentibus eum.

Fecit potentiam in brachio suo : dispersit superbos mente cordis sui.

Deposuit potentes de sede, & exaltavit humiles.

Esurientes implevit bonis : & divites dimisit inanes.

Suscepit Israël puerum suum, recordatus misericordiæ suæ.

Sicut locutus est ad Patres nostros, Abraham & semini ejus in sæcula.

Gloria Patri.

Benedictus Dominus Israël : quia visitavit
& fecit redemptionem plebis suæ :

Et erexit cornu salutis nobis, in domo David pueri sui.

Sicut locutus est per os sanctorum, qui à sæculo sunt, Prophetarum ejus.

Salutem ex inimicis nostris, & de manu omnium, qui oderunt nos :

Ad faciendam misericordiam cum patribus nostris : & memorari testamenti sui sancti.

Iusiurandum quod juravit ad Abraham patrem nostrum, daturum se nobis :

Ut sine timore de manu inimicorum nostrorum liberati, serviamus illi :

In sanctitate & iustitia coram ipso, omnibus diebus nostris.

Et tu puer, Propheta Altissimi vocaberis : præibis enim ante faciem Domini parare vias ejus :

Ad dandam scientiam salutis plebi ejus, in remissionem peccatorum eorum :

Per viscera misericordiæ Dei nostri : in quibus visitavit nos oriens ex alto :

Illuminare his qui in tenebris & in umbra mortis sedent : ad dirigendos pedes nostros in viam pacis. Gloria Patri.

Symbolum S. Athanasij.

Quicumque vult salvus esse, ante omnia opus est ut teneat Catholicam fidem.

Quam

Quam nisi quisque integram inviolatamque servaverit, abique dubio in æternum peribit.

Fides autem Catholica hæc est, ut unum Deum in Trinitate, & Trinitatem in unitate veneremur.

Neque confundentes personas, neque substantiam separantes.

Alia est enim persona Patris, alia Filij, alia Spiritus sancti.

Sed Patris, & Filij, & Spiritus sancti una est divinitas, æqualis gloria, coæterna majestas.

Qualis Pater, talis Filius, talis Spiritus sanctus.

Increatus Pater, increatus Filius, increatus Spiritus sanctus.

Imensus Pater, immensus Filius, immensus Spiritus sanctus.

Æternus Pater, æternus Filius, æternus Spiritus sanctus.

Et tamen non tres æterni; sed unus æternus.

Sicut non tres increati, nec tres immensi, sed unus increatus, & unus immensus.

Similiter omnipotens Pater, omnipotens Filius, omnipotens Spiritus sanctus.

Et tamen non tres omnipotentes, sed unus omnipotens.

Ita Deus Pater, Deus Filius, Deus Spiritus sanctus.

Et tamen non tres Dij; sed unus est Deus.

Ita Dominus Pater, Dominus Filius, Dominus Spiritus sanctus.

D

Et

Et tamen non tres Domini; sed unus est Dominus.

Quia sicut singillatim unamquamque personam Deum ac Dominum confiteri Christianam veritate compellimur: ita tres Deos aut Dominos dicere, Catholica religione prohibemur.

Pater à nullo est factus: nec creatus, nec genitus.

Filius à Patre solo est: non factus nec creatus, sed genitus.

Spiritus sanctus à Patre & Filio: non factus, nec creatus, nec genitus, sed procedens.

Unus ergo Pater, non tres Patres: unus Filius, non tres Filij: unus Spiritus sanctus, non tres Spiritus sancti.

Et in hac Trinitate nihil prius aut posterius, nihil majus aut minus, sed totæ tres personæ coæternæ sibi sunt & coæquales.

Ita ut per omnia, sicut jam suprà dictum est, & unitas in Trinitate, & Trinitas in unitate veneranda sit.

Qui vult ergo salvus esse, ita de Trinitate sentiat.

Sed necessarium est ad æternam salutem, ut Incarnationem quoque Domini nostri Jesu Christi fideliter credat.

Est ergo fides recta, ut credamus & confiteamur, quia Dominus noster I E S U S Christus Dei Filius, Deus & homo est.

Deus est ex substantia Patris ante sæcula genitus: & homo est ex substantia matris in sæculo natus.

Pre-

Perfectus Deus, perfectus homo : ex anima rationali, & humana carne subsistens.

Æqualis Patri secundum divinitatem: minor Patre secundum humanitatem.

Qui licet Deus sit & homo: non duo tamen, sed unus est Christus.

Unus autem non conversione divinitatis in carnem: sed assumptione humanitatis in Deum.

Unus omnino non confusione substantiæ, sed unitate personæ.

Nam sicut anima rationalis & caro unus est homo: ita Deus & homo unus est Christus.

Qui passus est pro salute nostra, descendit ad inferos, tertia die resurrexit à mortuis.

Ascendit ad cælos, sedet ad dexteram Dei Patris omnipotentis: inde venturus est judicare vivos & mortuos.

Ad cujus adventum omnes homines resurgere habent cum corporibus suis, & reddituri sunt de factis proprijs rationem.

Et qui bona egerunt, ibunt in vitam æternam: qui verò mala in ignem æternum.

Hæc est fides Catholica: quam nisi quisque fideliter firmiterque crediderit, salvus esse non poterit. Gloria.

Psalmus 90.

Qui habitat in adjutorio Altissimi, in protectione Dei cæli commorabitur.

Dicet Domino: Susceptor meus es tu, & refugium meum: Deus meus, sperabo in eum.

Quoniam ipse liberavit me de laqueo venantium, & à verbo aspero.

Scapulis suis obumbrabit tibi : & sub pennis ejus sperabis.

Scuto circumdabit te veritas ejus : non timebis à timore nocturno.

A sagitta volante in die, à negotio perambulante in tenebris : ab incurfu & dæmonio meridiano.

Cadent à latere tuo mille, & decem millia à dextris tuis : ad te autem non appropinquabit.

Verumtamen oculis tuis considerabis : & retributionem peccatorum videbis.

Quoniam tu es Domine spes mea: Altissimum posuisti refugium tuum.

Non accedet ad te malum: & flagellum non appropinquabit tabernaculo tuo.

Quoniam Angelis suis mandavit de : ut custodiant te in omnibus viis tuis.

In manibus portabunt te : ne fortè offendas ad lapidem pedem tuum.

Super aspidem & basiliscum ambulabis: & conculcabis leonem & draconem.

Quoniam in me speravit, liberabo eum: protegam eum, quoniam cognovit nomen meum.

Clamabit ad me, & ego exaudiam eum : cum ipso sum in tribulatione: eripiam eum, & glorificabo eum.

Longitudine dierum replebo eum : & ostendam illi salutare meum.

Gloria Patri.

Psalmus 67.

EXurgat Deus, & dissipentur inimici ejus :
& fugiant qui oderunt eum à facie ejus.

Sicut deficit fumus, deficient: sicut fluit cera
à facie ignis, sic pereant peccatores à facie Dei.

Et justī epulentur, & exultent in conspectu
Dei: & delectentur in lætitia.

Cantate Deo, psalmum dicite nomini ejus :
iter facite ei qui ascendit super occasum : Do-
minus nomen illi.

Exultate in conspectu ejus: turbabuntur à
facie ejus, patris orphanorum, & judicis vi-
duarum.

Deus in loco sancto suo: Deus qui inhabitare
facit unius moris in domo:

Qui educit vinctos in fortitudine, similiter
eos qui exasperant, qui habitant in sepulchris.

Deus cū egredereris in conspectu populi
tui, cū pertransires in deserto:

Terra mota est; etenim cæli distillaverunt à
facie Dei Sinai, à facie Dei Israël.

Pluviam voluntariam segregabis Deus here-
ditati tuę: & infirmata est, tu verò perfecisti eam.

Animalia tua habitabunt in ea: parasti in
dulcedine tua pauperi Deus.

Dominus dabit verbum evangelizantibus;
virtute multa.

Rex virtutum dilecti dilecti: & speciei do-
mus dividere spolia.

Si dormiatis inter medios cleros, pennæ co-
lumbæ deargentatæ, & posteriora dorsi ejus in
pallore auri.

Dum discernit cælestis reges super eam, nive dealbabuntur in Selmon: mons Dei, mons pinguis.

Mons coagulatus mons pinguis: ut quid suspicamini montes coagulatos?

Mons, in quod beneplacitum est Deo habitare in eo: etenim Dominus habitabit in finem.

Currus Dei decem millibus multiplex, millia lætantium: Dominus in eis in Sina in sancto.

Ascendisti in altum, cepisti captivitatem: accepisti dona in hominibus.

Etenim non credentes, inhabitare Dominum Deum.

Benedictus Dominus die quotidie: prosperum iter faciet nobis Deus salutarium nostrorum.

Deus noster, Deus salvos faciendi: & Domini Domini exitus mortis.

Verumtamen Deus confringet capita inimicorum suorum: veriticem capilli perambulantium in delictis suis.

Dixit Dominus: Ex Bafan convertam, convertam in profundum maris:

Ut intingatur pes tuus in sanguine: lingua canum tuorum ex inimicis, ab ipso.

Viderunt ingressus tuos Deus, ingressus Dei mei; Regis mei, qui est in sancto.

Prævenerunt principes conjuncti psallentibus, in medio juvenicularum tympanistriarum.

In ecclesijs benedicite Deo Domino, de fontibus Israël.

Ibi Benjamin adolescentulus, in mentis excessu.

Prin-

Principes Iuda, duces eorum; principes Zabulon, princeps Nephthali.

Manda Deus virtuti tuæ: confirma hoc Deus, quod operatus es in nobis.

A templo tuo in Ierusalem, tibi offerent reges munera.

Increpa feras arundinis, congregatio tauro-
rum in vaccis populorum: ut excludant eos
qui probati sunt argento.

Dissipa gentes quæ bella volunt: venient
legati ex Ægypto: Æthiopia præveniet manus
ejus Deo.

Regna terræ cantate Deo: psallite Domino:

Psallite Deo, qui ascendit super cælum
cæli ad Orientem.

Ecce dabit voci suæ vocem virtutis, date
gloriam Deo super Israël: magnificentia ejus &
virtus ejus in nubibus.

Mirabilis Deus in Sanctis suis, Deus Israël
ipse dabit virtutem & fortitudinem plebi suæ:
benedictus Deus.

Gloria Patri, & Filio.

Psalmus 69.

DEus in adjutorium meum intende: Do-
mine ad adjuvandum me festina.

Confundantur & reveantur, qui quærunt
animam meam:

Avertantur retrorsum, & erubescant, qui
volunt mihi mala:

Avertantur statim erubescences, qui dicunt
mihi: Euge, euge.

Exultent & lætentur in te omnes qui quæ-
runt te, & dicant semper, Magnificetur Do-
minus, qui diligunt salutare tuum.

Ego verò egenus & pauper sum: Deus ad-
juva me.

Adjutor meus, & liberator meus es tu:
Domine ne moreris.

Gloria Patri.

Psalms 53.

DEus in nomine tuo saluum me fac: & in
virtute tua iudica me.

Deus exaudi orationem meam: auribus per-
cipe verba oris mei.

Quoniam alieni insurrexerunt adversum me,
& fortes quæsierunt animam meam: & non
proposuerunt Deum ante conspectum suum.

Ecce enim Deus adjuvat me: & Dominus
susceptor est animæ meæ.

Averte mala inimicis meis: & in veritate tua
disperde illos.

Voluntariè sacrificabo tibi, & confitebor
nomini tuo Domine; quoniam bonum est.

Quoniam ex omni tribulatione eripuisti me:
& super inimicos meos despexit oculus meus.

Gloria Patri.

Psalms 117.

Confitemini Domino quoniam bonus:
quoniam in sæculum misericordia ejus.

Dicat nunc Israël quoniam bonus: quoniam
in sæculum misericordia ejus.

Dicat

Dicat nunc domus Aaron : quoniam in sæculum misericordia ejus.

Dicant nunc qui timent Dominum : quoniam in sæculum misericordia ejus.

De tribulatione invocavi Dominum : & exaudivit me in latitudine Dominus.

Dominus mihi adjutor, non timebo quid faciat mihi homo.

Dominus mihi adjutor : & ego despiciam inimicos meos.

Bonum est confidere in Domino, quàm confidere in homine.

Bonum est sperare in Domino, quàm sperare in principibus.

Omnes gentes circuierunt me : & in nomine Domini quia ultus sum in eos.

Circumdantes circumdederunt me ; & in nomine Domini quia ultus sum in eos.

Circumdederunt me sicut apes, & exarserunt sicut ignis in spinis : & in nomine Domini quia ultus sum in eos.

Impulsus everfus sum ut caderem : & Dominus suscepit me.

Fortitudo mea , & laus mea Dominus : & factus est mihi in salutem.

Vox exultationis & salutis , in tabernaculis justorum.

Dextera Domini fecit virtutem : dextera Domini exaltavit me, dextera Domini fecit virtutem.

Non moriar , sed vivam : & narrabo opera Domini.

Castigans castigavit me Dominus : & morti non tradidit me.

Aperite mihi portas justitiæ, ingressus in eas confitebor Domino : hæc porta Domini , iusti intrabunt in eam.

Confitebor tibi quoniam exaudistime : & factus es mihi in salutem.

Lapidem , quem reprobaverunt ædificantes, hic factus est in caput anguli.

A Domino factum est istud : & est mirabile in oculis nostris.

Hæc est dies quam fecit Dominus : exultemus & lætemur in ea.

O Domine saluum me fac , ô Domine benè prosperare : benedictus qui venit in nomine Domini.

Benediximus vobis de domo Domini : Deus Dominus , & illuxit nobis.

Constituite diem solemnem in condensis, usque ad cornu altaris.

Deus meus es tu , & confitebor tibi : Deus meus es tu , & exaltabo te.

Confitebor tibi quoniam exaudisti me : & factus es mihi in salutem.

Confitemini Domino quoniam bonus : quoniam in sæculum misericordia ejus. Gloria Patri.

Psalms 34.

Iudica Domine nocentes me , expugna impugnantes me.

Apprehende arma & scutum : & exurge in adiutorium mihi.

Effun-

Effunde frameam , & conclude adversus eos qui persequuntur me : dic animæ meæ: Salus tua ego sum.

Confundantur & reveantur , quærentes animam meam.

Avertantur retrorsum , & confundantur cogitantes mihi mala.

Fiant tamquam pulvis ante faciem venti : & Angelus Domini coarctans eos.

Fiat via illorum tenebræ & lubricum: & Angelus Domini persequens eos.

Quoniam gratis absconderunt mihi interitum laquei sui : supervacuè exprobraverunt animam meam.

Veniat illi laqueus quem ignorat : & captio, quam abscondit , apprehendat eum : & in laqueum cadat in ipsum.

Anima autem mea exultabit in Domino : & delectabitur super salutari suo.

Omnia ossa mea dicent : Domine, quis similis tibi?

Eripiens inopem de manu fortiorum ejus: egenum & pauperem à diripientibus eum.

Surgentes testes iniqui , quæ ignorabam interrogabant me.

Retribuebant mihi mala pro bonis , sterilitatem animæ meæ.

Ego autem cùm mihi molesti essent , induabar cilicio:

Humiliabam in jejunio animam meam: & oratio mea in sinu meo convertetur.

Quali

Quasi proximum, & quasi fratrem nostrum, sic complacebam: quasi lugens & contristatus, sic humiliabar.

Et adversum me lætati sunt, & convenerunt, congregata sunt super me flagella, & ignoravi.

Dissipati sunt, nec compuncti, tentaverunt me, subfannaverunt me subfannatione: frenduerunt super me dentibus suis.

Domine quando respicies? restitue animam meam à malignitate eorum, à leonibus unicam meam.

Confitebor tibi in ecclesia magna, in populo gravi laudabo te.

Non supergaudeant mihi qui adversantur mihi iniquè: qui oderunt me gratis, & annuunt oculis.

Quoniam mihi quidem pacificè loquebantur: & in iracundia terræ loquentes, dolos cogitabant.

Et dilataverunt super me os suum: dixerunt: Euge, euge, viderunt oculi nostri.

Vidisti Domine, ne fileas: Domine ne discedas à me.

Exurge, & intende iudicio meo: Deus meus & Dominus meus in causam meam.

Iudica me secundum iustitiam tuam Domine Deus meus: & non supergaudeant mihi.

Non dicant in cordibus suis: Euge, euge, animæ nostræ: nec dicant, Devoravimus eum.

Erubescant & reveantur simul, qui gratulantur malis meis.

Induantur confusione & reverentia qui magna loquuntur super me.

Exultent & lætentur qui volunt iustitiam meam : & dicant semper, Magnificetur Dominus, qui volunt pacem servi ejus.

Et lingua mea meditabitur iustitiam tuam, tota die laudem tuam. Gloria Patri.

Psalms 30.

IN te Domine speravi, non confundar in æternum : in iustitia tua libera mea.

Inclina ad me aurem tuam, accelera ut eruas me.

Esto mihi in Deum protectorem ; & in domum refugij, ut salvum me facias.

Quoniam fortitudo mea & refugium meum es tu : & propter nomen tuum deduces me, & enutries me.

Educes me de laqueo hoc, quem absconderunt mihi ; quoniam tu es protector meus.

In manus tuas commendo spiritum meum : redemisti me Domine Deus veritatis.

Odisti observantes vanitates, supervacuè.

Ego autem in Domino speravi : exultabo, & lætabor in misericordia tua.

Quoniam respexisti humilitatem meam : salvasti de necessitatibus animam meam.

Nec conclusisti me in manibus inimici : statuisti in loco spatioso pedes meos.

Miserere mei Domine, quoniam tribulor : conturbatus est in ira oculus meus, anima mea, & venter meus :

Quo-

Quoniam defecit in dolore vita mea, & anni mei in gemitibus.

Infirmata est in paupertate virtus mea: & ossa mea conturbata sunt.

Super omnes inimicos meos factus sum opprobrium & vicinis meis valdè, & timor notis meis.

Qui videbant me, foras fugerunt à me: oblivioni datus sum tamquam mortuus à corde.

Factus sum tamquam vas perditum: quoniam audi vituperationem multorum commorantium in circuitu.

In eodum convenirent simul adversum me, accipere animam meam consiliati sunt.

Ego autem in te speravi Domine: dixi: Deus meus es tu: in manibus tuis sortes meæ.

Eripe me de manu inimicorum meorum, & à persequentibus me.

Illustra faciem tuam super servum tuum, salvum me fac in misericordia tua: Domine non confundar, quoniam invocavi te.

Erubescant impij, & deducantur in infernum: muta fiant labia dolosa:

Quæ loquuntur adversus justum iniquitatem, in superbia, & in abusione.

Quàm magna multitudo dulcedinis tuæ Domine, quam abscondisti timentibus te!

Perfecisti eis, qui sperant in te, in conspectu filiorum hominum.

Abscondes eos in abscondito faciei tuæ à conturbatione hominum.

Pro-

Proteges eos in tabernaculo tuo à cōtradictione linguarum.

Benedictus Dominus : quoniam mirificavit misericordiam suam mihi in civitate munita.

Ego autem dixi in excessu mentis meæ : Projectus sum à facie oculorum tuorum.

Ideò exaudisti vocem orationis meæ , dum clamarem ad te.

Diligite Dominum omnes sancti ejus : quoniam veritatem requirit Dominus, & retribuet abundanter facientibus superbiam.

Viriliter agite , & confortetur cor vestrum , omnes qui speratis in Domino.

Gloria Patri.

Psalmus 21.

DEUS Deus meus respice in me : quare me dereliquisti ? longè à salute mea verba delictorum meorum.

Deus meus clamabo per diem , & non exaudies : & nocte , & non ad insipientiam mihi.

Tu autem in sancto habitas , Laus Israël.

In te speraverunt patres nostri : speraverunt , & liberaisti eos.

Ad te clamaverunt , & salvi facti sunt : in te speraverunt , & non sunt confusi.

Ego autem sum vermis , & non homo : opprobrium hominum , & abjectio plebis.

Omnes videntes me , deriserunt me : locuti sunt labiis , & moverunt caput.

Speravit in Domino , eripiat eum : saluum faciat eum , quoniam vult eum.

Quoniam tu es qui extraxisti me de ventre :
spes

spes mea ab uberibus matris meæ. In te projectus sum ex utero :

De ventre matris meæ Deus meus es tu , ne discefferis a me.

Quoniam tribulatio proxima est : quoniam non est qui adjuvet.

Circumdederunt me vituli multi : tauri pingues obsederunt me.

Aperuerunt super me os suum , sicut leo rapiens & rugiens.

Sicut aqua effusus sum : & dispersa sunt omnia ossa mea.

Factum est cor meum tamquam cera liquef-cens in medio ventris mei.

Aruit tamquam testa virtus mea , & lingua mea adhæsit faucibus meis : & in pulverem mortis deduxisti me.

Quoniam circumdederunt me canes multi : concilium malignantium obsedit me.

Foderunt manus meas & pedes meos : dinumeraverunt omnia ossa mea.

Ipsi verò consideraverunt , & inspexerunt me : diviserunt sibi vestimenta mea , & super vestem meam miserunt sortem.

Tu autem Domine ne elongaveris auxilium tuum à me : ad defensionem meam conspice.

Erue à framea Deus animam meam : & de manu canis unicam meam.

Salva me ex ore leonis : & à cornibus unicornium humilitatem meam.

Narrabo nomen tuum fratribus meis : in medio ecclesiæ laudabo te.

Qui

Qui timetis Dominum, laudate eum: universum semen Jacob glorificate eum.

Timeat eum omne semen Israël: quoniam non sprexit, neque despexit deprecationem pauperis.

Nec avertit faciem suam à me: & cum clamarem ad eum, exaudivit me.

Apud te laus mea in ecclesia magna: vota mea reddam in conspectu timentium eum.

Edent pauperes, & saturabuntur, & laudabunt Dominum qui requirunt eum: vivent corda eorum in sæculum sæculi.

Reminiscantur, & convertentur ad Dominum universi fines terræ.

Et adorabunt in conspectu ejus universæ familiæ gentium.

Quoniam Domini est regnum: & ipse dominabitur gentium.

Manducaverunt, & adoraverunt omnes pingues terræ: in conspectu ejus cadent omnes qui descendunt in terram.

Et anima mea illi vivet: & semen meum serviet ipsi.

Annuntiabitur Domino generatio ventura: & annuntiabunt cæli justitiam ejus populo qui nascetur, quem fecit Dominus. Gloria Patri.

Psalms 3.

Domine, quid multiplicati sunt qui tribulant me? multi insurgunt adversum me.

Multi dicunt animæ meæ: Non est salus ipsi in Deo ejus.

E

Tu

Tu autem Domine susceptor meus es, gloria mea, & exaltans caput meum.

Voce mea ad Dominum clamavi: & exaudivit me de monte sancto suo.

Ego dormivi, & soporatus sum: & exsurrexi, quia Dominus suscepit me.

Non timebo millia populi circumdantis me: exurge Domine, saluum me fac Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus: & super populum tuum benedictio tua. Gloria Patri.

Psalms 10.

IN Domino confido: quomodo dicitis animæ meæ: Transmigre in montem sicut passer?

Quoniam ecce peccatores intenderunt arcum, paraverunt sagittas suas in pharetra, ut sagittent in obscuro rectos corde.

Quoniam quæ perfecisti destruxerunt: justus autem quid fecit?

Dominus in templo sancto suo, Dominus in cælo sedes ejus.

Oculi ejus in pauperem respiciunt: palpebræ ejus interrogant filios hominum.

Dominus interrogat justum & impium: qui autem diligit iniquitatem, odit animam suam.

Pluet super peccatores laqueos: ignis, & sulphur, & spiritus procellarum pars calicis eorum.

Quoniam justus Dominus, & justitias dilexit: æquitatem vidit vultus ejus.

Gloria Patri.

Psalmus 12.

U Squequò Domine obliviscêris me in finem? ulquequò avertis faciem tuam à me?

Quamdiu ponam consilia in anima mea, dolorem in corde meo per diem?

Ulquequò exaltabitur inimicus meus super me? respice, & exaudi me Domine Deus meus.

Illumina oculos meos, ne unquam obdormiam in morte: ne quando dicat inimicus meus, Prævalui adversus eum.

Qui tribulant me, exultabunt si motus fuero, ego autem in misericordia tua speravi.

Exultabit cor meum in salutari tuo: cantabo Domino qui bona tribuit mihi: & psallam nomini Domini altissimi.

Gloria Patri.

MODUS EXORCIZANDI

ex Pastoralis Mechliniensis.



CONVENIT, ut Exorcista ante actionem per piam recollectionem se ad eum statum componat, qui maxime conveniat ad ferendum suppetias proximo afflicto, adversus tam pestilentem hostem. Proinde ordiatur actionem ab invocatione sancti Spiritus, per quam statim ab initio omnem spem expectati auxilij transferat à se in benignissimum Dominum & Salvatorem nostrum, & eodem

dem etiam astantes omnes respicere doceat: vitet autem turbam illorum, qui curiositate vanâ non ad cooperandum, sed ad videndum concurrere solent.

Actionem autem ad liberationem hominis à demone obsessi sic instituere potest Sacerdos: Assumpto habitu Ecclesiastico, ut minimum superpelliceo & stolâ, etiam afflicti collum alterâ stolâ obvolvât, per quam quasi in tutelam eum assumat, & sibi jungat, ut in maiorem fiduciam erigatur. Deinde post humilem invocationem sancti Spiritus, & adstantium monitionem, ut suas preces cum Sacerdotis actione conjungant. Et muniens seipsum signo Crucis, dicat clara voce: In nomine Patris, & Filij, & Spiritus sancti. Amen. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Oremus.

Omnipotens Domine, Verbum Dei Patris, Christe Jesu, qui sanctis Apostolis tuis dedisti potestatem calcandi super serpentes & scorpiones, & super omnem virtutem inimici, & cujus virtute victus, tamquam fulgur de cælo, satanas cecidit: tuum nomen tremens supplexque deprecor, ut mihi indignissimo servo tuo datâ veniâ peccatorum, confidentiam & virtutem donare digneris; ut hunc crudelem draconem brachij tui potentiâ securus aggrediar. Qui vivis & regnas cum Deo Patre, &c. Resp. Amen.

Oremus.

Omnipotens sempiterne Deus, à cujus facie cæli distillant, montes sicut cera liquecunt,

cunt, terra tremit, cui patent abyssi quem infernus pavescit: te supplex deprecor ut invocatione tui nominis hujus famuli tui [famule tue] N. anima à vexatione liberata, ad auctorem suæ salutis recurrat, liberatoremque suum, diabolico depulso foetore, & odore suavissimo Spiritus sancti percepto, sequatur Dominum nostrum Jesum Christum Filium tuum. Qui tecum vivit & regnat, &c. *Resp. Amen.*

Tunc energumenus, si possit, clarâ voce dicat Symbolum Apostolorum, præeunte Sacerdote, qui statim dicat. Vers. Benedicamus Patrem, & Filium, cum sancto Spiritu. Resp. Laudemus & superexaltemus eum in sæcula. Vers. Dominus vobiscum. Resp. Et cum spiritu tuo.

Oremus.

OMnipotens, sempiternæ Deus, qui dedisti famulis tuis in confessione veræ fidei, æternæ Trinitatis gloriam agnoscere, & in potentia majestatis adorare unitatem: quæsumus, ut ejusdem fidei firmitate, ab omnibus semper muniamur adversis. Per Christum Dominum nostrum. *Resp. Amen.*

Deinde dicat Evangelia quæ sequuntur, signans in principio librum, deinde frontem, os, & pectus suum, ac postremò frontem energumeni; cuilibet Evangelio præponens. Vers. Dominus vobiscum. Resp. Et cum spiritu tuo. Vers. Sequentia sancti Evangelij secundum Matthæum. Resp. Gloria tibi Domine.

IN illo tempore : Accessit ad Iesum homo genibus provolutus ante eum, dicens : Domine, miserere filio mee, quia lunaticus est, & malè patitur : nam sæpè cadit in ignem, & crebrò in aquam : & obtuli eum discipulis tuis, & non potuerunt curare eum. Respondens autem Iesus, ait : O generatio incredula, & perversa, quousque ero vobiscum? usquequò patiar vos? Afferte huc illum ad me. Et increpavit illum Iesus, & exijt ab eo dæmonium, & curatus est puer ex illa hora. Tunc accesserunt discipuli ad Iesum secretò, & dixerunt : Quare nos non potuimus ejicere illum? Dixit illis Iesus : Propter incredulitatem vestram. Amen quippè dico vobis, si habueritis fidem sicut granum sinapis, dicetis monti huic, Transi hinc illuc : & transibit, & nihil impossibile erit vobis. Hoc autem genus non ejicitur nisi per orationem & jejunium.

Vers. Sequentia sancti Evangelij secundum Marcum. *Resp.* Gloria tibi Domine.

Cap. ult.

IN illo tempore : Recumbentibus undecim discipulis, apparuit illis Iesus & exprobravit incredulitatem eorum, & duritiam cordis: quia his, qui viderant eum resurrexisse, non crediderunt. Et dixit eis : Euntes in mundum universum prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa

na autem eos qui crediderint hæc sequentur: In nomine meo dæmonia ejicient, linguis loquentur novis, serpentes tollent: etsi mortiferum quid biberint, non eis nocebit: super ægros manus imponent, & benè habebunt. Et Dominus quidem Jesus, postquam locutus est eis, assumptus est in cælum: & sedet à dextris Dei. Illi autem profecti, prædicaverunt ubique, Domino cooperante, & sermonem confirmante, sequentibus signis.

Verf. Sequentia sancti Evangelij secundum Lucam. *Resp.* Gloria tibi Domine.

Cap. 4.

IN illo tempore: Descendit Jesus in Capharnaum, civitatem Galilææ: ibique docebat illos sabbatis. Et stupebant in doctrina ejus, quia in potestate erat sermo ipse. Et in synagoga erat homo habens dæmonium immundum; & exclamavit voce magnâ, dicens: Sine, quid nobis & tibi Iesu Nazarene? venisti perdere nos? scio te quis sis, Sanctus Dei. Et increpavit illum Jesus, dicens: Obmutesce, & exi ab eo. Et cum projecisset illum dæmonium in medium, exiit ab illo, nihilque illum nocuit.

Verf. Sequentia sancti Evangelij secundum Ioannem. *Resp.* Gloria tibi Domine.

Cap. 12.

IN illo tempore: Dixit Jesus turbis Judæorum: Nunc iudicium est mundi: nunc princeps huius mundi ejicietur foras: Et ego si exaltatus fuero à terra, omnia traham ad me ipsum. Hoc

autem dicebat, significans quâ morte esset moriturus. Respondit ei turba: Nos audivimus ex lege, quia Christus manet in æternum: & quomodo tu dicis, Oportet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non tenebræ vos comprehendant. Et qui ambulat in tenebris, nescit quò vadat. Dum lucem habetis, credite in lucem, ut filij lucis sitis.

Finitis Evangelij, Sacerdos osculatur librum dicens, Per Evangelica dicta deleantur nostra delicta.

Deinde ponit librum super caput energumeni. Postea imponens super obsessum extremam partem stola, dicit. Vers. Adjutorium nostrum in nomine Domini. Resp. Qui fecit cælum & terram. Exorcizo te immunde spiritus per Patrem, & Filium & Spiritum sanctum, ut exeas & recedas ab hoc famulo [famula] Dei N. ipse enim tibi imperat maledicte, dammate, qui pedibus super mare ambulavit; & Petro, ne mergeretur, dexteram porrexit; qui cæco nato oculos aperuit, & quadriduanum Lazarum de monumento suscitavit. Ergo maledicte diabole recognosce sententiam tuam, & da honorem Deo vivo & vero. Da honorem Jesu Christo Filio ejus, & Spiritui sancto, & recede ab hoc famulo [hac famula] Dei N. & hoc signum sanctæ Crucis, quod nos fronti ejus damus, tu maledicte diabole, numquam audeas violare: Per eum qui venturus

rus est judicare vivos & mortuos, & sæculum per ignem. *Resp. Amen.*

Audi maledicte satana, adjuratus per nomen æterni Dei, & Salvatori nostri Jesu Christi, Filij ejus, cum tua victus invidia, tremens gemenſque discede: nihil sit tibi commune cum servo [famula] Dei N. Da igitur honorem advenienti Spiritui sancto, qui ex summa cæli arce descendens perturbatis fraudibus tuis, mundum sibi templum & habitaculum perficiat, ut ab omni penitus vexatione liberatus servus [liberata ancilla] Dei, gratias perenni Deo referat semper, & benedicat nomen ejus in sæcula sæculorum. *Resp. Amen.*

Postea Sacerdos tenens manus super caput energumeni dicat: Nec te lateat satana, imminere tibi pœnas, imminere tibi tormenta, imminere tibi diem judicij, diemque supplicij sempiterni, diem qui venturus est velut clibanus ardens; in quo tibi atque universis angelis tuis æternus superveniet interitus. Proinde damnate atque damnande, da honorem Deo vivo & vero, da honorem Jesu Christo Filio ejus, & Spiritui sancto, in cujus nomen atque virtute ego præcipio tibi, quicumque es spiritus immunde, ut ex eas & recedas ab hoc famulo [hac famula] Dei N. quem [quam] Deus & Dominus noster Jesus Christus pretioso Sanguine suo redimere dignatus est, Qui venturus est judicare vivos & mortuos, & sæculum per ignem. *Resp. Amen.*

Exi spiritus immunde ab hac creatura Dei,

nec in eam præsumas ampliùs introire. Ipse tibi imperat maledicte diabole, qui te de supernis cælorum, in inferiora terræ demergi, qui te retrorsum abire præcepit. Tu ergo nequissime spiritus, humani generis inimice, mortis adductor, vitæ raptor, justitiæ declinator, malorum radix, seductor hominum, incitator invidiæ, causa discordiæ, pater mendacijs, illum metue, qui in Isaac immolatus est, in Joseph venundatus, in agno occisus, in homine crucifixus; qui deinde inferni triumphator exstitit gloriosus. Recede ergo in nomine Patris, & Filij, & Spiritus sancti, ab hoc famulo [hac famula] Dei, N. & ne ampliùs introëas in eum [eam] in virtute Domini nostri Jesu Christi, qui venturus est judicare vivos & mortuos, & sæculum per ignem. *Resp. Amen.*

Postea Sacerdos acceptâ Cruce, dicat, Ecce lignum sanctissimæ Crucis, fugite partes adversæ: vicit enim vos & mundum Dominus Iesus Christus, Filius Dei, Imperator summus, leo de tribu Iuda, radix David.

Crucem det Energumeno osculandam, dicens cum eo simul: Adoramus te Christe, & benedicimus tibi, quia per sanctam Crucem tuam redemisti mundum.

Deinde Sacerdos dicat: Kyrie eleison. Christe eleison. Kyrie eleison. Pater noster. Vers. Et ne nos inducas in tentationem. Resp. Sed libera nos à malo. Vers. Exurgat Deus, & dissipentur inimici ejus. Resp. Et fugiant qui oderunt eum

eum à facie ejus. *Vers.* Salvum fac servum tuum
[ancillam tuam] *Resp.* Deus meus sperantem
in te. *Vers.* Nihil proficiat inimicus in eo, [ea.]
Resp. Et filius iniquitatis non apponat nocere
ei. *Vers.* Esto ei Domine turris fortitudinis.
Resp. A facie inimici. *Vers.* Domine exaudi ora-
tionem meam. *Resp.* Et clamor meus ad te ve-
niat. *Vers.* Dominus vobiscum. *Resp.* Et cum
spiritu tuo.

Oremus.

DEus, qui culpâ offenderis, pœnitentiâ
placaris: preces populi tui supplicantis
propitius respice, & flagella tuæ iracundiæ,
quæ pro peccatis nostris meremur, averte.

OMnipotens sempiterne Deus, salus æter-
na credentium: exaudi nos pro famulo
tuo infirmo [famula tua infirma] pro quo [qua]
misericordiæ tuæ imploramus auxilium: ut red-
ditâ sibi sanitate, gratiarum tibi in Ecclesiâ tuâ
referat actiones.

HOstium nostrorum, quæsumus Domine,
elide superbiam: & eorum contumaciam
dexteræ tuæ virtute prosterne.

DEus qui contritorum non despicias gemi-
tum, & mœrentium non spernis affectum;
adepto supplicationibus nostris, quas tibi pro
tribulatione nostra effundimus, easque cle-
clementer exaudi: ut quidquid contra nos dia-
bolicæ atque humanæ moluntur adversitates,
ad nihilum redigatur, & consilio tuæ pietatis
allidatur; quatenus nullis adversitatibus læsi,
sed

sed de omni tribulatione & angustia erepti, læti in Ecclesia tua gratias referamus. Per Dominum nostrum, &c. Resp. Amen.

Potest etiam dici Oratio, Deus qui corda fidelium. & Oratio. Concede nos famulos tuos. & Oratio illius Sancti, cujus nomine vocatur ipse [ipsa] qui [quæ] vexatur: & Orationes aliorum Sanctorum, quos majori devotione colimus. Possunt dici & aliæ devotæ Orationes cum compunctione, & cordis contritione, implorando semper misericordiam Dei. Legat etiam Psalmum Iudica Domine nocentes me. fol. 59.

& Psalm. 58.

E Ripe me de inimicis meis Deus meus: & ab insurgentibus in me libera me.

Eripe me de operantibus iniquitatem, & de viris sanguinum salva me.

Quia ecce ceperunt animam meam: irruerunt in me fortes.

Neque iniquitas mea, neque peccatum meum Domine: sine iniquitate cucurri, & direxi.

Exurge in occursum meum, & vide: & tu Domine Deus virtutum, Deus Israël.

Intende ad visitandas omnes gentes: non miserearis omnibus qui operantur iniquitatem.

Convertentur ad vesperam: & famem patientur ut canes, & circuibunt civitatem.

Ecce loquentur in ore suo, & gladius in labiis eorum: quoniam quis audivit?

Et tu Domine deridebis eos: ad nihilum deduces omnes gentes.

For-

Fortitudinem meam ad te custodiam, quia Deus susceptor meus es: Deus meus, misericordia ejus prævenit me.

Deus ostendet mihi super inimicos meos, ne occidas eos: nequando obliviscantur populi mei.

Disperge illos in virtute tua: & depone eos protector meus Domine.

Delictum oris eorum, sermonem labiorum ipsorum: & comprehendantur in superbia sua.

Et de execratione & mendacio annuntiabuntur in consummatione: in ira consummationis, & non erunt.

Et scient quia Deus dominabitur Iacob, & finium terræ.

Convertentur ad vesperam, & famem patientur ut canes: & circuibunt civitatem.

Ipsi dispergentur ad manducandum: si verò non fuerint saturati, & murmurabunt.

Ego autem cantabo fortitudinem tuam: & exultabo manè misericordiam tuam.

Quia factus es susceptor meus, & refugium meum in die tribulationis meæ.

Adjutor meus tibi psallam, quia Deus susceptor meus es: Deus meus misericordia mea. Gloria Patri.

Item Psalmum Exurgat Deus. fol. 53. & Psalm.

Qui habitat in adjutorio. fol. 51. & Symbolum

Athanasij. Quicumque vult. folio 48. In fine di-

cit energumeno, dicens: Benedictio Dei Patris & Filij, & Spiritus sancti, descendat super te, & maneat semper. Resp. Amen.

Pos-


Possunt etiam supra dicta pluries repeti, si demon in vexatione duraverit.

ALTERA forma exorcismorum ad fugandum demonem de corporibus oppressis vel etiam maleficiatis:

SACERDOS indutus ut supra dicit: In nomine Patris ☩, & Filij ☩, & Spiritus ☩ sancti. *Resp.* Amen, Nos cum prole pia benedicat virgo Maria. Ecce Crucem Domini, fugite partes adversæ: vicit leo de tribu Iuda, radix David. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

DEUS Angelorum, Deus Archangelorum, Deus Prophetarum, Deus Martyrum, Deus Confessorum, Deus Virginum, Deus & Pater Domini nostri Iesu Christi, invoco nomen sanctum tuum, ac præclaræ maiestatis tuæ clementiam suppliciter exposco, ut mihi auxilium præstare digneris adversus hunc nequissimum spiritum, & omnem qui vexat hoc plasma tuum. Per eundem Christum Dominum, &c. *Resp.* Amen.

Exorcizo te immunde spiritus, omnis incurfio adversarij, omnis ira, omne phantasma, omnis legio, in nomine Domini nostri Iesu Christi, eradicare & effugare ab hoc plasmate Dei. Ipse tibi imperat, qui te de supernis cælorum in inferiora terræ demergi præcepit. Audi ergo, & nunc

& nunc satana victus & prostratus abscede, in nomine Domini nostri JESU Christi. Tu ergo nequissime satana, inimice fidei, hostis generis humani, mortis adductor, vitæ raptor, justitiæ declinator, malorum radix, fomes vitiorum, seductor hominum, proditor gentium, incitator invidiæ, origo avaritiæ, causa discordiæ, excitator dolorum, malorum magister, quid stas & resistis, cum scias Deum tuas perdere vires? Illum metue, qui in Isaac est immolatus, in Ioseph venundatus, in agno occisus, in homine crucifixus, deinde inferni triumphator extitit gloriosus. Recede ergo in nomine Patris, & Filij, & Spiritus sancti. Da locum Spiritui sancto, per hoc signum Crucis , *Hic signet Cruce frontem obsessi*, Domini nostri JESU Christi: qui cum Patre & Spiritu sancto vivit & regnat Deus, per omnia sæcula sæculorum. *Resp. Amen.*

Si nondum recesserit spiritus malignus, Sacerdos prosequitur. Vers. Dominus vobiscum. Resp. Et cum spiritu tuo.

Oremus.

DEus conditor & defensor humani generis, qui hominem ad imaginem tuam formasti, respice super hunc famulum tuum [hanc famulam tuam] N. qui [quæ] dolis invidi serpentis appetitur, quem [quam] vetus adversarius antiquus hostis terræ, formidinis horrore circumvolat, & sensum mentis humanæ stupore defigit, terrore conturbat, & metu trépidi timoris exagitat. Repelle Domine virtutem diaboli, fal-

fallacesque ejus insidias amove : procul impius tentator aufugiat. Sit nominis tui signo Crucis ☩ in fronte famulus tuus munitus [famula tua munita] & in anima tutus [tuta] & corpore.

Hic ter faciet signum Crucis in pectore, dicens :
 Tu pectoris hujus ☩ interna custodias. Tu viscera ☩ regas. Tu corda ☩ confirmes. In anima adversatricis potestatis tentamenta evanescant. Da Domine ad hanc invocationem sanctissimi nominis tui gratiam, ut qui hucusque terrebat, territus aufugiat, & victus abscedat, tibi que possit hic famulus tuus [hæc famula tua] & corde & mente præbere famulatum. Per Christum Dominum, &c.

Adjuro te serpens antique per Iudicem vivorum & mortuorum, per factorem tuum, per factorem mundi, per eum qui habet potestatem mittendi te in gehennam, ut ab hoc famulo [hac famula] Dei N. qui [quæ] ad Ecclesiæ finem recurrit, festinus discedas. Adjuro te iterum, non meâ infirmitate, sed virtute Spiritus sancti, ut desistas ab hoc famulo [hac famula] Dei N. quem [quam] omnipotens Deus ad imaginem suam fecit. Cede igitur, cede, non mihi, sed ministro Christi. Illius enim te urget potestas, qui te, affixus cruci, subjugavit : illius brachium contremisce, qui devictis gemitibus inferni, animas ad lucem perduxit. Sit tibi terror corpus hominis : sit tibi formido imago Dei. Ne resistas, nec morêris discedere ab homine; quoniam complacuit Deo in homi-

ne habitare. Et ne contemnendum me putes, dum me peccatorem esse cognoscis, imperat tibi Deus, imperat tibi majestas Christi; imperat tibi Deus Pater, imperat tibi Deus Filius, imperat tibi Deus Spiritus sanctus, imperat tibi fides Apostolorum Petri & Pauli, & ceterorum Sanctorum; imperat tibi Martyrum sanguis; imperat tibi Sacramentum Crucis; imperat tibi mysteriorum virtus. Exi ergo transgressor, exi seductor, plene omni dolo & fallacia, veritatis inimice, innocentium persecutor. Da locum durissime, da locum impiissime, da locum Christo, in quo nihil invenisti de operibus tui; qui te spoliavit, qui regnum tuum destruxit, qui te victum ligavit, & vasa tua diripuit: qui te projecit in tenebras, ubi tibi cum ministris tuis erit præparatus interitus. Sed quid truculente recogitas? quid temerarie retractas? reus omnipotenti Deo es, cujus statuta transgressus es: reus es Filio ejus Jesu Christo Domini nostro, quem tentare aulus es, & crucifigere præsumpsisti: reus es humano generi, qui tuis persuasionibus mortis fructum propinasti.

Si adhuc non cessaverit, aut recesserit, prosequitur Sacerdos. Vers. Dominus vobiscum. Resp. Et cum spiritu tuo.

Oremus.

Domine sancte, pater omnipotens, æterne Deus: Hosanna in excelsis, Pater Domini nostri Jesu Christi, qui illum refugam, tyrannum, & apostatam gehennæ ignibus deputasti:

F

qui

qui Unigenitum tuum in hunc mundum misisti, ut illum rugientem contereret: velociter attende, accelera, ut eripias hominem, ad imaginem & similitudinem tuam creatum, à ruina & dæmonio meridiano. Da Domine terrorem tuum super bestiam quæ exterminat vineam tuam; da fiduciam servis tuis, contra nequissimum draconem pugnare fortissimè, ne contemnat sperantes in te, & ne dicat sicut in Pharaone jam dixit, Deum non novi, & Israël non dimittam. Urgeat illum dextera tua, potens expellere à famulo tuo [famula tua] N. ne diutius captivum præsumat tenere hominem quem tu ad imaginem tuam facere dignatus es: & in Filio tuo redemisti. Qui tecum vivit & regnat. Resp. Amen.

Adjuro ergo te draco nequissime in nomine Agni immaculati, qui ambulavit super aspidem & basiliscum, qui conculcavit leonem & draconem; ut discedas ✠ ab homine, discedas ab Ecclesia ✠ *Hic producit signum Crucis super circumstantes.* Contremisce & effuge, invocato nomine Domini; quem inferi tremunt; cui virtutes cælorum, potestates & dominationes subjectæ sunt; quem Cherubim & Seraphim indefessis vocibus laudant: imperat tibi Verbum caro factum, imperat tibi natus ex Virgine, imperat tibi Jesus Nazarenus, qui te, cum discipulosejus contemneres, elisum atque prostratum exire præcepit ab homine; quo præsentem, cum te ab homine separasset, nec porcorum gregem

gem cōtingere præsumberas. Recede ergo nunc adjuratus in nomine ejus ab homine quem ipse plasmavit. Durum est tibi velle resistere, durum est tibi contra stimulum calcitrare: qui quantò tardiùs exis, tantò majus tibi supplicium crescit: quia non homines contemnis, sed illum qui venturus est judicare vivos & mortuos, & sæculum per ignem. *Resp. Amen.*

Si oppressus nondum fuerit liberatus, prosequitur Sacerdos. Vers. Dominus vobiscum. Resp. Et cum spiritu tuo.

Oremus.

OMnipotens Domine, Verbum Dei Patris, Christe JESU, Deus & Dominus universæ creaturæ, qui sanctis Apostolis tuis dedisti potestatem calcandi super serpentes & scorpiones; qui inter cetera mirabilium tuorum præcepta, dignatus es docere, dæmones effugare, cujus virtute motus tamquam fulgur de cælo fatanas cecidit: tuum sanctum nomen cum timore & tremore suppliciter deprecor, ut indignissimo mihi servo tuo datâ veniâ omnium delictorum meorum, confidentiam & possibilitatem donare digneris, ut hunc crudelem draconem, brachij tui sancti munitus potentiâ, fiducialiter & securè aggrediar: per te IESU Christe Domine Deus noster: Qui venturus est judicare vivos & mortuos, & sæculum per ignem. *Resp. Amen.*

Adjuro ergo te omnis immundissime spiritus, omne phantasma, omnis incurio satanæ,

in nomine IESU Christi ✠ Nazareni, qui post lavacrum Jordanis in desertum ductus est, & te in tuis sedibus vinxit, ut quem de limo terræ ad honorem gloriæ suæ formavit, tu desinas impugnare: & in homine miserabili non humanam fragilitatem, sed imaginem omnipotentis Dei contremiscas. Cede ergo Deo, qui te humiliato famulo suo Iob, in servitutem redegit. Cede Deo, qui & malitiam tuam in Pharaone, & in ejus exercitu per Moysen servum suum in abyssum demersit. Cede Deo, qui te per Danielelem puerum suum perdidit, & draconem prostravit. Cede Deo, qui te per fidelissimum servum suum David, de rege Saule, spiritualibus canticis pulsum fugavit. Cede Deo, qui te in Iuda Iscariot proditore damnavit. Ille enim te divinis verberibus angit, in cujus conspectu cum tuis legionibus tremens & clamans dixisti: Quid nobis & tibi Fili David? venisti ante tempus torquere nos? Ille te perpetuis flammis urgeat, qui in fine temporum dicturus est impijs: Ite maledicti in ignem æternum, quem præparavit Pater meus diabolo & angelis ejus. Tibi enim impie & angelis tuis vermes erunt, qui numquam morientur. Tibi & angelis tuis præparatur inextinguibile incendium, quia tu es princeps maledicti homicidij, tu auctor incestus, tu sacrilegorum caput, tu artium pessimarum magister, tu hæreticorum doctor, tu totius obscenitatis inventor. Exi ergo impie, exi scelerate, exi cum omni fallacia tua, quia hominem
tem-

plum suum voluit esse Deus. Sed quid diutiùs moraris hîc? Da honorem Deo Patri omnipotenti, cui omne genu flectitur. Da locum Domino JESU Christo, qui pro homine Sanguinem suum sacratissimum fudit. Da locum Spiritui sancto, qui per beatum Apostolum suum Petrum te manifestè stravit in Simone mago: qui fallaciam tuam in Anania & Saphira condemnavit: qui te in Herode Rege honorem Deo non dante percussit: qui te in Bariesu mago, per Apostolum suum Paulum cæcitatis caligine perdidit: & per eundem de Pythonissâ, verbo imperans, exire præcepit. Discede ergo nunc, discede seductor: tibi eremus sedes est, tibi habitatio serpens est. Humiliare & prosternere, jam non est differendi tempus. Ecce enim Dominator Dominus proximat citò, & ignis ardebit ante ipsum, & præcedet, & inflammabit in circuitu inimicos suos. Si enim hominem fefelleris, Deum non poteris irridere. Ille te eiicit, cujus oculis nihil occultum est: ille te expellit, cujus virtuti universa subjecta sunt: ille te excludit, qui tibi & angelis tuis præparavit æternam gehennam; de cujus ore exiet gladius bis acutus: Qui venturus est judicare vivos & mortuos, & sæculum per ignem. *Resp. Amen.*

Possunt legi sequentes Psalmi.

Psalmus 69.

DEus in adjutorium meum intende: Domine ad adjuvandum me festina.

Confundantur & revereantur, qui quærunt animam meam:

Avertantur retrorsum, & erubescant, qui volunt mihi mala:

Avertantur statim erubescences, qui dicunt mihi: Euge, euge.

Exultent & lætentur in te omnes qui quærunt te, & dicant semper, Magnificetur Dominus, qui diligunt salutare tuum.

Ego verò egenus, & pauper sum: Deus adjuva me.

Adjutor meus, & liberator meus es tu: Domine ne moreris. Gloria Patri.

Psalmus 10.

IN Domino confido: quomodo dicitis animæ meæ: Transmigra in montem sicut passer?

Quoniam ecce peccatores intenderunt arcum, paraverunt sagittas suas in pharetra, ut sagittent in obscuro rectos corde.

Quoniam quæ perfecisti destruxerunt: justus autem quid fecit?

Dominus in templo sancto suo, Dominus in cælo sedes ejus.

Oculi ejus in pauperem respiciunt: palpebræ ejus interrogant filios hominum.

Dominus interrogat justum & impium: qui autem diligit iniquitatem, odit animam suam.

Pluet super peccatores laqueos: ignis, & sulphur, & spiritus procellarum, pars calicis eorum.

Quo-

Quoniam iustus Dominus, & iustitias dilexit:
æquitatem vidit vultus ejus.

Gloria Patri.

Psalms 51.

Quid gloriaris in malitia, qui potens es in iniquitate?

Tota die iniustitiam cogitavit lingua tua :
sicut novacula acuta fecisti dolum.

Dilexisti malitiam super benignitatem ; iniquitatem magis, quàm loqui æquitatem.

Dilexisti omnia verba præcipationis, lingua dolosa.

Propterea Deus destruet te in finem: evellet te, & emigrabit te de tabernaculo tuo, & radicem tuam de terra viventium.

Videbunt iusti, & timebunt, & super eum ridebunt, & dicent: Ecce homo, qui non posuit Deum adiutorem suum:

Sed speravit in multitudine divitiarum suarum: & prævaluit in vanitate sua.

Ego autem sicut oliva fructifera in domo Dei, speravi in misericordia Dei in æternum, & in sæculum sæculi.

Confitebor tibi in sæculum, quia fecisti : & expectabo nomen tuum, quoniam bonum est in conspectu sanctorum tuorum.

Gloria Patri. Sicut erat.

Item possunt legi Litaniae cum Precibus suis & Orationibus.

O R A T I O N E S

E T

E X O R C I S M I,

*ad iuvandum energumenos & alios maleficiatos,
ex probatis Auctoribus desumpti.*



ACERDOS exorcizaturus, observatis ijs, quæ supra dicta sunt, orabit in modum qui sequitur.

Vers. Adjutorium ✠ nostrum in nomine Domini. *Resp.* Qui fecit cælum & terram. *Vers.* Sit nomen Domini benedictum. *Resp.* Ex hoc nunc & usque in sæculum.

Ecce Crucem Domini ✠, fugite partes adversæ, vicit leo de tribu Iudæ, radix David.

Psalmus 67.

EXurgat Deus, & dissipentur inimici ejus: & fugiant, qui oderunt eum, à facie ejus.

Sicut deficit fumus, deficient: sicut fluit cera à facie ignis, sic pereant peccatores à facie Dei.

Et justī epulentur, & exultent in conspectu Dei: & delectentur in lætitia.

Cantate Deo, psalmum dicite nomini ejus: iter facite ei qui ascendit super occasum: Dominus nomen illi.

Ex.

Exultate in conspectu ejus, turbabuntur à facie ejus, patris orphanorum, & judicis viduarum.

Deus in loco sancto suo: Deus qui inhabitare facit unius moris in domo:

Qui educit vinctos in fortitudine, similiter eos qui exasperant, qui habitant in sepulchris.

Deus cum egredereris in conspectu populi tui, cum pertransires in deserto:

Terra mota est; etenim cæli distillaverunt à facie Dei Sinai, à facie Dei Israël.

Pluviam voluntariam segregabis Deus hereditati tuæ: & infirmata est, tu verò perfecisti eam.

Animalia tua habitabunt in ea: parasti in dulcedine tua pauperi, Deus.

Dominus dabit verbum evangelizantibus, virtute multâ.

Rex virtutum dilecti dilecti: & speciei domus dividere spolia.

Si dormiatis inter medios cleros, pennæ columbæ deargentatæ; & posteriora dorsi ejus in pallore auri.

Dum discernit cælestis reges super eam, nive dealbabuntur in Selmon: mons Dei, mons pinguis.

Mons coagulatus, mons pinguis: ut quid suspicamini montes coagulatos?

Mons, in quo beneplacitum est Deo habitare in eo: etenim Dominus habitabit in finem.

Currus Dei decem millibus multiplex, millia

lætantium : Dominus in eis in Sina in Sancto.

Ascendisti in altum , cepisti captivitatem , accepisti dona in hominibus :

Etenim non credentes , inhabitare Dominum Deum.

Benedictus Dominus die quotidie : prosperum iter faciet nobis Deus salutarium nostrorum.

Deus noster, Deus salvos faciendi: & Domini Domini exitus mortis.

Verumtamen Deus confringet capita inimicorum suorum: verticem capilli perambulantium in delictis suis.

Dixit Dominus: Ex Basan convertam, convertam in profundum maris :

Ut intingatur pes tuus in sanguine : lingua canum tuorum ex inimicis, ab ipso.

Viderunt ingressus tuos Deus, ingressus Dei mei; regis mei qui est in sancto.

Prævenerunt principes conjuncti psallentibus, in medio juvenicularum tympanistiarum.

In ecce sijs benedicite Deo Domino, de fontibus Israël.

Ibi Benjamin adolescentulus, in mentis excessu.

Principes Juda, duces eorum : principes Zabulon, principes Nephthali.

Manda Deus virtuti tuæ : confirma hoc Deus, quod operatus es in nobis.

A templo tuo in Jerusalem, tibi offerent reges munera.

In-

Increpa feras arundinis, congregatio tauro-
rum in vaccis populorum: ut excludant eos,
qui probati sunt argento.

Dissipa gentes, quæ bella volunt: venient le-
gati ex Ægypto: Æthiopia prævenit manus
ejus Deo.

Regna terræ cantate Deo: psallite Domino;
Psallite Deo, qui ascendit super cælum cæli,
ad Orientem.

Ecce dabit voci suæ vocem virtutis, date glo-
riam Deo super Israël: magnificentia ejus &
virtus ejus in nubibus.

Mirabilis Deus in Sanctis suis, Deus Israël
ipse dabit virtutem & fortitudinem plebi suæ:
benedictus Deus.

Gloria Patri, & filio, &c.

*Deinde Sacerdos flexis genibus altâ voce dicet Li-
tánias Sanctórum, prout infra habentur.*

Vers. Domine exaudi orationem meam.

Resp. Et clamor meus ad te veniat.

Vers. Dominus vobiscum. *Resp.* Et cum spi-
ritu tuo.

Domine Deus omnipotens, qui omnia tuo
dispensas arbitrio, tu Pater clemens, tu pius
propitiator, tu mœstorum consolator, tu tribu-
latorum fortitudo, tu ægrotantium medicus, tu
defensor tuorum plasmatum, respice de sede
sancta tua super hunc famulum tuum, quem
malignus conturbat spiritus; & memor esse dig-
neris, quia opus manuum tuarum est, & pre-
tioso Sanguine suo cum Filius tuus redimere
dig-

dignatus est: & concede ut medelam tuam non solum in corpore, sed etiam in anima sentiat. Per eundem Dominum nostrum Iesum Christum.

Omnipotens sempiterne Deus, Pater Domini nostri Iesu Christi, te supplices exoramus, ut imperes diabolo, qui hunc famulum tuum detinet, ut ab eo recedat; & libera eum qui credit in verum liberatorem, ut amotâ omni vexatione diaboli, maiestati tuæ liberâ mente deserviat. Per eundem Dominum.

O Ramus pietatem tuam, omnipotens Deus, ut præstes auxilium familiæ tuæ, & clementer exaudire digneris preces nostras, ut famulum tuum ab hac infirmitate ad integram jubeas reverti corporis sanitatem. Per Dominum nostrum. &c.

Vers. Dominus vobiscum. *Resp.* Et cum spiritu tuo.

Vers. Sequentia sancti Evangelij secundum Marcum. *Resp.* Gloria tibi Domine.

Marc. 16.

In illo tempore: Recumbentibus undecim discipulis, apparuit illis Iesus & exprobravit incredulitatem eorum, & duritiam cordis: quia his, qui viderant eum resurrexisse, non crediderunt. Et dixit eis: Euntes in mundum universum prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos qui crediderint hæc sequentur: In
nomi.

nomine meo dæmonia ejicient, linguis loquentur novis, serpentes tollent : etsi mortiferum quid biberint , non eis nocebit : super ægros manus imponent, & benè habebunt. Et Dominus quidem Jesus , postquam locutus est eis, assumptus est in cælum : & sedet à dextris Dei. Illi autem profecti, prædicaverunt ubique, Domino cooperante , & sermonem confirmante, sequentibus signis. *Resp. Deo gratias.*

Oremus.

S Anctæ Maria, Virgo perpetua , mater Dei ; templum Domini, sacrarium Spiritus sancti, atque omnes Angeli & Archangeli, Principatus & Potestates, Virtutes & Dominationes, Throni, Cherubim & Seraphim , atque omnes sancti Patriarchæ, Prophetæ, Apostoli, Martyres, Confessores, Doctores , & Virgines, necnon & universi Dei electi intercedere dignentur pro illo afflicto N. ad Dominum , ut mereatur plenè liberari, & custodiri ab omnibus spiritibus immundis, animæ & corporis vexationibus, sensuum perturbationibus, dæmonum terroribus & illusionibus etiam in sanitate mentis & corporis conservari. Per eum qui venturus est judicare vivos & mortuos, & sæculum per ignem. *Resp. Amen.*

Jesus Mariæ Filius, salus mundi , & Dominus , sit tibi clemens & propitius , & liberet te plenè, & custodiat te semper ab omnibus spiritibus immundis, animæ & corporis vexationibus, sensuum perturbationibus , ac dæmonum
ter-

94 MANUALIS EXORCISMORUM
terroribus , & in bona sanitate mentis & corporis te conservet, in nomine Patris✠, & Filij✠, & Spiritus✠ sancti. Amen.

Omnipotens sempiterne Deus petimus humili prece divinam clementiam tuam , ut famulum tuum, quem conspiciamus ab antiquo hoste tentatum esse graviter, & sensu à livore fatanæ perturbari atque vexari, ab ejus impetu clementer eripias.

His subungere licet pro qualitate personarum, temporis, aut loci, sive Psalmos Pœnitentiales cum Litanij, sive alios qui hominem in spem & fiduciam erigant; ut, Qui habitat in adjutorio Altissimi, fol. 51. item, In te Domine speravi. fol. 61.

EXORCISMUS , dicendus (si commode fieri poterit) coram venerabili SACRAMENTO exposito in altari.

SACERDOS cum magna reverentia ponet sanctissimum Eucharistie Sacramentum super altare debite ornatum luminaribus, &c. Energumenum constituet infra gradus dicti altaris , indutum stolâ per modum Crucis. Factâ reverentiâ per incensum thuris venerabili Sacramento , Exorcista flexis genibus dicet altâ voce, seipsum signans,

In nomine Patris , & Filij , & Spiritus sancti. Amen. *Vers.* Adjutorium nostrum in nomine Domini. *Resp.* Qui fecit cælum & terram, *Vers.* Deus in adjutorium meum intende. *Resp.* Domine ad adjuvandum me festina. *Vers.* Dominus vobiscum. *Resp.* Et cum spiritu tuo.

Oremus

Oremus.

DEus qui nobis sub Sacramento mirabili passionis tuæ memoriam reliquisti; tribue quæsumus, ita nos Corporis & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas cum Deo Patre in unitate Spiritus sancti Deus, per omnia sæcula sæculorum.

Resp. Amen.

Oratio.

DEus refugium nostrum & virtus, adesto piis famulorum tuorum precibus, auctor ipse pietatis, & præsta; ut quod fideliter petimus, efficaciter consequamur. Per Dominum nostrum. *Resp. Amen.*

Oratio.

Ineffabilem misericordiam tuam, Domine; huic servo tuo N. clementer ostende: ut simul eum & à peccatis omnibus exuas, & à poenis quas pro his meretur eripias. Per Dominum nostrum Jesum Christum. *Resp. Amen.*

Oratio.

PReces famuli tui N. quæsumus Domine clementer exaudi, ut qui justè pro peccatis suis affligitur, pro tui nominis gloria misericorditer liberetur. Per Christum Dominum nostrum.

Resp. Amen.

Oratio.

DEus, qui hunc famulum tuum N. in tantis periculis constitutum, pro humana scis fragilitate non posse subsistere: da ei salutem mentis & corporis, ut ea quæ pro peccatis suis patitur

patitur, te adjuvante vincat. Per Christum Dominum nostrum. *Resp. Amen.*

Oratio.

DA quæsumus omnipotens Deus, ut hic famulus tuus N. qui in tot adversis ex sua infirmitate deficit, intercedente Filij tui unigeniti passione respiret. Per eundem Christum Dominum, &c. *Oremus.*

DEus qui gloriosissimum nomen Jesu Christi Filij tui Domini nostri fecisti fidelibus tuis summo suavitatis affectu amabile & malignis spiritibus tremendum atque terribile: concede propitius, ut omnes qui hoc nomen Jesu devotè venerantur in terris, sanctæ consolationis dulcedinem in præsentia percipiant, & in futuro gaudium exultationis & interminabilis jubilationis obtineant in cælis. Per eundem Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

Post Orationem surget Exorcista, & asperget infirmum & astantes Aquâ benedicta: & stans à latere versus infirmum, ita ut non vertat dorsum venerabili Sacramento, legat super illum sequentia.

Lectio libri Tobiaë.

Tob. 3.

IN diebus illis: Oravit Sara filia Raguelis ad Dominum, dicens: Benedictum est nomen tuum, Deus patrum nostrorum: qui cùm iratus fueris, misericordiam facies: & in tempore tribulationis peccata dimittis his qui invocant te. *Ad*

Ad te Domine faciem meam converto, ad te oculos meos dirigo. Peto Domine, ut de vinculo improperij hujus absolvas me. Tu autem Domine miserere nobis. *Resp. Amen.*

Initium sancti Evangelij secundum

Ioannem.

Ioan. i.

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat: & vita erat lux hominum: & lux in tenebris lucet, & tenebrae eam non comprehenderunt. Fuit homo missus a Deo, cui nomen erat Ioannes. Hic venit in testimonium, ut testimonium perhiberet de lumine: ut omnes crederent per illum. Non erat ille lux: sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est: & mundus eum non cognovit. In propria venit: & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. ET VERBUM CARO FACTUM EST, & habitavit in nobis: & vidimus gloriam ejus, gloriam quasi unigeniti a Patre, plenum gratiæ & veritatis. *Resp. Laus tibi Christe.*

PER Evangelica dicta extingatur, dissipetur
& destruat in te omnis malitia, In nomi-
ne Patris ✠, & Filij ✠, & Spiritus ✠ sancti.
Amen.

Psalmus 50.

Miserere mei Deus secundum magnam
misericordiam tuam :

Et secundum multitudinem miserationum
tuarum, dele iniquitatem meam.

Amplius lava me ab iniquitate mea : & à pec-
cato meo munda me.

Quoniam iniquitatem meam ego cognosco :
& peccatum meum contra me est semper.

Tibi soli peccavi, & malum coram te feci : ut
justificeris in sermonibus tuis, & vincas cum ju-
dicaris.

Ecce enim in iniquitatibus conceptus sum :
& in peccatis concepit me mater mea.

Ecce enim veritatem dilexisti : incerta &
occulta sapientiæ tuæ manifestasti mihi.

Asperges me hyssopo, & mundabor : lavabis
me, & super nivem dealbabor.

Auditui meo dabis gaudium & lætitiā : &
exultabunt ossa humiliata.

Averte faciem tuam à peccatis meis : & om-
nes iniquitates meas dele.

Cor mundum crea in me Deus : & spiritum
rectum innova in visceribus meis.

Ne proicias me à facie tua : & spiritum san-
ctum tuum ne auferas à me.

Rede

Redde mihi lætitiā salutaris tui : & spiritu principali confirma me.

Docebo iniquos vias tuas : & impij ad te convertentur.

Libera me de sanguinibus Deus, Deus salutis meæ : & exultabit lingua mea justitiā tuam.

Domine labia mea aperies : & os meum annuntiabit laudem tuam.

Quoniam si voluisses sacrificium, dedissem utique : holocaustis non delectaberis.

Sacrificium Deo spiritus contribulatus : cor contritum & humiliatum Deus non despiciet.

Benignè fac Domine in bona voluntate tua Sion : ut ædificentur muri Jerusalem.

Tunc acceptabis sacrificium justitiæ, oblationes, & holocausta : tunc imponent super altare tuum vitulos.

Gloria Patri, & Filio, & Spiritui sancto.

Sicut erat in principio, & nunc, & semper, & in sæcula sæculorum. Amen.

EXORCISMUS.

Ostendendo digito reverenter venerabile SACRAMENTUM, dicet Exorcista :

ADEST, ô nequissime spiritus, summa pietas. Adest ille, qui pro nostra salute passus est. Nunc (inquit) princeps mundi hujus ejicietur foras. Hoc est illud corpus quod de corpore Virginis sumptum est, quod in stipite crucis extensum est, quod in tumulo jacuit, quod de morte surrexit, quod videntibus discipulis

cipulis in cælum ascendit. In hujus ergo majestatis terribili potestate, tibi spiritus maligne præcipio ut ex hac creatura Dei N. egrediaris, & fugias, nec eam deinceps præsumas molestare. Amen.

Lectio Isaiaæ Prophetæ:

Isaia 14.

Quomodo cecidisti de cælo Lucifer, qui manè oriebaris? Corruisti in terram, qui vulnerabas gentes? qui dicebas in corde tuo. In cælum conscendam, super astra Dei exaltabo solium meum, & sedebo in monte testamenti in lateribus Aquilonis. Ascendam super altitudinem nubium, similis ero Altissimo. Verumtamen ad infernum detrahêris in profundum laci. Qui te viderint, ad te inclinabuntur, teque prospicient. Numquid iste est vir qui conturbavit terram, qui concussit regna? Tu autem Domine miserere nostri. *Resp.* Deo gratias.

Lectio sancti Evangelij secundum Lucam.

Luc. 11.

In illo tempore: Erat Iesus ejiciens dæmonium, & illud erat mutum: & cum ejecisset dæmonium, locutus est mutus, & admiratæ sunt turbæ. *Vers.* Tu autem Domine miserere nostri. *Resp.* Deo gratias.

Per Evangelica dicta deleantur omnia nostra delicta, & extinguatur in te omnis virtus diabolica.

Ex Psalmis.

a **D**ixit Dominus Domino meo : Sede à dextris meis :

Donec ponam inimicos tuos, scabellum pedum tuorum.

b Dexterata tua Domine magnificata est in fortitudine : dextera tua Domine percussit inimicum : & in multitudine gloriæ tuæ deposuisti adversarios tuos.

c Illuminans tu mirabiliter à montibus æternis : turbati sunt omnes insipientes corde.

Tu terribilises, & quis resistet tibi? ex tunc ira tua.

d Inimici defecerunt frameæ in finem : & civitates destruxisti.

e Tu confregisti capita draconis: dedisti eum escam populis Æthiopum.

Tu diripuisti fontes & torrentes : tu siccasti fluvios Ethan.

f Custodit Dominus omnes diligentes se, & omnes peccatores disperdet.

g Dominus solvit compeditos : Dominus illuminat cæcos.

Dominus erigit elisos: Dominus diligit iustos.

h Qui habitat in cælis irridebit eos : & Dominus subsannabit eos.

i Deus conteret dentes eorum in ore ipsorum : molas leonum confringet Dominus.

k Virum sanguinum & dolosum abominabitur Dominus : ego autem in multitudine misericordiae

G 3

ricordiae

a Psalm. 109. *b* Exod. 15. *c* Psalm. 75. *d* Psalm. 9. *e* Psalm. 73. *f* Psalm. 144. *g* Psalm. 145. *h* Psalm. 11. *i* Psalm. 57. *k* Psalm. 5.

ricordiæ tuæ introibo in domum tuam, & confitebor nomini tuo.

a Dominus irridebit eum; quoniam prospicit quòd veniet dies ejus.

b Immittet Angelus Domini in circuitu tentamentum eum : & eripiet eos.

EXORCISMUS.

A Udite aspides tartarei, exorcizo vos, cuiuscunque generis sitis, ut sine ulla mora discedatis ab hac creatura Dei N. omneque maleficium aut maleficij signum dissolvatis.

Exorcizo vos per eum qui dixit : Ego sum qui sum : per simplicissimam unitatem Dei.

Exorcizo vos per veritatem unius principij totius universi Creatoris & Rectoris.

Adjuro vos ut fugiatis, per æternum Deum, Patrem luminum.

Adjuro vos per Deum Filium, quem adorant omnes Angeli Dei.

Adjuro vos per Spiritum sanctum à Patre Filioque procedentem.

Adjuro vos ut relinquatis hanc creaturam Dei, per sanctissimam Trinitatem, Patrem, Filium, & Spiritum sanctum, unum Deum omnipotentem, unius essentiae, substantiae, & potestatis : ex quo omnia, per quem omnia, & in quo omnia, cui gloria in sæcula.

Adjuro vos per divinarum personarum æqualitatem.

Im-

Impero vobis ut recedatis , per immensitatem, incomprehensibilitatem, æternitatem, infinitatem , immutabilitatem, iustitiam & misericordiam Dei.

Exorcizo vos ut ab hac creatura Dei exeatis per Filij Dei incarnationem, adventum, & nativitatem, per eiusdem baptismum & sanctum jejunium.

Per crucem Christi & passionem.

Per mortem Domini & sepulturam.

Per sanctam ipsius resurrectionem & admirabilem ascensionem.

Exorcizo vos per adventum sanctissimi Paracleti.

Per sanctificationem ejus & consolationem, ut ab hac creatura Dei exeatis , & amplius ne introëatis in eam.

Lectio beati Pauli Apostoli. *Hebr. 4.*

FRatres , Adeamus cum fiducia ad thronum gratiæ ejus , ut misericordiam consequamur , & gratiam inveniamus in auxilio opportuno. *Vers. Tu autem Domine miserere nostri. Resp. Deo gratias.*

Lectio sancti Evangelij secundum Lucam.

Luc. 11.

IN illo tempore: Dixit Iesus discipulis suis: Petite, & dabitur vobis; quærite & invenietis; pulsate, & aperietur vobis. Omnis enim qui petit, accipit; & qui quærit, invenit; & pulsanti aperietur. *Resp. Laus tibi Christe.*

Per Evangelica dicta deleantur omnia nostra delicta, & extiguatur in te omnis virtus diabolica.

Exorcista flectat genua, & ad Deum dicat:

a **E**xaudi Deus orationem meam cum deprecor : à timore inimici eripe animam meam.

b Exaudi Deus deprecationem meam : intende orationi meæ.

c Converte Domine captivitatem nostram, sicut torrens in Austro.

d Incensa igni, & suffossa ab increpatione vultus tui peribunt.

e Deus meus pone illos ut rotam : & sicut stipulam ante faciem venti.

Et cognoscant quia nomen tibi Dominus : tu solus Altissimus in omni terra.

f Ne quando dicant in Gentibus, Ubi est Deus eorum?

g Ne dicant in cordibus suis : Euge, euge, animæ nostræ.

Nec dicant, devoravimus eum.

h Educes me de laqueo hoc quem absconderunt mihi : quoniam tu es protector meus.

i Ita persequeris illos in tempestate tua : & in ira turbabis eos.

Gloria Patri, & Filio. Sicut erat, &c.

EXOR.

a Psal. 61. *b* Psal. 60. *c* Psal. 115. *d* Psal. 79. *e* Psal. 82. *f* Psal. 78. *g* Psal. 34. *h* Psal. 30. *i* Psal. 82.

EXORCISMUS *per SACRAMENTA.*

EXORCIZO vos, nequissimi latrones, qui hominem ab Ierusalem in Jericho, à felicitate innocentiae ad peccati miseriam descendentem despoliastis, & plagis impositis semivivum reliquistis. Exorcizo vos per pijssimum Samaritanum **JESUM** Christum, qui per incarnationis humilitatem misero homini appropians alligavit vulnera ejus, & visibilibus Sacramentis institutis, tamquam oleo & vino infusis, eorumdem Sacramentorum virtute infirmum reficere, & contra vestram nequitiam præsumptamque potentiam vires suppeditare dignatus est.

Formidate igitur accedere ad hominis Christiani corpus, qui in morte Christi baptizatus, consepultus est cum illo per Baptismum in mortem, atque erutus de potestate tenebrarum (vestra scilicet) translatus est in regnum Filij dilectionis Dei; à cujus regno vos excidisse non ignoratis.

Adjuro vos per virtutem Spiritus sancti, qui in Sacramento Confirmationis per Chrismatis unctionem & signum Crucis, cum impositione manus Episcopalis Christianorum frontibus impressum, in eorum cordibus non tantum charitatis dona multiplicat, verum etiam robur mentis subministrat, quo in militiam spiritua-lem conscripti, omnibus vestris impugnationibus redduntur superiores.

Adjuro quoque vos per eximiam illam Christi erga homines charitatem, quâ sanctissimum Corpus & pretiosissimum Sanguinem suum, quæ in Eucharistia sub speciebus panis & vini verè & substantialiter adsunt, illis in cibum potumque spirituales concedere voluit in suæ passionis memoriam, & incruenti sacrificij oblationem; cujus virtute omnibus efficiuntur hostibus fortiores. Quapropter Christiani hominis corpus, quod à judice vestro, qui in hoc Sacramento præsens est, tanto honore dignum habetur, evestigio deferite.

Quidni ab hoc servo Dei statim receditis, toties ab eo victi, quoties per Sacramentum Poenitentiae vel statui gratiae restitutus est, vel ampliore justificatione donatus; mundante eum & sanctificante Sanguine Christi, cujus virtutem sustinere nullo modo potestis.

Arguit imbecillitatem vestram ad majorem confusionem, quòd Christianos in infirmitate constitutos tentationibus vestris infestantes per virtutem extremæ Unctionis à Christo institutæ non rarò fugemini, & animas, quarum perditioni inhiatis, ad Beatorum sedes angelico ministerio deferri cum vestra indignatione videre compellamini. Ita nunc quoque hinc discedite, ejusdem Christi virtute constricti, in cujus nomine vos adjuro.

Recordari enim vos oportet, quòd Christus Dominus per Ordinis Sacramentum servis suis potestatem dederit calcandi super serpentes & scorpiones.

scorpiones, omnemque virtutem vestram pedibus eorum subjecerit. Unde & ego (quamvis indignus & peccator) ad ignominiam vestram pedibus istis Evangelicis vos naturâ superiores conculco, & in nomine Jesu, qui hanc mihi dedit potestatem, vos protrudo, mandoque ut ab hoc servo Dei exeatis, eumque vexare desinatis, neque ulterius accedatis ad eum.

Sed & probè scitis, spiritus immundi, qui carnis spurcicias diligentes, fortitudinem habetis in lumbis vestris, & virtutem in umbilico ventris vestri, quantum de viribus vestris ademptum sit, cum Christus Dominus matrimonialem contractum Sacramenti honore nobilitans, amorem conjugum naturalem sublimavit in spiritualem charitatem, ut esset honorabile conjugium in omnibus, & torus immaculatus.

Quid ergo tot Sacramentorum virtute attriti, viribus vestris confiditis? nec ad terribile Dei nomen, in quo vos adjuro, continuo fugam capitis? Discedite toties victi. Discedite viribus destituti. Discedite coram Christo Domino imbecilles, qui vos uti per Sacramenta sanctissima in hoc sæculo hominibus vincendos exposuit; ita in die Judicii sempiternis ignibus cruciandos addicet. Cui est honor & gloria per omnia sæcula sæculorum.

Exprobratio in Satanam.

O Miserrime.& nequissime spiritus , ecce contra te tuum Factorem ac punitorem invocavi , cuius longanimitatem contemnere non consuevisti impunè. Reminisci debuisses, quemadmodum in te , & quàm justè, statim ab initio tuæ conditionis animadvertit. Audi, miserrime, opprobrium tuum. Vos spiritus nunc quidem brutales , olim etiam hominibus nobiliores omnes à Deo omnipotente producti fuistis , donis naturalibus sublimes , sed gratuitis sublimiores : qui in ipso mox vestræ conditionis exordio, Conditori vestro non solum ingrati, verùm etiam rebelles extitistis, in superbiam , in livorem, & odium maximum prorumpentes. O ingratitudinem maximam! ô inauditam temeritatem! ô flammis æternis exurendum scelus! Audiatis quid de vestro principe , & singulis vestrùm , suo modo sub figura Nabuchodonosor superbissimi , immò quid de Nabuchodonosor ad instar satanæ dicat per Isaiam magnus & admirabilis Conditor vester : Quomodo ^a (inquit) cecidisti de cælo Lucifer? qui manè oriebaris, corruisti in terram. Corruisti , inquam , tu, qui tuâ pulchritudine delectatus, dicebas in corde tuo, tuum scilicet blasphemando Conditorum, unde laudare debuisses; In cælum conscendam , super astra cæli exaltabo solium meum. Sedebo in monte testamenti , in lateribus Aquilonis. Ascendam super altitudinem

nubium, similis ero altissimo. O verbum totius temeritatis! & cui per magnum & admirabilem Adonai iustissimè respondeatur: Verumtamen, ô spiritus ingrâte atque superbissime, ad infernum detrahêris, in profundum laci. Qui te viderint post tantam dignitatem obsidentem corpora humana, & infrà intestina stercorea latitantem, bestiales gestus rugitusque porcinos cum femineis ejulatibus exercentem, ad te contemplandum præ admiratione inclinabuntur, ut videant ad quantam profunditatem, de tanta sublimitate explosus, ruensque descenderis.

Illud verò, miserrime, quomodo sufferre jam potes, quòd omnipotens Deus de superbissimo Rege Tyri sub tua persona, qui eum tuo facto docuisti, per *a* Ezechielem profitetur & dicit: Tu signaculum similitudinis, plenus sapientiâ, & perfectus decore, in delicijs Paradisi Dei fuisti. Omnis lapis pretiosus operimentum tuum: sardius, topazius, & jaspis, chrysolithus & onyx, & beryllus, sapphirus, & carbunculus, & smaragdus: aurum opus decoris tui; & foramina tua in die, quâ conditus es, præparata sunt. Tu Cherub extentus, & protegens, & posui te in monte sancto Dei, in medio lapidum ignitorum ambulasti: perfectus in vijs tuis à die conditionis tuæ, donec inventa est iniquitas in te. In multitudine negotiationis tuæ repleta sunt interiora tua iniquitate, & peccasti: & ejeci te de monte Dei, & perdidisti te, ô Cherub, protegens de medio lapidum ignitorum, quorum

confortiote indignum effecisti. Perdidisti sapientiam (Deo teste) licet tu apud mulierculas & Necromanticos de sapientia glorieris : & ex angelo effectus es bestia teterrima & scabiosa.

O miserrime, quo nulla creatura miserior vel impudentior est, quomodo post tantam gloriam audes comparere, & brutales imò porcinos moliri rugitus? Erubescere miselle, & fuge, Dei omnipotentis imperia veritus.

Nam ego Jesu Christi Nazareni crucifixi indignus Sacerdos & famulus, auctoritate & virtute Dei omnipotentis, Patris ☩, & Filij ☩, & Spiritus ☩ sancti, præcipio tibi ut hoc Dei templum desinas occupare. Et contra te invoco sanctam Trinitatem, ultricem contumaciæ tuæ, beatam Virginem Mariam, omnes bonorum Spirituum choros, omnes electos Dei; quos omnes humiliter precor, ut mihi adversum te sint in adjutorium. Fuge miserrime, fuge latro, quia iudex adest iratus: adest contra te iudicium Jesu Christi Nazareni crucifixi. Imperet tibi Dominus, qui venturus est judicare vivos & mortuos, & sæculum per ignem.

Si quando Exorcista judicabit expedire ut interroget aliqua à damone, servatis iis quæ habentur in Instructione, præmittet sequentia.

Lectio Actuum Apostolorum. Act. 16.

F Actum est euntibus nobis ad orationem, puella quædam habentem spiritum pythonem obviare nobis, quæ quæstum magnum præ-

præstabat dominis suis divinando. Hæc subsecuta Paulum & nos, clamabat dicens: Isti homines, servi Dei excelsi sunt, qui annuntiant vobis viam salutis: hoc autem faciebat multis diebus. Dolens autem Paulus, & conversus, spiritui dixit: Præcipio tibi in nomine Iesu Christi exire ab ea. Et exijt eadem horâ. Tu autem Domine miserere nostri. *Resp.* Deo gratias.

Lectio sancti Evangelij secundum

Marcum.

Marc. 9.

IN illo tempore: Respondens unus de turba, dixit: Magister, attuli filium meum ad te habentem spiritum mutum: qui ubicumque eum apprehendit, allidit illum, & spumat, & stridet dentibus, & arescit: & dixi discipulis tuis ut ejicerent illum, & non potuerunt. Qui respondens eis, dixit: O generatio incredula, quamdiu apud vos ero? quamdiu vos patiar? afferte illum ad me. Et attulerunt eum. Et cum vidisset eum, statim spiritus conturbavit illum: & elisus in terram volutabatur spumans. Et interrogavit patrem ejus: Quantum temporis est ex quo ei hoc accidit? At, ille ait: Ab infantia: & frequenter eum in ignem, & in aquas misit, ut eum perderet. Sed si quid potes, adjuva nos, misertus nostri. Jesus autem ait illi: si potes credere, omnia possibilia sunt credenti. Et continuo exclamans pater pueri, cum lacrymis aiebat: Credo Domine: adjuva incredulitatem meam. Et cum videret Jesus concurrentem turbam, comminatus est spiritui im-

immundo, dicens illi: Surde & mute spiritus, ego præcipio tibi, exi ab eo, & ampliùs ne introëas in eum. Et exclamans, & multùm discerpens eum, exijt ab eo: & factus est sicut mortuus, ita ut multi dicerent: Quia mortuus est. Jesus autem tenens manum ejus, elevavit eum, & surrexit. *Resp.* Laus tibi Christe.

Per Evangelica dicta deleantur omnia nostra delicta, & extingatur in te omnis virtus diabolica.

Subjunget Exorcista: a Adjuro te per Deum vivum, ut non contradicas verbo veritatis ullo modo; & de mendacio ineruditionis tuæ confundaris.

Hic petat Exorcista ea quæ scire desiderat pro faciliore expulsionem demonum, dicendo: c Da gloriam Deo.

Si Diabolus recuset respondere, vel mendacijs vel nugis divertere interrogata, insurgat Exorcista dicens: d Iterùm atque iterùm adjuro te, ut non loquaris mihi nisi quod verum est, in nomine Domini.

Si ex responso demonis vel alijs signis advertat Exorcista plures esse in corpore obsessioe demones, tam in adjurationibus præcedentibus, quam sequentibus, & in alijs Precibus utetur numero plurali.

Deinde si responderit demon siue non, quamdiu non fuerit ejectus, prosequitur Exorcista suam exorcisationem, & adjurationes, donec victoriam reportet de hoste communi, Deo favente & jubente.

E X-

EXORCISMI

qui nituntur invocationibus & suffragiis Sanctorum & Sanctarum DEI.

Primus per invocationem beatissimæ Virginis MARIE.

Flexis genibus ante altare vel imaginem beatissimæ Virginis, vel alterius Sancti, vel Sanctæ, leget Exorcista altâ voce Litanias B. MARIE LAURETANÆ, prout sequuntur.

KYrie eleison. Christe eleison. Kyrie eleison. Christe audi nos. Christe exaudi nos.

Pater de cælis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria, Ora pro eo.

Sancta Dei Genitrix, Ora pro eo.

Sancta Virgo virginum, Ora pro eo.

Mater Christi, Ora pro eo.

Mater divinæ gratiæ, Ora pro eo.

Mater purissima, Ora pro eo.

Mater castissima, Ora pro eo.

Mater inviolata, Ora pro eo.

H

Mater

Mater intemerata,	Ora pro eo.
Mater amabilis,	Ora pro eo.
Mater admirabilis,	Ora pro eo.
Mater Creatoris,	Ora pro eo.
Mater Salvatoris,	Ora pro eo.
Virgo prudentissima,	Ora pro eo.
Virgo veneranda,	Ora pro eo.
Virgo prædicanda,	Ora pro eo.
Virgo potens,	Ora pro eo.
Virgo clemens,	Ora pro eo.
Virgo fidelis,	Ora pro eo.
Speculum iustitiæ,	Ora pro eo.
Sedes sapientiæ,	Ora pro eo.
Causa nostræ lætitiæ,	Ora pro eo.
Vas spirituale,	Ora pro eo.
Vas honorabile,	Ora pro eo.
Vas insigne devotionis,	Ora pro eo.
Rosa mystica,	Ora pro eo.
Turris Davidica,	Ora pro eo.
Turris eburnea,	Ora pro eo.
Domus aurea,	Ora pro eo.
Fœderis arca,	Ora pro eo.
Ianua cæli,	Ora pro eo.
Stella matutina,	Ora pro eo.
Salus infirmorum,	Ora pro eo.
Refugium peccatorum,	Ora pro eo.
Consolatrix afflictorum,	Ora pro eo.
Auxilium Christianorum,	Ora pro eo.
Regina Angelorum,	Ora pro eo.
Regina Patriarcharum,	Ora pro eo.
Regina Prophetarum,	Ora pro eo.
	Regina

Regina Apostolorum,	Ora pro eo.
Regina Martyrum,	Ora pro eo.
Regina Confessorum,	Ora pro eo.
Regina Virginum,	Ora pro eo.
Regina Sanctorum omnium,	Ora pro eo.

Agnus Dei qui tollis peccata mundi, Parce nobis Domine.

Agnus Dei qui tollis peccata mundi, Exaudi nos Domine,

Agnus Dei qui tollis peccata mundi, Miserere nobis.

Christe audi nos. Christe exaudi nos. Kyrie eleison. Christe eleison. Kyrie eleison. Pater noster. *Vers.* Et ne nos inducas in tentationem. *Resp.* Sed libera nos à malo. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo. Oremus.

COncede nos famulos tuos, quæsumus Domine Deus, perpetuâ mentis & corporis sanitate gaudere: & gloriosâ beatæ Mariæ semper Virginis intercessione, à præsentiliberari tristitia, & æternâ perfrui lætitiâ. Per Christum Dominum nostrum. *Resp.* Amen.

Oratio.

DEus qui salutis æternæ, beatæ Mariæ virginitate fecunda, humano generi præmia præstitisti: tribue quæsumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum, &c. *Resp.* Amen.

Oratio.

O Maria virgo, quæ contrivisti caput serpentis, fugatrix dæmonum, & maleficiorum dissipatrix, ne hæc creatura, ad imaginem & similitudinem Filij tui creata, ulterius crucietur, succurre, & preces nostras, quas auribus tuæ pietatis & misericordiæ offerimus, exaudi; ut desideratam sanitatem tuo pio interventu obtineat, largiente Jesu Christo Filio tuo crucifixo, regnante in sæcula sæculorum. *Resp. Amen.*

Surgens Exorcista ab Oratione, asperget infirmum & circumstantes Aquâ benedictâ, & elevatis oculis in calum dicet: Sub tuum præsidium confugimus, sancta Dei Genitrix, nostras deprecationes ne despicias, & concede, ut te adjuvante de hoc superbo hoste victoriam referamus.

Sequentia sancti Evangelij secundum

Lucam.

LUC. I.

EXurgens autem Maria in diebus illis, abiit in montana cum festinatione, in civitatem Juda, & intravit in domum Zachariæ, & salutavit Elisabeth. Et factum est, ut audivit salutationem Mariæ Elisabeth, exultavit infans in utero ejus: & repleta est Spiritu sancto Elisabeth, & exclamavit voce magnâ, & dixit: Benedicta tu inter mulieres, & benedictus fructus ventris tui. Et unde hoc mihi ut veniat mater Domini mei ad me? Ecce enim ut facta est vox salutationis tuæ in auribus meis, exultavit in gaudio infans in utero meo. Et beata quæ credidisti, quoniam perficientur ea quæ dicta sunt

sunt tibi à Domino. Et ait Maria : Magnificat anima mea Dominum : & exultavit spiritus meus in Deo salutari meo. Quia respexit humilitatem ancillæ suæ : ecce enim ex hoc beatam me dicent omnes generationes. Quia fecit mihi magna qui potens est , & sanctum nomen ejus. Et misericordia ejus à progenie in progenies timentibus eum. Fecit potentiam in brachio suo : dispersit superbos mente cordis sui. Deposuit potentes de sede : & exaltavit humiles. Esurientes implevit bonis : & divites dimisit inanes. Suscepit Israël puerum suum , recordatus misericordiæ suæ. Sicut locutus est ad patres nostros , Abraham , & semini ejus in sæcula. Mansit autem Maria cum illa quasi mensibus tribus : & reversa est in domum suam. Resp. Laus tibi Christe.

Subjunget Exorcista, quod semper faciet lecto aliquo Evangelio. Per Evangelica dicta deleantur omnia nostra delicta , & exstinguatur in te omnis virtus diabolica.

EXORCISMUS.

Illa mater Dei intemerata , semper virgo Maria , quam Dominus omnipotens ab initio viarum suarum, antequam quidquam faceret à principio , & ab æterno elegit sibi in matrem & sponsam : illa inquam vos virginittatis hostes per suam intercessionem expellat ab hac creatura Dei, ipsique Deo hoc habitaculum suum , quod temerè præsumpsisti invadere , relinquantis, ac omne maleficiorum genus dissolvatis.

Illa vobis suis meritis contraveniat, cujus partus exstitit salutis exordium, & gaudium annuntiavit in universo mundo: ipsa enim est flos campi, de qua ortum est pretiosum libum convallium, per cujus partum mutatur natura protoplastorum, deletur & culpa; ex ea enim ortus est Sol justitiæ Christus Deus noster, qui solvens maledictionem, dedit benedictionem, & confundens mortem, donavit nobis vitam sempiternam.

Illa vos vestramque superbiam calcet, ô angeli apostatici, cui missus est Angelus Gabriel à Deo in civitatem Galilææ, cui nomen Nazareth, ut salutatione præmissâ, conceptionem Dominicam nuntiaret, dicendo: Ecce concipies & paries filium, & vocabis nomen ejus JESUM: hic erit magnus, & filius Altissimi vocabitur: fiet autem istud Spiritu sancto superveniente in te, & Altissimi virtute te obumbrante.

Illa vos vestramque superbiam conculcet, quæ cum se gravidam cognovisset, exurgens abiit in montana cum festinatione in civitatem Judææ, & intravit in domum Zachariæ, & salutavit Elisabeth. Et factum est ut audivit salutationem Mariæ Elisabeth, exultavit infans in utero ejus. Et repleta est Spiritu sancto Elisabeth, & exclamavit dicens: Benedicta tu inter mulieres, & benedictus fructus ventris tui.

Illa vos vestramque superbiam vincat, quæ novem post conceptionem decursis mensibus, dum medium silentium tenerent omnia, &

nox in suo cursu medium iter perageret, dum pastores vigilias noctis custodirent super gregem suum, peperit Filium suum primogenitum, & pannis eum involvit, & reclinavit in præsepe, quia non erat ei locus in diversorio.

Illa vos vestramque proterviam retundat, in qua præcisum est illud Evæ infelicitatis elogium, quo dicitur, In dolore paries filios, quia ista in lætitia Dominum peperit. Eva enim luxit, ista exultavit: Eva lacrymas, Maria gaudium in ventre portavit: quia illa peccatorem, ista edidit innocentem, & nocentium liberatorem.

Illa vos vestramque temeritatem confundat, & caput vestrum conterat, quæ Virgo ante partum, in partu, & post partum permansit.

Illa vos expugnet, a quæ postquam impleti sunt dies purgationis ejus, secundum legem Moyſi cum Joseph sponſo suo tulit Filium suum, & Dominum nostrum Jesum Christum, in Jerusalem, ut sisteret eum Domino.

Illa vos fugam capere faciat, quæ in Cana Galilææ, ad nuptias in quibus defuit vinum, dixit Filio suo: Vinum non habent, deinde ministris: Quodcumque dixerit vobis, facite.

Illa vos ad loca vobis debita deiiciat, ô corruptores bonæ mentis, quæ cum Maria Cleophae & Maria Magdalene juxta crucem Jesu Christi Filij sui stabat: quam cum ipse vidisset, ait illi: Mulier, ecce Filius tuus. Deinde dixit

discipulo suo Ioanni : Ecce mater tua. Et ex illa hora accepit eam discipulus in sua.

Illa vos ad loca vobis debita deturbet, quæ cum debitum carnis morte interveniente exsolvisset, assumpta est ad æthereum thalamum, in quo Rex regum stellato sedet folio.

Illaque tandem vos exterminet, quæ sicut Christi magnificentia super cælos est elevata, ita exaltata est super choros Angelorum ad cælestia regna, cuius meritis precibusque confusus, auctoritate Filij ipsius ego vobis præcipio ut hinc discedere festinetis, & ab omni maleficio hanc creaturam Dei solutam & liberam relinquatis.

Quousque tandem non exhibitis? quid moramini? quid temerè cogitatis? Fugite rebelles æternæ maiestati, date locum Deo maledicti, & exite ab hac imagine sanctissimæ Trinitatis, euntes ad loca vobis à Deo parata.

*Secundus EXORCISMUS, per invocationem
sanctorum ANGELORUM.*

Oremus.

Oratio.

DEus, qui miro ordine Angelorum ministeria hominumque dispensas : concede propitius, ut à quibus tibi ministrantibus in cælo temper assistitur, ab his in terra vita nostra muniat. Per Dominum nostrum Jesum, &c.
Resp. Amen.

Oratio.

Oratio.

Visita, quæsumus Domine, hunc famulum tuum N. & omnes insidias inimici ab eo longè repelle. Angeli tui sancti habitent cum eo, qui eum in pace custodiant: & benedictio tua sit super eum semper. Per Christum Dominum nostrum. *Resp. Amen.*

Oratio.

Deus, qui ineffabili providentiâ sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere, Per Dominum nostrum Iesum Christum, &c.

Hic surget Exorcista, & asperget obsessum & circumstantes Aquâ benedictâ, & stans versus illum, prosequetur sequentia.

Psalms 90.

Qui habitat in adiutorio Altissimi, in protectione Dei cæli commorabitur.

Dicet Domino: Susceptor meus es tu, & refugium meum: Deus meus sperabo in eum.

Quoniam ipse liberavit me de laqueo venantium, & à verbo aspero.

Scapulis suis obumbrabit tibi: & sub pennis ejus sperabis.

Scuto circumdabit te veritas ejus: non timebis à timore nocturno.

A sagitta volante in die, à negotio perambulante in tenebris, ab incursu, & dæmonio meridiano.

Cadent

Cadent à latere tuo mille , & decem millia à dextris tuis : ad te autem non appropinquabit.

Verumtamen oculis tuis considerabis : & retributionem peccatorum videbis.

Quoniam tu es Domine spes mea : Altissimum posuisti refugium tuum.

Non accedet ad te malum : & flagellum non appropinquabit tabernaculo tuo.

Quoniam Angelis suis mandavit de te : ut custodiant te in omnibus vijs tuis.

In manibus portabunt te : ne fortè offendas ad lapidem pedem tuum.

Super aspidem & basiliscum ambulabis : & conculcabis leonem & draconem.

Quoniam in me speravit, liberabo eum : protegam eum , quoniam cognovit nomen meum.

Clamabit ad me, & ego exaudiam eum : cum ipso sum in tribulatione : eripiam eum, & glorificabo eum.

Longitudine dierum replebo eum : & ostendam illi salutare meum.

Gloria Patri , & Filio , & Spiritui sancto.

Sicut erat in principio , & nunc & semper, & in sæcula sæculorum , Amen.

Lectio sancti Evangelij secundum Matthæum.

Matth. 4.

IN illo tempore : Ductus est Iesus in desertum à spiritu , ut tentaretur à diabolo. Et cum jejunasset quadraginta diebus , & quadraginta

ginta noctibus, postea esuriit. Et accedens tentator, dixit ei: si Filius Dei es, dic ut lapides isti panes fiant. Qui respondens, dixit: Scriptum est: *a* Non in solo pane vivit homo, sed in omni verbo quod procedit de ore Dei. Tunc assumpsit eum diabolus in sanctam civitatem: & statuit eum supra pinnaculum templi, & dixit ei: Si Filius Dei es, mitte te deorsum. Scriptum est enim: Quia Angelis suis mandavit de te, & in manibus tollent te, ne forte offendas ad lapidem pedem tuum. Ait illi Jesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde: & ostendit ei omnia regna mundi, & gloriam eorum, & dixit ei: Hæc omnia tibi dabo, si cadens adoraveris me. Tunc dicit ei Jesus: Vade satana: scriptum est enim: Dominum Deum tuum adorabis, & illi soli servies. Tunc reliquit eum diabolus: & ecce Angeli accesserunt, & ministrabant ei. *Resp.* Laus tibi Christe.

Per Evangelica dicta deleantur omnia nostra delicta, & extinguatur in te omnis virtus diabolica.

EXORCISMUS.

EXorcizo vos spiritus nequam, qui hoc plasma Dei vexare præsumitis, per Deum omnipotentem, sanctorum Angelorum & vestrum Creatorem, ut agnitâ vilitate vestrâ, ad quam per superbiam devenistis, dissipatoque omni maleficio, ab hac Dei creatura discedatis. Ne-

que enim digni estis ut in homine tyrannidem exerceatis, qui à naturali vestra excellentia contra Deum vos elevando dejecti, atque rudentibus inferni detracti, in carceribus vestris, sub caligine reservamini. Eum timete, qui sanctos spiritus, suum principatum domiciliumque servantes, non tantum æternâ gloriâ remuneravit, verum etiam vestram, quam deseruistis, adjecit dignitatem; ita ut ad ipsorum præsentiam vos jam contremiscere compellamini, quibus aliquando naturâ pares fuistis.

Illius vos urgeat majestas, qui vobis ex altissima cælorum sede dejectis, in ea loca, ubi umbra mortis & nullus ordo, sed sempiternus horror inhabitat, stabiliter sibi adhærentes spiritus per hierarchias ordinesque sic disposuit, ut millia millium throno ejus assistant, & decies millies centena millia majestati ipsius perpetuò ministrent. Quorum ministerio (nisi cesseritis) ad mandatum ejus tanta vobis accumulentur tormenta, ut infernalē potiùs flammam, quàm hujus creaturæ Dei corpus eligere compellamini.

Illum timete, cujus voluntati obsequens Archangelus Michaël cum exercitu Angelorum, vos frustra contrà præliantes ita devicit & subjugavit, ut ne locus quidem vester in cælo amplius inveniretur. Horum vos potestati resistere præsumitis? Scitote quòd vestrū unus Asmodæus per Raphaëlem Archangelum iecoris fumo è cubiculo Tobiae & Saræ profligatus, in deserto superioris Ægypti religatus sit.

An-

An ignoratis quòd omnium præsentium Christianorum, qui precibus apud Deum contra vos certant, Angeli semper vident faciem Patris nostri qui in cælis est? qui nos labentes erigunt, qui contra vestros insultus nos muniunt, qui orationes nostras ad Deum perferunt, qui divinæ benevolentiae beneficia suis precibus impetrata nobis reportant. Omnes nos contra vestram contumaciam Dominum invocamus. Quid moramini ulterius? quid expectatis, nisi ut Angeli sancti, de quorum custodia contra vos gloriamur, accepto à Deo mandato flagella vobis ingement, & miseriæ vestræ acerbiora insuper tormenta adjiciantur?

Iterum vos exorcizo per Jesum Christum Dominum nostrum verum hominem verumque Deum, qui suâ humilitate & passione mortis paulò minus ab Angelis minoratus, sic gloriâ & honore coronatus est, ut sit caput omnis principatus & potestatis, in quem & desiderant Angeli prospicere, cujus Sanguine hic servus Dei redemptus est. Exite igitur vos apostatici spiritus. Date locum Deo omnipotenti, cui hic servus addictus est. Date locum Christo Domino nostro, sub cujus auspiciis hic contra vestram nequitiam militat. Date locum sanctis Angelis, quorum hic tutelæ commissus est, eorumque contra vos auxilium invocamus, neque eum ulterius à Domini sui servitio vestris infestationibus aut maleficiis impedire præsumatis. Per eum qui venturus est judicare vivos & mortuos, & sæculum per ignem.

Ter-

**Tertius EXORCISMUS, per invocationem
DEI & SANCTORUM ejus.**

*Flexis genibus leget Exorcista altâ voce Litanias
sequentes.*

K Yrie eleïson. Christe eleïson. Kyrie eleï-
son. Christe audi nos. Christe exaudi nos.
Pater de cælis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria. Ora pro nobis.

Sancta Dei genitrix. Ora pro nobis.

Sancta Virgo virginum, Ora pro nobis.

Sancte Michaël, Ora pro nobis.

Sancte Gabriël, Ora pro nobis.

Sancte Raphaël. Ora pro nobis.

Omnes sancti Angeli & Archangeli, Orate pro
nobis.

Omnes sancti beatorum spirituum ordines,
Orate pro nobis.

Sancte Ioannes Baptista, Ora pro nobis.

Omnes sancti Patriarchæ & Prophetæ,
Orate pro nobis.

Sancte Petre, Ora pro nobis.

Sancte Paule, Ora pro nobis.

Sancte Andrea, Ora pro nobis.

Sancte Jacobe, Ora pro nobis.

Sancte Joannes, Ora pro nobis.

Sancte Thoma, Ora pro nobis.

Sancte

Sancte Iacobe,	Ora pro nobis.
Sancte Philippe.	Ora pro nobis.
Sancte Bartholomæe,	Ora pro nobis.
Sancte Matthæe,	Ora pro nobis.
Sancte Simon,	Ora pro nobis.
Sancte Thaddæe.	Ora pro nobis.
Sancte Matthia,	Ora pro nobis.
Sancte Bernaba,	Ora pro nobis.
Sancte Luca,	Ora pro nobis.
Sancte Marce,	Ora pro nobis.

Omnes sancti Apostoli & Evangelistæ ,
Orate pro nobis.

Omnes sancti Discipuli Domini , Orate pro
nobis.

Omnes sancti Innocentes ,	Orate pro nobis.
Sancte Stephane ,	Ora pro nobis.
Sancte Laurenti,	Ora pro nobis.
Sancte Vincenti,	Ora pro nobis.
Sancti Fabiane & Sebastiane,	Orate pro nobis.
Sancti Ioannes & Paule,	Orate pro nobis.
Sancti Cosma & Damiane,	Orate pro nobis.
Sancti Gervasi & Protasi,	Orate pro nobis.
Omnes sancti Martyres,	Orate pro nobis.
Sancte Silvester,	Ora pro nobis.
Sancte Gregori,	Ora pro nobis.
Sancte Ambrosi,	Ora pro nobis.
Sancte Augustine,	Ora pro nobis.
Sancte Hieronyme,	Ora pro nobis.
Sancte Martine,	Ora pro nobis.
Sancte Nicolae,	Ora pro nobis.
Omnes sancti Pontifices & Confessores ,	Ora pro nobis.
Orate pro nobis.	Omnes

Omnes sancti Doctores,	Orate pro nobis.
Sancte Antoni,	Ora pro nobis.
Sancte Benedicte,	Ora pro nobis.
Sancte Bernarde,	Ora pro nobis.
Sancte Dominice,	Ora pro nobis.
Sancte Francisce,	Ora pro nobis.
Omnes sancti Sacerdotes & Levitæ,	Orate pro nobis.

Omnes sancti Monachi & Eremitæ, Orate pro nobis.

Sancta Maria Magdalena,	Ora pro nobis.
Sancta Agatha,	Ora pro nobis.
Sancta Lucia,	Ora pro nobis.
Sancta Agnes,	Ora pro nobis.
Sancta Cæcilia,	Ora pro nobis.
Sancta Catharina,	Ora pro nobis.
Sancta Anastasia,	Ora pro nobis.

Omnes sanctæ Virgines & Viduæ, Orate pro nobis.

Omnes Sancti & Sanctæ Dei, Intercedite pro nobis.

Propitius esto,	Exaudi nos Domine.
Ab insidijs diaboli,	Libera eum Domine.
Per mysterium sanctæ Incarnationis tuæ,	Libera eum Domine.

Per adventum tuum,	Libera eum Domine.
Per nativitatem tuam,	Libera eum Domine.
Per baptismum & sanctum jejunium tuum,	Libera eum Domine.

Per crucem & Passionem tuam,	Libera eum Domine.
------------------------------	--------------------

Per

Per mortem & sepulturam tuam, **Libera** eum
Domine.

Per sanctam resurrectionem tuam, **Libera** eum
Domine.

Per admirabilem ascensionem tuam, **Libera**
eum Domine.

Per adventum Spiritus sancti Paracliti, **Libera**
eum Domine.

Peccatores, Te rogamus audi nos.

Fili Dei, Te rogamus audi nos.

Agnus Dei qui tollis peccata mundi, Parce
nobis Domine.

Agnus Dei qui tollis peccata mundi, Exaudi
nos Domine.

Agnus Dei qui tollis peccata mundi, Misere-
re nobis.

Christe audi nos. Christe exaudi nos. Kyrie
eleison. Christe eleison. Kyrie eleison. Pater
noster. Ave Maria. *Vers.* Domine exaudi oratio-
nem meam. *Resp.* Et clamor meus ad te veniat.
Vers. Dominus vobiscum. *Resp.* Et cum spiritu
tuo.

Oremus.

OMnipotens sempiterne Deus, quæsumus,
ut desideratam nobis tuæ propitiationis
abundantiam, multiplicatis intercessoribus,
largiaris. Per Dominum nostrum, &c. *Resp.*
Amen.

Oremus.

INtervenientibus, Domine, sanctâ Mariâ
virgine matre tuâ & omnibus Sanctis, huic
famulo

famulo tuo N. auxiliij tui placatus ostende virtutem, ut destructis adversitatibus, infidiisque diabolicis universis, securâ deinceps tibi serviat libertate. Qui cum Patre & Spiritu sancto vivis & regnas in sæcula sæculorum, *Resp. Amen.*

Oremus.

OMnes Sancti tui, quæsumus Domine, nos ubique adjuvent, & dum eorum merita recolimus, patrocinia sentiamus, & ab Ecclesia tua cunctam repelle nequitiam: iter, actus, & voluntates nostras in salutis tuæ prosperitate dispone, & huic famulo tuo pacem, & iisdem intervenientibus à dæmonum infestatione requiem concede. Per Dominum, &c. *Resp. Amen.*

Oremus.

PRotege Domine hunc famulum tuum[hanc famulam tuam] N. & Apostolorum tuorum Petri & Pauli, & aliorum Apostolorum patrocinio confidentem, perpetuâ defensione conserva. Per Dominum.

Surgens ab oratione Exorcista, asperget infirmum Aquâ benedictâ, & stans versus illum leget sequentia.

Psalmus 31.

BEati quorum remissæ sunt iniquitates: & quorum tecta sunt peccata.

Beatus vir, cui non imputavit Dominus peccatum, nec est in spiritu ejus dolus.

Quoniam tacui, inveteraverunt ossa mea, dum clamarem tota die.

Quo-

Quoniam die ac nocte gravata est super me manus tua : conversus sum in ærumna mea , dum configitur spina.

Delictum meum cognitum tibi feci : & injustitiam meam non abicondi.

Dixi : Confitebor adversum me injustitiam meam Domino : & tu remisisti impietatem peccati mei.

Pro hac orabit ad te omnis sanctus in tempore opportuno.

Verumtamen in diluvio aquarum multarum , ad eum non approximabunt.

Tu es refugium meum à tribulatione , quæ circumdedit me : exultatio mea erue me à circumdantibus me.

Intellectum tibi dabo , & instruam te in via hac quâ gradieris : firmabo super te oculos meos.

Nolite fieri sicut equus & mulus, quibus non est intellectus.

In camo & fræno maxillas eorum constringe, qui non approximant ad te.

Multa flagella peccatoris : sperantem autem in Domino misericordia circumdabit.

Lætamini in Domino, & exultate iusti : & gloriamini omnes recti corde.

Gloria Patri, & Filio, & Spiritui sancto.

Sicut erat in principio , & nunc , & semper , & in sæcula sæculorum. Amen,

Lectio sancti Evangelij secundum Matthæum,
Matth. 15.

IN illo tempore : Egressus Jesus secessit in partes Tyri & Sidonis. Et ecce mulier Chananæa à finibus illis egressa clamavit dicens ei: Miserere mei Domine fili David : filia mea male à dæmonio vexatur. Qui non respondit ei verbum. Et accedentes discipuli ejus, rogabant eum dicentes: Dimitte eam, quia clamat post nos. Ipse autem respondens ait : Non sum missus nisi ad oves quæ perierunt domus Israël. At illa venit, & adoravit eum, dicens; Domine, adjuva me. Qui respondens ait : Non est bonum sumere panem filiorum, & mittere canibus. At illa dixit : Etiam Domine : nam & castelli edunt de micis quæ cadunt de mensa dominorum suorum. Tunc respondens Jesus, ait illi: O mulier, magna est fides tua : fiat tibi sicut vis. Et sanata est filia ejus ex illa hora. *Resp.* Laus tibi Christe.

Per Evangelica dicta deleantur omnia nostra delicta, & extinguatur in te omnis virtus diabolica.

EXORCISMUS.

EXorcizo vos apostatici spiritus per Patrem & Filium & Spiritum sanctum, ut ab hac creatura Dei, Sanguine Christi de faucibus vestris erepta, continuo recedatis. Exorcizo vos per B. Mariam virginem Dei matrem, & omnes sanctorum Angelorum choros, & per merita om-

omnium sanctorum, qui paratam nobis gloriam, qua per inobedientiam excidistis, fide & operibus consecuti, vestras ruinas in cælestibus impleverunt.

Exorcizo vos per sanctos Patriarchas & Prophetas, qui adversus tenebras ignorantiae, quas mundo induxeratis, à Deo in vineam suam missi tamquam fideles operarii, illas non in se tantum vicerunt, sed & ab aliorum cordibus expulerunt: propter quod & per vestram invidiam lapidati sunt, secti sunt, in occisione gladii mortui sunt, glorioso de vobis certamine in perpetuum triumphantes.

Exorcizo vos per sanctos Apostolos Christi, qui carne velatum Filium Dei simplici fide recipientes, vestram proterviam, quâ Deum, qui vos genuit dereliquistis, confuderunt, acceptâque gratiâ & Apostolatu ad obediendum fidei in omnibus, sua prædicatione totum orbem terrarum ab infidelitate ad Creatoris nostri agnitionem reduxerunt.

Exorcizo vos per quatuor Evangelistas, qui sublimium mysteriorum Dei cognitione, tamquam oculis pleni intus & foris, lumine Evangelij publicato, vestram, quâ pro dijs haberi volebatis, impudentiam detexerunt.

Exorcizo vos per gloriosum exercitum sanctorum Martyrum, qui vobis impiè sævientibus in eos, sui sanguinis & vitæ prodigi, pro iustitia & veritate agonizarunt usque ad mortem: à quibus subacti & turpiter victi, erubescite;

neque virtuti sanguinis eorum, quem pro Christo fuderunt, ulterius resistere præsumatis.

Exorcizo vos per sanctos Pontifices, quos Spiritus sanctus posuit Episcopos ad regendam Ecclesiam Christi, quam acquisivit Sanguine suo, eamque à vobis vestrisque insidijs indefessa vigilantia defenderunt.

Exorcizo vos per sanctos Confessores, qui magna animi fortitudine mundum cum omnibus delicijs contemnentes, cupiditatum suarum victores extiterunt; & superatis vestris tentationibus, divinorum mandatorum viam alacri charitate cucurrerunt.

Adjuro vos per sanctos Ecclesiæ Doctores, qui non sibi solis viventes, postquam Deo per sanctam conversationem grati facti sunt, scriptis quoque eandem Ecclesiam illuminarunt, & contra hæresum errores, quas numquam seminare desistitis munierunt, atque in Catholica fide conservarunt.

Exorcizo vos per sanctos Abbates, Monachos, Eremitas, qui hominum mundanorum consortia declinantes, atque in solitudinibus errantes, in montibus, speluncis, & cavernis terræ, quæ loca tamquam vestris spurcitijs consecrata inhabitare antea consuevistis, impetus vestros fortiter sustinuerunt, & vobiscum veluti cominus congressi, in proprijs vos sedibus expugnarunt.

Exorcizo vos per sanctos Presbyteros, qui divinis astiterunt in conscientia pura, & immaculati

culati Agni oblatione inter alia beneficia, fidelibus à Deo vestrorum quoque conatum exsufflationem frequenter impetraverunt.


Exorcizo vos per sanctas & prudentes Virgines & Viduas, quæ exhibuerunt corpora sua hostiam viventem, sanctam, Deo placentem, ut per continentiae libamen, cogitantes quæ Domini sunt, & placerent cui se probaverunt, vestras quotidianâ exercitatione impugnationes & impuritates animo plusquam femineo debellantes.

Hos igitur & omnes Dei Sanctos suppliciter invocantes, rogamus Deum, ut Angelorum protectio, Patriarcharum fides, lumen Prophetarum, Apostolorum perfecta charitas, Martyrum sanguis, Confessorum fortitudo, Monachorum religiosa devotio, Virginum castitas, sanctitas Viduarum, & omnium Sanctorum & Sanctarum merita fiant nobis contra vos in adjutorium. Per Christum Dominum nostrum. *Resp. Amen.*

Alia formula Exorcizandi obsessos & maleficiatos.



ANTE omnia semper Exorcista asperget obsessum & astantes Aquâ benedictâ, eamque sapius inter exorcizandum adhibebit. Deinde imponet stolam collo obsessi, illumque & astantes serio adhortabitur ut secum orent. Et signando se ipsum signo Crucis, dicet:

DEus in adjutorium  meum intende: Domine ad adjuvandum me festina.

Confundantur, & revereantur, qui quærunt animam meam:

Avertantur retrorsum, & erubescant qui volunt mihi mala:

Avertantur statim erubescantes, qui dicunt mihi: Euge, euge.

Exultent & lætentur in te omnes qui quærunt te, & dicant semper, Magnificetur Dominus, qui diligunt salutare tuum.

Ego verò egenus, & pauper sum: Deus adjuva me.

Adjutor meus, & liberator meus es tu: Domine ne moreris.

Gloria Patri, & Filio. &c.

Postea flexis genibus clarâ voce leget Litánias Sanctorum prout supra fol. 127. Vel, Veni creator Spiritus,

ritus, &c. cum Collecta, Deus qui corda fidelium,
&c. pro ratione temporis, & opportunitate Sacerdotis.

Recitatis Litanis usque Peccatores, Te roga-
mus audi nos, fol. 129. surget, & conversus ad
afflictum, dicet:

Ut hanc creaturam pretioso tuo Sanguine
redemptam ab infestationibus dæmonum libe-
rare digneris, Te rogamus audi nos.

Ut hanc creaturam tuam à cruciatibus dæ-
monum liberare, & benedicere digneris, Te
rogamus audi nos.

Ut hanc creaturam tuam à potestate dæmo-
num liberare, benedicere, & conservare dig-
neris,

Te rogamus audi nos.

Fili Dei,

Te rogamus audi nos.

Agnus Dei qui tollis peccata mundi,
Parce ei Domine.

Agnus Dei qui tollis peccata mundi,
Exaudi nos Domine.

Agnus Dei qui tollis peccata mundi,
Miserere nobis.

Pater noster, &c. *Vers.* Et ne nos inducas in
tentationem. *Resp.* Sed libera nos à malo, Amen.
Vers. Domine exaudi orationem meam. *Resp.* Et
clamor meus ad te veniat. *Vers.* Dominus vobis-
cum: *Resp.* Et cum spiritu tuo.

Oremus.

Domine Jesu Christe, qui pro redemptione
mundi voluisti à Judæis reprobari, & à
Iuda proditore osculo tradi, & à perfidis vinculis
alligari, & sicut Agnus mansuetus ad victimam

duci, atque in conspectu Pilati ignominiosè
fisti, & à falsis testibus accusari, flagellis & op-
probriis vexari, conspui, & spinis coronari, co-
laphis cædi, clavis acutis perforari, & in cruce
levari, inter latrones deputari, felle & aceto po-
tari, lanceâ vulnerari. Tu Domine Jezu Christe,
per has sanctissimas pœnas tuas, quas ego indig-
nus peccator recolo, & per sanctam Crucem
tuam te precor, ut non respicias peccata mea,
atque peccata hujus creaturæ tuæ N. sed secun-
dum magnam misericordiam tuam libera eam à
diabolo vexante; & mihi indigno famulo tuo
præbe virtutem, ut valeam expellere omnes
dæmones eam vexantes, per tua sanctissima ver-
ba. Qui vivis cum Deo Patre in unitate Spiritus
sancti Deus, per omnia sæcula sæculorum. *Resp.*
Amen.

Oremus.

Domine Deus omnipotens, invictæ virtutis
auctor, & insuperabilis imperij Rex, &
semper magnificus triumphator, qui adversæ
dominationis vires reprimis, qui hostiles nequi-
tias potenter expugnas, qui omnia per tuum
verbum ex nihilo condidisti, qui Luciferum &
sequaces ejus superbos & rebelles de cælo ex-
pulisti, qui in Filio tuo ima summis reconcilia-
sti, qui non vis mortem peccatoris, cui proprium
est misereri semper & parcere, miserere huic
creaturæ tuæ N. non respiciendo ejus peccata
& demerita, sed secundum tuam clementiam
libera eam ab omnibus laqueis malignorum spi-
rituum,

rituum, quibus alligatur, & ab omni infestatione & molestia ipsorum quibus torquetur. Sicut liberaſti Mariam Magdalenam à ſeptem ſpiritibus immundis, & filiam Chananæ à vexatione dæmonis; ſic hanc creaturam nunc etiam liberare digneris ab omnibus malignis ſpiritibus eam infeſtantibus. Et ſicut liberaſti Ionam de ventre ceti, & Suſannam de falſo crimine, & David de manibus Saül, & tres pueros de camino ignis ardentis, & Daniele de lacu leonum; ita nunc eâdem clementiâ liberare digneris hanc creaturam tuam N. Sanguine Filij tui redemptam, & undâ Baptiſmatis regeneratam, ab omni vexatione malorum ſpirituum. Et qui dediſti Apoſtoliſ poteſtatem ſuper malignos ſpiritus & virtutes eorum, ipſoſque fugandi à corporibus hominum, & curandi infirmos; ita nunc mihi indigno famulo tuo concedere digneris dono tuæ gratiæ virtutem fugandi iſtas contrarias poteſtates tenebrarum ab hac creatura tua N. virtute tuâ, & invocatione ſanctiſſimi nominis tui. Per Chriſtum Dominum noſtrum. *Reſp.* Amen.

Oremus.

OMnipotens ſempiternæ Deus, Pater Domini noſtri Jeſu Chriſti; te ſupplices exoramus, ut imperes ſpiritibus iſtis, qui hunc famulum tuum N. detinent, ut ab eo recedant: libera eum, quia credit in verum liberatorem Dominum noſtrum Jeſum Chriſtum Filium tuum: Qui tecum vivit, &c.

Hic

Hic Sacerdos surgat ab oratione, & asperget obfessum Aquâ benedictâ, & dicet energumenus vel maleficiatus generalem Confessionem ut sit initio Missæ, Confiteor Deo omnipotenti, &c. vel lingua vulgari quæ solet præmitti Confessioni Sacramentali. Quâ factâ, Sacerdos impendet generalem absolutionem, dicendo, Misereatur tui, &c. Indulgentiam, absolutionem, &c. postea leget sequentes Orationes super afflictum.

Oremus,

Oratio.

Domine Deus omnipotens, qui dixisti conversionem te malle peccatoris quam mortem; suscipe orationem quam pro famulo tuo N. ante conspectum gloriæ tuæ effundimus, ut pariter eum & à peccatis omnibus exuas, & à vexatione diabolicæ fraudis clementer eripias, Per Dominum, &c.

Oremus.

Respice Domine super hunc famulum tuum, pro quo Dominus noster Iesus Christus non dubitavit manibus tradi nocentium, & crucis subire tormentum. Qui tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

Oremus.

PReces nostræ humilitatis pro tuitione famuli tui N. oblatas, petimus Domine, dignanter exaudi, & ab ejus vexatione malignos spiritus tuâ potestate compesce, Per Dominum nostrum.

Oremus

Oremus.

Domine Deus virtutum , suscipe preces
quas tibi indigni offerimus pro famulo tuo
N. ut indultâ peccatorum suorum remissione,
cum ab opprimentis diaboli invasione digneris
eripere. Per Dominum nostrum, &c.

Oremus.

Domine sancte, Pater omnipotens, æterne
Deus, qui peccantium animas non vis
perire; contine iram quam meremur, & respice
propitius super hunc famulum tuum N. misera-
bili afflictione laborantem. Per Dominum no-
strum Jesum Christum, &c.

Oremus.

Deus invictæ virtutis auctor , & ineffabilis
imperij Rex, ac semper magnificus trium-
phator, qui inimicos & adversarios nominis tui
ad honorem gloriæ tuæ potenter expugnas; te
supplices deprecamur, ut hunc famulum tuum
N. ab invidorum spirituum vexatione ad lau-
dem nominis tui liberare digneris. Per Domi-
num nostrum, &c.

Oremus.

Succurre, quæsumus Domine, famulo tuo
N. diabolicis tentationibus crudeliter affli-
cto, ut per sanctæ Mariæ matris Domini nostri
Jesu Christi, sanctorum Petri & Pauli, om-
niumque Sanctorum & Sanctarum intercessio-
nem ad pristinam mentis & corporis sanitatem
pertingere mereatur, & in tua deinceps pro-
tectione,

tectione, ad tui nominis gloriam, securus permaneat. Per eundem Dominum, &c.

Consequenter leget Exorcista ea qua sequuntur.

Lectio libri Sapientiae. *Eccli. 36.*

Allela Deus manum tuam super Gentes alienas, ut videant potentiam tuam. Sicut enim in conspectu eorum sanctificatus es in nobis, sic in conspectu nostro magnificaberis in eis, ut cognoscant te, sicut & nos cognovimus; quoniam non est Deus præter te, Domine. In nova signa, & immuta mirabilia. Glorifica manum, & brachium dextrum. Excita furorem, & effunde iram. Tolle adversarium, & afflige inimicum. Festina tempus, & memento finis, ut enarrent mirabilia tua. In ira flammæ devoretur qui salvatur: & qui pessimant plebem tuam, inveniant perditionem. Contere caput principum inimicorum, dicentium: Non est alius præter nos. Tu autem Domine miserere nostri. *Resp. Deo gratias.*

Lectio sancti Evangelij secundum Marcum.

Marc. 16.

IN illo tempore: Dixit Jesus discipulis suis: Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia eiicient, linguis loquentur novis, serpentes tollent: & si mortiferum quid biberint, non

non eis nocebit: super ægros manus imponent,
& benè habebunt. *Resp.* Laus tibi Christe.

Per Evangelica dicta deleantur omnia nostra
delicta, & extinguatur in te omnis virtus dia-
bolica.

Postea prosequetur exorcizationem.

A D I U R A T I O.

A Djuro te ☩, dæmon, per illum cujus
nativitatem Angelus Mariæ Virgini an-
nuntiavit: quiq; pro nobis peccatoribus descen-
dit de cælis, ET INCARNATUS EST de Spiritu
sancto, natus ex Maria Virgine, ET HOMO
FACTUS EST. Adjuro te ☩, dæmon, per eum-
dem qui panniculis involutus in præsepio jace-
re voluit, qui infantiles necessitates sustinens,
uberibus virgineis lactatus, pastoribusq; nun-
tius fuit; quiq; ut Legem impleret, cir-
cumcidi voluit, Adjuro te ☩, dæmon, per
eundemmet qui Magis (stellâ præviâ) mani-
festum se fecit, in temploq; præsentatus in
ulnis Simeonis exceptus est, & in Ægyptum fu-
git. Adjuro te ☩, dæmon, per eundem qui in-
ventus in templo in medio Doctorum fuit, &
qui à Ioanne baptizari voluit, in deserto quadra-
ginta diebus & quadraginta noctibus ieiunavit,
& à diabolo tentari se permisit. Adjuro te ☩, dæ-
mon, per eundem qui vocatus ad nuptias, aquâ
convertit in vinum, quiq; cæcos illuminavit,
surdos

surdo fecit audire, claudos ambulare, & qui infirmos propriâ virtute & potestate sanavit. Adjuro te ✠, dæmon, per illum qui dæmones è corporibus obsessis expulit, qui leprosos mundavit, mortuos suscitavit, cæco nato lumen restituit, super aquas siccis pedibus ambulavit. Adjuro te ✠, dæmon, per eundem qui in monte sancto coram discipulis suis transfiguratus est, & qui Chananæam pro filia sua rogantem exaudivit, mulieremque deprehensam in adulterio monuit non ampliùs peccare, & sine condemnatione dimisit. Adjuro te ✠, dæmon, per eundem qui Publicanum ad poenitentiam vocavit, Petrum lacrymantem suscepit, quiq; ex itinere fatigatus corpus suum fame & siti afflixit, & compatiendo nostris calamitatibus lacrymatus est. Adjuro te ✠, dæmon, per eundem qui immeritò dæmoniacus & potator vini est appellatus, qui indigentiam paupertatis sustinuit, quiq; cum Maria & Martha ad monumentum Lazari defuncti ploravit, ipsumque Lazarum quatrduanum foetentem è monumento excitavit; quiq; prævidens desolationem Jerusalem flevit. Adjuro te ✠, dæmon, per eundem qui dignatus est pedes discipulorum suorum lavare, & qui in cœna panem & vinum suis sanctissimis verbis in Corpus & Sanguinem suum convertit, & appropinquante terminò suæ passionis, usque ad sanguineum sudorem ad Patrem oravit, & à Juda suo discipulo osculo se tradi permisit. Adjuro te ✠, dæmon,

dæmon per eundemmet qui ab impijs derisus,
& vinculis ligatus, & ad Pontifices ductus, in
concilio Iudæorum accusatus, pugnis & alapis
in faciem demùm cædi voluit. Adjuro te ☩,
dæmon, per eundem qui sputis & opprobrijs
affectus, facie velari, colaphis cædi, palmis per-
cuti, & varijs injurijs blasphemari, ad colum-
nam nudus ligari, & pro nobis usque ad san-
guinem verberari voluit. Adjuro te ☩, dæ-
mon, per eundem qui à Pilato traditus fuit mi-
litibus, & ab eis veste purpureâ indutus spinis
coronatus, arundine percussus, & genuflexio-
nibus subsannatus fuit. Adjuro te ☩, dæmon,
per eundem qui Rex Iudæorum justè nomi-
natus, à Pilato injustè judicatus, veste purpu-
reâ exutus, & vestimentis suis denuò indutus,
ligno crucis oneratus, ad montem Calvariæ du-
ctus, & cum latronibus deputatus est. Adjuro
te ☩, dæmon, per eundem, qui vestibus pro-
prijs coram omnibus exutus, in cruce elevatus
brachijs extensis, durissimis clavis in ea affixus,
à prætereuntibus, ab ipsiisque Pontificibus
blasphematus fuit. Adjuro te ☩, dæmon, per
eundem, cujus labia dulcissima & melliflua siti
aruerunt, quiq; faciem suam speciolam ver-
beribus affectam, ut leprosam ostendit, &
pro suis crucifixoribus Patrem exoravit, latro-
nem in cruce exaudivit, matrem propriam Io-
anni commendavit. Adjuro te ☩, dæmon, per
eundem qui sitiens felle & aceto potatus fuit,
quiq; ad Patrem suum magnâ voce clamans

K

dixit:

dixit: In manus tuas commendo spiritum meum: qui venerandum illud caput suum inclinans, spiritum emisit. Adjuro te ☩, dæmon, per eundemmet qui pretioso Sanguine suo totum mundum redemit: quique lanceâ in latere suo perfossus fuit, ex quo sanguis & aqua exivit. Adjuro te ☩, dæmon, per eundem qui de Cruce vespere fuit depositus, quique in monumento novo sepultus, maxima cum virtute ad inferos descendens portas æreas confregit, & potentiâ suâ diabolum vicit, & infernum exoliavit. Adjuro te ☩, dæmon, per eundem qui tertiâ die resurgens à mortuis, Mariæ Magdalænæ & discipulis suis apparuit, die verò quadragesimâ illis videntibus in cælum ascendit, & die Pentecostes Spiritum sanctum Paraclitum in linguis igneis super illos misit, & per eundem qui venturus est judicare vivos & mortuos, & te maledicte diabole, & sæculum per ignem, ut statim exeas & recedas ab hoc famulo Dei N. cum omnibus iniquitatibus, maleficijs, incantationibus, ligaturis, & facturis tuis, numquam ad eum rediturus. Nec te lateat, maledicte satan, nec te lateat, creatura damnata, & reprobata, & maledicta à Deo in æternum propter nequitiam tuam. Nec te lateat, spiritus immunde, ubicumque latitas in corpore istius creaturæ Dei N. imminere tibi diem iudicij sempiterni, diemque qui venturus est velut clibanus ardens, in quo tibi & omnibus angelis tuis apostaticis æternus superveniet interitus.

tus. Et ideò pro tua nequitia damnate atque damnande, da honorem Deo vivo, & vero, da honorem Jesu Christo Deo & salvatori nostro, da honorem Spiritui sancto Paraclito, in cujus nomine atque virtute ego præcipio tibi, immunde spiritus, ubicumque latitas in corpore istius N. ut ex eas & recedas ab eo, & numquam de cetero ad ipsum accedas: quia istum Deus & Dominus noster Jesus Christus ad suam sanctam gratiam & benedictionem, fontemque Baptismatis, dono suæ gratiæ vocare dignatus est, ut fieret ejus templum, per aquam regenerationis, & remissionem omnium peccatorum, & per nomen & virtutem ejusdem Dei & Domini nostri Jesu Christi: qui venturus est judicare vivos & mortuos, & sæculum per ignem. *Resp. Amen.*

ADIURATIO.

URgeat ergo te Dominus noster Jesus Christus Dei filius, urgeant te Angeli Dei, urgeant te Archangeli, urgeant te Patriarchæ & Prophetæ, urgeant te Apostoli & Evangelistæ, urgeant te Martyres, urgeant te Confessores, urgeant te Virgines, urgeant te omnes Sancti & electi Dei, & omnes artes & insidiæ tuæ indies deficiant. Non ergo invideatis ulterius, ô rebelles Deo, huic N. pristinam fortitudinem & sanitatem, non vexetis eum ampliùs, nec impediatis quærentem vitam æternam.

Alia A D I U R A T I O.

Christi nomine invocato, & auctoritate ipsius Domini nostri Jesu Christi, quam suis Apostolis & eorum successoribus; & omnibus in ipsum credentibus dedit, dicens, *a* Ecce dedi vobis potestatem calcandi super serpentes & scorpiones & super omnem virtutem inimici: & in alio loco; *b* Signa eos, qui crediderint, hæc sequentur: In nomine meo dæmonia eiicient, & super ægros manus imponent, & benè habebunt, ego peccator & minister Christi adjuro vos ☩ omnes nefandos & Deo rebelles spiritus, justo Dei judicio æternis & infernalibus ignibus deputatos, per omnipotentiam Dei Patris, & per sapientiam Filij, & per virtutem Spiritus sancti, & per immensitatem, æternitatem, pulchritudinem, nobilitatem & excellentiam Dei: ut ab hac creatura Dei recedatis, & cedendo agnoscatis quòd ipse est Deus omnium, à quo omnia, per quem omnia, in quo omnia, cui omnis decor & gloria convenit, quem omnes cælestes potestates adorant & contremiscunt: & eadem auctoritate præcipio vobis ut hanc creaturam Dei N. sanam, ut invenistis, relinquatis, numquam ad eam ampliùs redeunt, & ad locum, ubi nullam creaturam Dei lædere possitis, protinus abeatis; per illius virtutem & potentiam qui venturus est judicare vivos & mortuos, & sæculum per ignem.

a Luca 10. b Marc. 16.

EXORCISMUS.

Vers. Adjutorium nostrum in nomine Domini.

Resp. Qui fecit cælum & terram. *Vers.* Sit nomen Domini benedictum. *Resp.* Ex hoc nunc & usque in sæculum. Kyrie eleison. Christe eleison. Kyrie eleison. Pater noster. *Vers.* Salvum fac servum tuum. *Resp.* Deus meus sperantem in te. *Vers.* Nihil proficiat inimicus in eo. *Resp.* Et filius iniquitatis non apponat nocere ei. *Vers.* Mitte ei Domine auxilium de sancto. *Resp.* Et de Sion tuere eum. *Vers.* Esto ei, Domine, turris fortitudinis. *Resp.* A facie inimici. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oratio.

Domine Deus, propitius esto mihi peccatori, qui omnes homines vis salvos fieri, & ad agnitionem veritatis tuæ venire: suscipe orationem meam, quam pono ante conspectum clementiæ tuæ, pro famulo tuo N. qui à dæmonio vexatur, & eum ad misericordiam tuam pervenire concede. Per Dominum nostrum Jesum Christum, &c.

Exi ab eo, satana, & da locum Spiritui sancto Paraclito: exi foras, spiritus immunde, ab hac creatura Dei N. in nomine Jesu.

Oremus, fratres charissimi, pro hac creatura Dei N. quæ secundum carnem à dæmonio

vexatur: ut desuper illi mittat Deus Angelum pacis & Angelum salutis cum medela cælesti, & ut eam visitare & liberare dignetur.

Oremus.

Domine sancte, Pater omnipotens, æterne Deus, per impositionem manuum mearum, virtute tuâ, refugiat diabolus ab universis compaginibus membrorum istius creaturæ tuæ N. in nomine Domini nostri Iesu Christi, qui nos suo Sanguine redemit. Qui venturus est judicare vivos & mortuos, & læculum per ignem. *Resp.* Amen.

Oremus.

Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus & Pater Domini nostri Iesu Christi, te invoco, & nomen sanctum tuum, ac præclaræ majestatis tuæ clementiam supplex depono, ut mihi auxilium tuum præstare digneris adversus hunc nequissimum spiritum: ut ubicumque sit, audito nomine tuo velociter exeat & recedat. Per Christum Dominum nostrum. *Resp.* Amen.

A D I U R A T I O.

Ipse tibi imperat, maledicte diabole, qui ventis, ac mari, & tempestatibus imperavit. Ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui te super pectus tuum ire præcepit.
Audi

Audi ergo, satana, & time, & victus & prostratus recede, adjuratus in nomine Domini nostri Jesu Christi. Tu ergo, nequissime spiritus, qui es inimicus humani generis, mortis auctor, justitiæ osor, malorum radix, fons vitiorum, seductor hominum, proditor gentium, incitator invidiæ, causa discordiæ, origo avaritiæ, excitator dolorum, qui resistis Sanctis, cum scias te amittere vires per eum qui in Isaac est immolatus, in Joseph venundatus, in agno Paschali occisus, & in homine crucifixus, ab eodem superatus recede in nomine Patris, & Filij, & Spiritus sancti: & da locum Spiritui sancto per hoc signum sanctæ Crucis Domini nostri Jesu Christi, qui venturus est judicare vivos & mortuos, & sæculum per ignem.

Oremus.

Domine sancte, Pater omnipotens, æterne Deus, qui illum satanam refugam tyrannum deputasti gehennæ: qui Unigenitum tuum in hunc mundum misisti, ut illum rugientem leonem contereret: velociter attende, & accelera ut eruas hominem, ad imaginem & similitudinem tuam formatum, à ruina & dæmonio meridiano. Da, Domine, terrorem tuum super bestiam, quæ exterminavit vineam tuam: da fiduciam servis tuis contra hunc nequissimum spiritum fortiter stare: exaudi sperantes in te, quia tu es Deus solus: & ne dicat, sicut olim in Pharaone dixit, Deum non novi, & Israël non dimittam. Urgeat illum

Domine, potens dextera tua discedere à famulo tuo N. nec diutiùs præsumat tenere captivum hominem, quem tu ad imaginem tuam facere dignatus es, & in fine sæculi per Sanguinem Filij tui redemisti. Per eundem Dominum nostrum Jesum Christum Filium tuum, qui venturus est judicare vivos & mortuos, & sæculum per ignem. *Resp. Amen.*

Oremus.

OMnipotens sempiterne Deus, Pater Domini nostri Jesu Christi: te supplices deprecamur, impera diabolo qui hunc famulum tuum N. detinet, quem Filius tuus unigenitus redemit suo Sanguine, ut ab eo recedat. Libera eum à vexatione immundorum spirituum, ut majestati tuæ securâ mente deserviat, consecutus gratiam Spiritus sancti. Qui tecum & cum unigenito Filio tuo vivit & regnat, per omnia sæcula sæculorum. *Resp. Amen.*

Oremus.

REpelle, Domine, ab hoc famulo tuo N. omnem infestationem inimici: ut redintegratâ suâ pristinâ sanitate, ad gratiarum tuâ clementiâ redeat actionem. Per Christum Dominum nostrum. *Resp. Amen.*

Oremus.

DEus conditor & defensor humani generis, qui hominem ad similitudinem tuam formasti: respice super hunc famulum tuum N. qui dolis invidi serpentis appetitur, quem vetus adversarius & hostis antiquus formidinis horrore

re circumvolvit, & sensum mentis stupore defigit, atque terrore conturbat, & motu trepido timoris exagitat. Repelle, Domine, virtutem diaboli, & fallaces insidias ejus amove, ut impius tentator effugiat: sitque nominis tui si **✠**igno famulus tuus in anima tutus & corpore. Tu peccato **✠**ris ejus interiora custodias, viscera **✠**regas, cor **✠**confirmes. In anima **✠**adversariae potestatis tentamenta evanescant. Da, Domine, ad hanc invocationem nominis tui gratiam, ut qui hucusque terrebat territus exeat, & victus abscedat; tibi que possit hic famulus tuus corde firmato & mente sincerâ debitum præbere famulatum. Per eum qui venturus est judicare vivos & mortuos, & sæculum per ignem. *Resp. Amen.*

A D I U R A T I O.

A Djuro vos, spiritus, & angeli maligni, & persecutores Christianorû, per Patrem, & Filium, & Spiritum **✠** sanctum: per adventum Domini nostri Jesu Christi: per annuntiationem Gabriels Archangeli ad Mariam Virginem, per nativitatem Domini, per humilitatem infantiae ejus, & persecutionem ab Herode, per passionem Domini nostri Jesu Christi, per patibulum crucis ejus, per sepulturam ejus, per resurrectionem ejus, per ascensionem ejus in cælum, & per adventum ejus ad judicandum inter justos & peccatores: & per omnes etiam virtutes cælorum, & per choros Prophetarum, Apostolorum, Martyrum, Con-

Confessorum, & Virginum, atque omnium Sanctorum Dei, ut non præsumatis infestare aut ulterius fatigare hunc famulum Dei N. Per eundem Dominum nostrum Jesum Christum, qui venturus est judicare vivos & mortuos, & sæculum per ignem.

Oremus.

OMnipotens sempiterne Deus, petimus humili prece divinam clementiam tuam, ut famulum tuum N. quem conspiciamus ab antiquo hoste satana graviter tentari, & in sensu suo perturbari atque vexari, ab ejus imperu clementer eripias; & hominem tuis manibus formatum, à ruina & dæmonio meridiano liberares: Per Dominum nostrum Jesum Christum, &c.

Oremus.

Domine Iesu Christe, qui dedisti potestatem discipulis tuis super omnia dæmonia, ut ejicerent ea de corporibus obsessis; nos indigni servi tui invocamus nomen sanctum tuum super hunc famulum tuum N. quem vexat diabolica sævitia, ut per virtutem tuam diabolum conteras, & ejicias de corpore hujus facturæ tuæ, fiatque mundum & expiatum à dæmone, quod Baptismi aquâ ablutum est & purificatum: Per te, Christe Salvator mundi, qui vivis & regnas cum Deo Patre in unitate Spiritus sancti Deus, &c. Resp. Amen.

EXORCIZATIO.

EXorcizo te, immunde spiritus, draco, basilisce, serpens noxie, per Deum Patrem omnipotentem, per Verbum veritatis, & per signum sanctæ Crucis Jesu Christi Nazareni, & per Agnum immaculatum, per Filium Dei de altissimis progressum, de Spiritu sancto conceptum, de Maria virgine natum, ut recedas ab hoc famulo Dei N. Adjuro te per eum, quem Ioannes videns exclamavit, dicens: Ecce agnus Dei, ecce qui tollit peccata mundi. Qui venturus est judicare vivos & mortuos, & sæculum per ignem. *Resp.* Amen.

Alia EXORCIZATIO.

EXorcizo te, spiritus immunde, exi ab hac creatura Dei per invocationem Domini nostri Jesu Christi. Non tibi impero ego peccator, sed tibi imperat Agnus immaculatus Jesus Christus Dominus noster, Dei Filius. Urgeant te de te triumphantes Angeli atque Archangeli, urgeant te Apostoli, urgeant te Martyres, urgeant te Confessores, urgeant te Virgines. Deficiant vires tuæ diabolicæ. Relinque pristinam fortitudinem membris ejus, & sensibus sanitatem. Non in esca, non in potu ei noceas: non supervenias vigilanti, nec dormienti, nec te moveas contra eum, nec impendas quærentem vitam æternam. Per eum qui venturus est judicare vivos & mortuos, & sæculum per ignem. *Resp.* Amen.

Oremus.

Oremus.

TE ergo, Domine Deus noster, supplices exoramus; ut visitatione tuâ sanctâ serves famulum tuum N. ne inimicus tuus in anima ista triumphare incipiat.

Unde, maledicte satana, recognosce sententiam tuam: da honorem Deo ✠ vivo & vero, da honorem Jesu ✠ Christo Filio ejus, & Spiritui ✠ sancto Paraclito, & recede ab hoc famulo Dei N. Tibi præcipio, dammate immunde spiritus, hostis humani generis, per Deum Patrem omnipotentem, invisibilem, incomprehensibilem, atque immortalem, qui fecit cælum & terram, mare, & omnia quæ in eis sunt, eradicare ab hoc famulo Dei N. ut ultrâ in eo locum non habeas; sed tu, Deus omnipotens, propitius esto, ut corpus à dæmonibus obsessum, à tota nequitia diabolica gratiâ tuâ eximatur. Per Dominum nostrum Iesum Christum Filium tuum, qui venturus est judicare vivos & mortuos, & sæculum per ignem. *Resp. Amen.*

Possunt etiam dici Evangelia aliqua, scilicet, Initium sancti Evangelij secundum Ioannem. fol. 36. vel alia fol. 37. & 70. Item Psalmi sequentes.

Psalmus 69.

DEus in adjutorium meum intende: Domine ad adjuvandum me festina.

Confundantur, & reveantur, qui quærunt animam meam:

Aver-

Avertantur retrorsum, & erubescant, qui volunt mihi mala:

Avertantur statim erubescences, qui dicunt mihi: Euge, euge.

Exultent & lætentur in te omnes qui quærunt te, & dicant semper, Magnificetur Dominus, qui diligunt salutare tuum.

Ego, verò egenus, & pauper sum: Deus adjuva me.

Adjutor meus, & liberator meus es tu: Domine ne moreris.

Gloria Patri, & Filio. &c.

Psalms 10.

IN Domino confido: quomodo dicitis animæ meæ: Transmigra in montem sicut passer?

Quoniam ecce peccatores intenderunt arcum, paraverunt sagittas suas in pharetra, ut sagittent in obscuro rectos corde.

Quoniam quæ perfecisti destruxerunt: justus autem quid fecit?

Dominus in templo sancto suo, Dominus in cælo sedes ejus:

Oculi ejus in pauperem respiciunt: palpebræ ejus interrogant filios hominum.

Dominus interrogat justum & impium: qui autem diligit iniquitatem, odit animam suam.

Pluet super peccatores laqueos: ignis, & sulphur, & spiritus procellarum, pars calicis eorum.

Quoniam justus Dominus, & justitias dilexit: æquitatem vidit vultus ejus.

Gloria Patri.

Psal-

Psalms 51.

Quid gloriaris in malitia, qui potens es in iniquitate?

Totâ die iniquitiam cogitavit lingua tua: sicut novacula acuta fecisti dolum.

Dilexisti malitiam super benignitatem; iniquitatem magis, quàm loqui æquitatem.

Dilexisti omnia verba præcipationis, lingua dolosa.

Propterea Deus destruet te in finem: evellet te, & emigrabit te de tabernaculo tuo, & radicem tuam de terra viventium.

Videbunt iusti, & timebunt, & super eum ridebunt, & dicent: Ecce homo, qui non posuit Deum adiutorem suum:

Sed speravit in multitudine divitiarum suarum: & prævaluit in vanitate sua.

Ego autem sicut oliva fructifera in domo Dei, speravi in misericordia Dei in æternum, & in sæculum sæculi.

Confitebor tibi in sæculum, quia fecisti: & expectabo nomen tuum, quoniam bonum est in conspectu sanctorum tuorum.

Gloria Patri, & Filio, & Spiritui sancto.

Sicut erat in principio, & nunc, & semper, & in sæcula sæculorum, Amen.

Psalms 67.

Exurgat Deus, & dissipentur inimici ejus: & fugiant, qui oderunt eum, à facie ejus.

Sicut

Sicut deficit fumus, deficient: sicut fluit cera à facie ignis, sic pereant peccatores à facie Dei.

Et iusti epulentur & exultent in conspectu Dei: & delectentur in lætitia.

Cantate Deo, psalmum dicite nomini ejus: iter facite ei qui ascendit super occasum: Dominus nomen illi.

Exultate in conspectu ejus, turbabuntur à facie ejus, patris orphanorum, & judicis viduarum.

Deus in loco sancto suo: Deus, qui inhabitare facit unius moris in domo:

Qui educit vinctos in fortitudine, similiter eos qui exasperant, qui habitant in sepulchris.

Deus cum egredereris in conspectu populi tui, cum pertransires in deserto:

Terra mota est; etenim cæli distillaverunt à facie Dei Sinai, à facie Dei Israël.

Pluviam voluntariam segregabis Deus hereditati tue: & infirmata est, tu verò perfecisti eam.

Animalia tua habitabunt in ea: parasti in dulcedine tua pauperi, Deus.

Dominus dabit verbum evangelizantibus, virtute multâ.

Rex virtutum dilecti dilecti: & speciei domus dividere spolia.

Si dormiatis inter medios cleros, pennæ columbæ deargentatæ, & posteriora dorsi ejus in pallore auri.

Dum discernit cælestis reges super eam, nive dealbabuntur in Selmō: mons Dei, mons pinguis.

Mons

Mons coagulatus , mons pinguis : ut quid suspicamini montes coagulatos?

Mons , in quo beneplacitum est Deo habitare in eo : etenim Dominus habitabit in finem.

Currus Dei decem millibus multiplex, millia latantium: Dominus in eis in Sina in sancto.

Ascendisti in altum, cepisti captivitatem: accepisti dona in hominibus :

Etenim non credentes, inhabitare Dominum Deum.

Benedictus Dominus die quotidie: prosperum iter faciet nobis Deus salutarium nostrorum.

Deus noster, Deus salvos faciendi: & Domini Domini exitus mortis.

Verumtamen Deus confringet capita inimicorum suorum : verticem capilli perambulantium in delictis suis.

Dixit Dominus : ex Bafan convertam, convertam in profundum maris :

Ut intingatur pes tuus in sanguine: lingua canum tuorum ex inimicis, ab ipso.

Viderunt ingressus tuos Deus, ingressus Dei mei; regis mei, qui est in sancto.

Prævenerunt principes conjuncti psallentibus , in medio juvenularum tympanitrium.

In ecclesijs benedicite Deo Domino, de fontibus Israël.

Ibi Benjamin adolescentulus , in mentis excessu.

Principes

Principes Iuda, duces eorum : principes Zabulon, principes Nephthali.

Manda Deus virtuti tuæ : confirma hoc Deus , quod operatus es in nobis.

A templo tuo in Ierusalem , tibi offerent reges munera.

Increpa feras arundinis , congregatio taurorum in vaccis populorum : ut excludant eos , qui probati sunt argento.

Diffipa gentes, quæ bella volunt : venient legati ex Ægypto : Æthiopia præveniet manus ejus Deo.

Regna terræ cantate Deo: psallite Domino :

Psallite Deo , qui ascendit super cælum cæli, ad Orientem.

Ecce dabit voci suæ vocem virtutis , date gloriam Deo super Israël : magnificentia ejus , & virtus ejus in nubibus.

Mirabilis Deus in Sanctis suis , Deus Israël ipse dabit virtutem & fortitudinem plebi suæ: benedictus Deus.

Gloria Patri, & Filio, & Spiritui sancto.

Sicut erat in principio , & nunc , & semper , & in sæcula sæculorum. Amen.

Litania cum Precibus & Orationibus suis dicantur prout fol. 126. Deinde sapiùs repetantur isti Versus sequentes , signando energumenum signo Crucis vel ejus imagine: & ad singulos Versus assistentes respondeant : Vicit leo de tribu Iuda, radix David. Vers. Ecce Crucem Domini, fugite partes adversæ. Resp. Vicit leo de tribu Iuda, radix David. Vers. Ecce

vexillum redemptionis nostræ, ideò rugite partes adversæ. *Resp.* Vicit leo de tribu Iuda, radix David. *Vers.* Ecce signum confusionis vestræ, ideò fugite partes adversæ. *Resp.* Vicit leo de tribu Iuda, radix David.

Quandocumque Exorcista voluerit concludere pro illa vice exorcizationem, & necdum diabolus reliquerit obsessum, dicet Exorcista sequentem Protestationem magnâ fide & fiducia cum subsequente Exorcismo.

P R O T E S T A T I O.

QUandoquidem, superbi ac maledicti dæmones, ad divini nominis invocationem, ab hujus creaturæ ejus vexatione non desistitis, ne illud vobis impunè futurum existimetis; quoniam ignis, grando, nix, glacies, & spiritus procellarum pars erit calicis vestri.

E X O R C I S M U S.

IMperet Deus vobis omnibus spiritibus immundis qui estis in hoc corpore, quatenus non præsumatis ascendere superiùs ad caput vel ad membra hujus creaturæ Dei N. aut ipsam lædere: sed sinatis ipsam orare, comedere, bibere, quiescere, & omnia illa agere quæ spectant sanitatem corporis & animæ suæ, atque ad honorem Dei omnipotentis: Qui vivit & regnat in sæcula sæculorum. *Resp.* Amen.

Deinde asperget eum & assistentes Aquâ benedictâ dicens: Discedant omnes insidiæ latentis inimici, & si quid est, quod aut incolumitati habi-
tan-

tantium invidet, aut quieti, asperſione hujus aquæ effugiat, Per eum qui venturus eſt judicare vivos & mortuos, & ſæculum per ignem.

Et breviter afflictum in materna lingua conſolando & commonendo, dimittet illum in domum ſuam cum benediſtione.

EXORCISMUS ad compellendum dæmonem ut reſtituat chirographum quo homo ſe illi obligavit.

Oremus.

Oratio.

CLEMENTISSIME Deus, cujus potentia non eſt finis, qui in omnes creaturas tuas & res earum ſupremum habes ſemperque retines dñm, ita ut nihil ſit quod tuo etiam per apoſtaſiam eximi poſſit imperio; peccavimus in te, tuamque provocavimus juſtiſſimam iracundiam, quando tuis mandatis non obedi-
vimus; atque tunc maximè, quando ab amicitia tua & Domino fugientes, te abnegavimus, & impiorum dæmonum conſortio nos adjunximus: & quaſi non ſufficeret abnegare te, etiam per ſcripturam nos dæmonibus obligavimus, & chirographum illud voluntariae obligationis contra te illi tradidimus aſſervandum. Verum, clementiſſime Domine, quia miſericordiae quoque tuae non eſt numerus, & tibi proprium eſt miſereri ſemper & parcere; hæc tua creatura, quæ te abnegato ſe dæmonibus tradito chirographo obligavit, in ſe infinita tuâ bonitate re-
verſa, ſuam deteſtatur impietatem, & timore

tuo compuncta, abnegato rursus dæmone, tibi vero suo Domino subdi, atque in gratiam tuam recipi contrito corde desiderat. Scimus, Domine, te cor contritum & humiliatum numquam despiciere, neque chirographum illud misericordiæ tuæ ullum impedimentum ponere posse, ideoq; supplices te deprecamur, ut abundantiam pietatis tuæ non tantum huius peccati impietatem per Sanguinem Filij tui Domini nostri Iesu Christi remittas, sed & dæmonem ad restituendum chirographum obligationis & traditionis illius verbo virtutis tuæ compellas: ne de sua tyrannide gloriatur, ne jus aliquod prætendat in hominem, quem per Filium tuum peccatorum suorum vinculis absolvi deprecamur. Per eundem Dominum nostrum Iesum Christum Filium tuum, &c.

EXORCISMUS.

EXorcizo te, impie satan, qui cum tuo excideris principatu, tyrannicum in homines semper affectas imperium. Exorcizo te per Iesum Christum, qui venit in hunc mundum peccatores salvos facere, ut ab hac creatura, quæ tuis fraudibus decepta se tibi tradidit, omne tuum imperium festinus amoveas. Ex hoc enim rursus te deferens, divinæ misericordiæ se committit, ut ei serviat, cui se totam debet, quiq; servientibus sibi æternæ vitæ mercedem promissit. Exorcizo te per pretiosum Sanguinem Iesu Christi; quo deletum est chirographum decreti quod erat nobis contrarium, ita ut suscipiente Iesu peccatorem in gratiam suam, adversus eum
nihil

nihil ampliùs debeas præsumere , ut chirographum , quo hæc creatura se tibi obligavit , cùm per Sanguinem Christi abolitum sit , hîc restituere non morêris.

Audi maledicte satan , Dei servus nullam habet potestatem , ut invito Domino suo alterius se subiciat servituti: unde tu frustrâ in vano isto gloriaris chirographo ; ac proinde in nomine Domini tibi præcipio ut illud restituas, nec penes te diutiùs serves : ut omnibus constet, Deo peccatorem in gratiam recipiente , nullum tibi in animam ejus restare imperium.

Adjuro te per eum, qui te , cùm in atrio tuo tamquam fortis armatus gloriareris, eaquæ quæ possidebas in pace tenere præsumeres , infinitis partibus fortior superveniens vicit, & atrio te ejecit, tuaquæ arma, in quibus vanè confidebas, abstulit, & spolia distribuit. Redde igitur nunc chirographum, quo hæc Dei creatura stultè se ipsam tibi tradidit in servitutem: redde, inquam, in nomine ejus à quo es devictus : & cùm tuam tyrannicam potestatem justè amiseris, non præsumas illius vanum chirographum diutiùs retinere. Jam enim per pœnitentiam hæc Dei creatura vero suo Domino se restituit , & tyrannidem tuam spernit , atque in Dei misericordia adversus tuas impugnationes sperat invenire protectionem , adiuvante sanctissimâ & gloriosissimâ virgine Dei genitrice Maria, cujus intercessione quod per se consequi digna non est, à Filio ejus Jesu Christo obtineat. Per eundem Dominum nostrum.

EXORCISMUS ad compellendum dæmonem ut traditam sibi ab homine Eucharistiam restituat.

Oremus.

Domine Deus omnipotens, qui Filium tuum, ut assumptæ carnis œconomiam impleret, in deserto tentari à diabolo, & supra pinnaculum templi statui, atque in montem excelsum transferri voluisti; rogamus immensam clementiam tuam, ut diaboli temeritate quâ Sacramentum Eucharistiæ, in quo idem Filius tuus corporaliter præsens est, auferre præsumpsit, coercitâ, eum per sanctos Angelos tuos ad illud restituendum in locum per nos designatum compellas. Per eundem Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

Oremus.

Domine Iesu Christe, qui sub speciebus panis & vini sacrosanctum Eucharistiæ Sacramentum sic instituisti, ut quamvis eo sacrum Corpus & Sanguis tuus pretiosus substantialiter contineatur, omnia tamen circa illud admitti possent, quibus ratione specierum visibilium panis & vinum in se sunt obnoxia: supplices te rogamus, ut dimissa iniquitate, quâ hic sacrile-

gis

gis manibus idem Sacramentum dæmoni tradere asportandum veritus non est, verbo virtutis dæmonem ad illud in loco ad hoc præparato restituendum compellere digneris; ut servi tui, qui de tanti Sacramenti injuria contristantur, ad nominis tui gloriam de ejusdem restitutione lætentur: Qui vivis & regnas cum Deo Patre in unitate Spiritus sancti Deus, per omnia sæcula sæculorum. *Resp. Amen.*

EXORCISMUS.

ADIURO te, nequissime spiritus, quo hominem, ut tuæ captivitatis vinculis tenaciùs innodares, eò dementiæ induxisti, ut sacrosanctum Eucharistiæ Sacramentum tibi tradere non sit veritus, quod & tu suscipere, & quò à Deo permissus es, asportare præsumpisti. Adjuro te per illud ipsum Sacramentum, coram quo te contremiscere necesse est; ut sicut illud ab homine traditum suscepisti, ita ad locum à nobis designatum restituere non morèris.

Adjuro te per sacratissimum Corpus & Sanguinem Christi, quæ in hoc Sacramento verè & realiter contineri certissimâ fide credimus, ut cùm tu Sacramentum illud adorare & debitum illi honorem impendere nec possis, nec velis; ad locum istum continuo illud restituas, ab hominibus, prout oportet, colendum atque adorandum.

Adjuro te per Jesum Christum Regem Regum & Judicem vivorum & mortuorum, qui sanctum Eucharistiæ Sacramentum non dæmonibus, sed nobis hominibus in spiritualem cibum potumque reliquit, ut fractâ contumaciâ tuâ, virgæ ejus ferreæ subjectum te vel invitus agnoscas, & horrore cruciatus æterni, quem talibus tibi factis accumulās, evestigio sanctissimum illud Sacramentum, quod asportare non es veritus, loco à nobis designato sine aliqua læsione aut perturbatione restituas, ut cum illius perceptione indignus sis, ab homine, qui per illud veram vitam consequatur juxta Christi promissionem, sumi possit.

Nec te lateat, fatana, nullam tibi per hoc facinus occasionem dari gloriandi contra Christum, quasi in Corpus illius habeas potestatem. Species tantum sunt, quas impiâ hominis fretus voluntate movere potuisti; in ipsum verò Christi Corpus nihil potes, sed ante illud, etiam cum species movere præsumis, horrescere cogeris & contremiscere.

Quid ergo moraris? in nomine Jesu Christi tibi mandamus, ut Sacramentum quod impiè transtulisti, huc restituas, & Dei ac Iudicis tui timore compulsus, hac ipsa restitutione confitearis, nihil te contra hoc Sacramentum posse, sed sacrilegi dumtaxat hominis fuisse ministrum.

GRATIARUM ACTIO

LIBERATO DÆMONIACO.



I quando energumenus Dei gratiâ & favore erit liberatus, observabit Exorcista ea quæ habentur in Instructione, præmissa gratiarum actione in hunc qui sequitur modum, altâ voce.

HYMNUS SS. Ambrosij & Augustini.

TE Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cæli, & universæ potestates.

Tibi Cherubim & Seraphin: incessabili voce proclamant.

Sanctus, Sanctus, Sanctus: Dominus Deus sabaoth.

Pleni sunt cæli & terra: majestatis gloriæ tuæ.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum, sancta confitetur Ecclesia.

Patrem immensæ majestatis.

Venerandum tuum verum, & unicum Filium,

L 5

Sanctum

Sanctum quoque Paracletum Spiritum.

Tu Rex gloriae Christe.

Tu Patris sempiternus es Filius.

**Tu ad liberandum suscepturus hominem:
non horruisti virginis uterum.**

**Tu devicto mortis aculeo : aperuisti creden-
tibus regna caelorum.**

Tu ad dexteram Dei sedes : in gloria Patris.

Judex crederis esse venturus.

**Te ergo quaesumus , tuis famulis subveni:
quos pretioso Sanguine redemisti.**

**Aeterna fac cum sanctis tuis : in gloria nu-
merari.**

**Salvum fac populum tuum Domine : & be-
nedic haereditati tuae.**

**Et rege eos : & extolle illos usque in aeter-
num.**

Per singulos dies , benedicimus te.

**Et laudamus nomen tuum in saeculum ; & in
saeculum saeculi.**

**Dignare Domine die isto : sine peccato nos
custodire.**

Miserere nostri Domine : miserere nostri.

**Fiat misericordia tua Domine super nos :
quemadmodum speravimus in te.**

**In te Domine speravi : non confundar in
aeternum.**

*Quo finito leget sequentia : Vers. Confirma hoc
Deus quo operatus es in nobis. Resp. A templo
sancto tuo quod est in Jerusalem. Vers. Ostende
nobis Domine misericordiam tuam. Resp. Et
salu-*

salutare tuum da nobis. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Gratias agimus tibi, Domine sancte, Pater omnipotens, æterne Deus: gratias agimus tibi Christe, Verbum æterni Patris: gratias agimus tibi Spiritus alme: gratias agimus Sanctis omnibus, tum Angelis, tum hominibus; quia omnipotenti virtute Dei elusus est draco. Deus Abraham, Deus Isaac, & Deus Jacob, miserere famulo tuo N. à diabolica potestate liberato, & in ejus adjutorium sanctum dirige Michaëlem, qui eum protegat, visitet, atque defendat ab omnibus inimicis suis. Qui vivis, & regnas, &c.

Oremus.

Omnipotens sempiterne Deus, qui liberare dignatus es hunc famulum tuum N. à vexatione satanæ & ministrorum ejus, mitte in eum septiformem Spiritum sanctum tuum Paraclitum de cælis.

Oratio.

Quæsumus omnipotens Deus, famulum tuum N. propitius respice; ut te largiente regatur in corpore, & te servante custodiatur in mente. Per Christum Dominum nostrum. *Resp.* Amen.

Lectio

Lectio beati Pauli Apostoli. 2. Cor. I.

Benedictus Deus, & Pater Domini nostri Iesu Christi, Pater misericordiarum, & Deus totius consolationis : qui consolatur nos in omni tribulatione nostra. Tu autem Domine miserere nobis. *Resp.* Deo gratias.

[Lectio sancti Evangelij secundum Lucam.
Luc. I. 0,

In illo tempore : Reversi sunt septuaginta duo cum gaudio, dicentes : Domine, etiam dæmonia subjiciuntur nobis in nomine tuo. Et ait illis : Videbam satanam sicut fulgur de cælo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici : & nihil vobis nocebit. Verumtamen in hoc nolite gaudere, quia spiritus vobis subiiciuntur, gaudete autem quòd nomina vestra scripta sunt in cælis. *Resp.* Laus tibi Christe.

Oremus.

O Ramus te Deus omnipotens, ut spiritus iniquitatis amplius non habeat potestatem in hoc famulo tuo N. [*vel hac famula tua N.*] sed ut fugiat, & non revertatur. Ingrediatur in eum [*vel in eam*] Domine te iubente, bonitas, & pax Domini nostri Iesu Christi, per quem

quem redempti sumus, & ab omni malo non timemus, quia Dominus nobiscum est. Qui vivit & regnat cum Deo Patre in unitate Spiritus sancti Deus, per omnia sæcula sæculorum. *Resp. Amen.*

Oremus.

Sanctificet te Deus signaculo sanctæ Crucis ✠ suæ, ut recedant à te omnes inimici tui. Defendat te Iesus Christus Filius Dei vivi per signum sanctæ ✠ Crucis. Defendat te Deus ab omnibus malis præsentibus & futuris, exterioribus & interioribus. Signo ✠ te signaculo sanctæ Crucis, ut à persecutionibus diaboli liberet te Deus. Signaculo hujus Crucis ✠ prosternantur ipsi dæmones adversarij tui, & fugiant à te. Per istius sanctæ Crucis ✠ signaculum liberet te Deus à periculis omnibus: & mittat sanctos Angelos suos, qui te custodiant. Benedictio Dei Patris, & Filij, & Spiritus ✠ sancti, sit super te. Virtus sanctæ Crucis ✠ sit super te, intrate, circa te, ante te, & post te, & maneat tecum in æternum. *Resp. Amen.*

Benedictio ✠ beatæ Mariæ matris Dei sit super te. Benedictio ✠ Patriarcharum, Prophetarum, Apostolorum, Martyrum, Confessorum, Virginum, & omnium Sanctorum & Sanctarum Dei sit super te. *Resp. Amen.*

Hic

Hic benedicet liberatum.

Benedicat tibi Dominus noster Iesus Christus, & custodiat te. *Resp. Amen.*

Convertat Dominus vultum suum ad te, & det tibi pacem. *Resp. Amen.*

Pax & benedictio Dei omnipotentis Patris, & Filij, & Spiritus sancti descendat super te, & maneat tecum in æternum. *Resp. Amen.*

Pro occasione data instruet Exorcista liberatum linguâ maternâ, materiâ desumptâ ex sequentibus sententiis, & juxta ea quæ dicta sunt in Instructione.

Ecce sanus factus es, jam noli peccare, ne deterius tibi aliquid contingat.

b Vade in domum tuam ad tuos; & annuntia illis quanta tibi Dominus fecerit, & misertus sit tui.

c Vade in pace, & Dominus tecum sit in ultionem inimicorum nostrorum.

d Vade & revertere: quod enim meum erat feci tibi: *e* & Deus Israël det tibi petitionem tuam, quam rogasti eum. *f* Dei enim est & adjuvare, & in fugam convertere.

a Ioan. 5. *b* Marc. 5. *c* Iudith. 8. *d* 3. Reg. 19. *e* 1. Reg. 1. *f* 2. Paral. 25.

MANU-

MANUALIS

EXORCISMORUM

PARS TERTIA,

Continens modum & praxim exorcizandi & curandi spiritualiter omne genus maleficiorum seu incantationum, quibus homines in proprijs corporibus, & alijs bonis externis a malis spiritibus vel maleficis ope demonum affliguntur.

EXORCISMUS pro maleficiato in proprio corpore.



P RÆTER Instructiones generales in prima Parte hujus Manualis positas, sæpe etiam Pastores & alij curam afflictorum gerentes perlegent ea quæ de hoc argumento habentur in Rinali Romano, & in Pastoralis Mechliniensis.

Quando Pastor vel Exorcista aliquis ex magnis & probabilibus indicijs (de quibus in Instructione) apprehendet aliquem in corpore suo esse maleficiatum; dictus maleficiatus exorcizandus, si per infirmitatem possit, veniat ad Ecclesiam ante meridiem, & præmissâ Confessione & sacra Communione, flectet genua, vel sedebit ante altare Venerabilis Sacramenti, vel beatissimæ Virginis, vel alterius Sancti vel Sanctæ: si verò
domi

domi propter infirmitatem debet exorcizari, ante imaginem Crucifixi, aut beatissimæ Virginis; & corde sursum ad Deum elevato, manu tenebit cereum benedictum accensum, vel juxta eum ponetur.

Sacerdos exorcizaturus, albâ vel superpelliceo cum stolâ indutus, aliam stolam afflicto super humeros in modum Crucis imponet, Aquâ benedictâ afflicto & circumstantes asperget, illosque invitabit ad sedulo orandum cum ipso. Quibus ita dispositis, dicat primum.

Oremus.

Actiones nostras, quæsumus Domine, aspirando præveni, & adjuvando prosequere: ut cuncta nostra oratio & operatio à te semper incipiat, & per te cœpta finiatur. Per Christum Dominum nostrum. Resp. Amen.

Oremus.

Deus, qui Sacerdotibus tuis tantam gratiam donare dignatus es, ut quidquid in tuo nomine ab ijs agitur, à te fieri credatur: quæsumus clementiam tuam, ut quidquid modò visitaturi sumus, visites: quidquid benedicturi, benedicas: sitque ad nostræ humilitatis introitum Sanctorum tuorum meritis fuga dæmonum, & Angeli pacis ingressus. Per Christum Dominum nostrum. Resp. Amen.

Deinde flexis genibus altâ voce legat Litánias Sanctorum, prout habentur supra fol. 126. In fine Pater noster. Ave Maria. Vers. a Exaudiat te Dominus in die tribulationis. Resp. Protegat te

nomen Dei Jacob. *Vers.* Mittat tibi auxilium de sancto. *Resp.* Et de Sion tueatur te. *Vers.* Impleat Dominus omnes petitiones tuas. *Resp.* Nunc cognovi quoniam salvum fecit Dominus Christum suum. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscū. *Resp.* Et cum spiritu tuo.

Oremus.

OMnipotens clementissime Deus, & bonitatis infinitæ, qui secundum multitudinem sapientiæ & misericordiæ tuæ quos diligis castigas, & flagellas omnem filium quem suscipis: te suppliciter invocamus, ut famulo huic tuo [famulæ huic tuæ] N. qui [quæ] in corpore suo membrorum debilitatem & dolorem patitur, gratiam tuam conferre digneris, ut quidquid ab eo [ea] humanâ fragilitate peccatum, ignoscere; quidquid diabolicâ in eo [ea] pravitate corruptum aut violatum est, purgare, restituere, sanare digneris nocumento omni ac dolore sublato, cunctisque malignorum spirituum pestiferis machinamentis procul depulsis.

Miserere Domine contritionis & pœnitentiæ, miserere gemituum & lacrymarum illius, cunctorumque circumstantium, gloriam tuam & misericordiam pro illo [illa] humiliter implorantium: & non habentem fiduciam nisi in misericordia tua, ad tuæ gratiæ reconciliationis clementer admitte. Per Christum Dominum nostrum. *Resp.* Amen.

M

Oremus.

Oremus.

DEus, qui facturæ tuæ pio semper domina-
ris affectu: inclina, quæsumus, aurem
tuam supplicationibus nostris; & famulum
tuum [famulam tuam] adversâ corporis valetu-
dine laborantem clementer visitare, oculisque
tuæ miserationis respicere digneris, cælestem-
que ei & salutarem medicinam impendere. Per
Christum Dominum nostrum. *Resp. Amen.*

Oremus.

DEus humanæ infirmitatis singulare præsi-
dium, auxilij tui super infirmum famulum
tuum [infirmam famulam tuam] ostende vir-
tutem; ut ope misericordiæ tuæ adjutus [adjuta]
Ecclesiæ tuæ incolumis repræsentari mereatur.
Per Christum Dominum nostrum. *Resp. Amen.*

Oremus.

PReces famuli tui, quæsumus Domine, cle-
menter exaudi, ut qui justè pro peccatis
suis affligitur, pro tui nominis gloria, miseri-
corditer liberetur. Per Christum Dominum
nostrum. *Resp. Amen.*

Oremus.

DEus, qui beatum Petrum à vinculis abso-
lutum, illæsum abire fecisti, famuli tui
[famulæ tuæ] N. in afflictione constituti [con-
stitutæ] vincula solve, & cum [eam] mente
& cor-

& corpore illæsum abire concede. Per Dominum nostrum Iesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. Resp. Amen.

Surgens Exorcista ab oratione, asperget infirmum Aquâ benedictâ, & stans leget super eum sequentia.

Lectio libri Exodi. Exod. 7.

IN diebus illis: Ingressi Moyses & Aaron ad Pharaonem, fecerunt sicut præceperat Dominus: tulitque Aaron virgam coram Pharaone & servis ejus, quæ versa est in colubrum. Vocavit autem Pharao sapientes & maleficos, & fecerunt etiam ipsi per incantationes Ægyptiacas, & arcana quædam similiter, projeceruntque singuli virgas suas, quæ versæ sunt in dracones. Sed devoravit virga Aaron virgas eorum. Tu autem Domine miserere nostri. Resp. Deo gratias.

Lectio sancti Evangelij secundum Marcum.

Marc. ult.

IN illo tempore: Recumbentibus undecim discipulis, apparuit illis Iesus: & exprobravit incredulitatem eorum & duritiam cordis; quia his, qui viderant eum resurrexisse, non crediderunt. Et dixit eis: Euntes in mundum universum, prædicate Evangelium omni creaturæ. Qui crediderit, & baptizatus fuerit,

M 2

salvus

salvus erit : qui verò non crediderit , condemnabitur. Signa autem eos , qui crediderint , hæc sequentur : In nomine meo dæmonia eiciant, linguis loquentur novis, serpentes tollent : & si mortiferum quid biberint, non eis nocebit : super ægros manus imponent , & benè habebunt. Et Dominus quidem Iesus , postquam locutus est eis , assumptus est in cælum, & sedet à dextris Dei. Illi autem profecti , prædicaverunt ubique : Domino cooperante , & sermonem confirmante sequentibus signis. *Resp.* Laus tibi Christe.

Per Evangelica verba tollantur & destruantur in N. omnia diabolica opera. *Resp.* Amen.

Ex Psalmis.

a Disperdat Dominus universa labia dolosa, & linguam magniloquam.

b Reges eos in virga ferrea , & tamquam vas figuli confringes eos.

c Sicut deficit fumus deficient : sic fluit cera à facie ignis, sic pereant peccatores à facie Dei.

d Sicut cera quæ fluit auferentur : supercecidit ignis , & non viderunt solem.

e Quoniam brachia peccatorum conterentur ; confirmat autem justos Dominus.

f Nisi conversi fueritis , gladium ☩ suum vibrabit : arcum ☩ suum tetendit , & paravit illum.

Et

a Psal. 11. *b* Psal. 2. *c* Psal. 67. *d* Psal. 57. *e* Psal. 36. *f* Psal. 7.

Et in eo paravit ✠ vasa mortis, sagittas ✠ suas ardentibus effecit.

a Hic N. accipiet benedictionem à Domino, & misericordiam à Deo salutari suo.

b Dirumpamus vincula ✠ eorum, & proijciamus ✠ à nobis jugum ipsorum ✠.

c Benedicat te Dominus ex Sion, qui fecit cælum & terram.

Possunt etiam recitari & alij Psalmi, utpote Qui habitat in adiutorio, &c. fol. 51. In te Domine speravi, &c. fol. 61. & alij.

EXORCISMUS.

EXorcizo te N. corpore infirmum, sed per Spiritum sanctum ex sacro Baptismi Sacramento renatum, per Deum vivum ✠, per Deum verum ✠, per Deum sanctum ✠, per Deum qui te primùm de terra creavit, & postea satanæ fraudibus perditum, pretiso Sanguine suo redemit, ut effugiat atque discedat à te omnis phantasia, nequitia ac versutia diabolicæ fraudis, omnisque spiritus immundus, adjuratus per eum qui venturus est judicare vivos & mortuos, & sæculum per ignem. *Resp.* Amen.

Et tu maledicte satana, quisquis huic famulo Dei N. per quoscumque vel quomodocumque læsionis aliquid intulisti, recognosce sententiam tuam: da honorem & gloriam Deo vivo & vero: da honorem Iesu Christo Filio ejus Domino nostro: da honorem Spiritui sancto

M 3

Para-

Paraclito, ut cum omnibus noxiis & maledictis operibus & conatibus tuis ab hoc servo Dei, ad imaginem ejus facto, & pretioso Sanguine Christi Filij ejus redempto, confestim abscedas, nec ampliùs ei vel rebus ipsius diutiùs nocere præsumas. Per eundem Deum & Dominum nostrum Jesum Christum, qui cum Patre & Spiritu sancto vivit & regnat per infinita sæcula sæculorum. *Resp. Amen.*

Deinde aspergat Aquâ benedictâ.

Alia formula exorcizandi maleficiatos quoscumque.

SERVATIS *is quæ suprà dicta sunt, leget Exorcista altâ voce flexis genibus Litanias Sanctorum, suprà fol. 126. vel beatissima Virginis fol. 113. cum Collectis sequentibus ibidem.*

Posteâ surgens ab oratione, asperget infirmum Aquâ benedictâ, & leget sequentia stans versus illum.

Lectio libri Sapientiæ, Eccli. 36.

Miserere nostri Deus omnium, & respice nos, & ostende nobis lucem miserationum tuarum; & immitte timorem tuum super gentes, quæ non exquisierunt te, & ut cognoscant quia non est Deus nisi tu, & enarrent mag-

magnalia tua. Tu autem Domine miserere nobis, *Resp.* Deo gratias.

Lectio sancti Evangelij secundum Joannem.

Ioan. 1.

IN principio erat Verbum : & Verbum erat apud Deum : & Deus erat Verbum. Hoc erat in principio apud Deum. Omnia per ipsum facta sunt : & sine ipso factum est nihil. Quod factum est , in ipso vita erat : & vita erat lux hominum : & lux in tenebris lucet , & tenebræ eam non comprehenderunt. Fuit homo missus à Deo , cui nomen erat Ioannes. Hic venit in testimonium , ut testimonium perhiberet de lumine : ut omnes crederent per illum. Non erat ille lux : sed ut testimonium perhiberet de lumine. Erat lux vera , quæ illuminat omnem hominem venientem in hunc mundum. In mundo erat , & mundus per ipsum factus est : & mundus eum non cognovit. In propria venit : & sui eum non receperunt. Quotquot autem receperunt eum , dedit eis potestatem filios Dei fieri , his , qui credunt in nomine ejus. Qui non ex sanguinibus , neque ex voluntate carnis , neque ex voluntate viri , sed ex Deo nati sunt. ET VERBUM CARO FACTUM EST : & habitavit in nobis : & vidimus gloriam ejus , gloriam quasi unigeniti à Patre , plenum gratiæ & veritatis. *Resp.* Laus tibi Christe.

Per Evangelica verba tollantur & destruantur in N. omnia diabolica opera. *Resp.* Amen.

Ex Psalmis, ad consolationem afflicti.

^a **E**xpecta Dominum, & custodi viam ejus:
& exaltabit te ut hereditate capias ter-
ram; cum perierint peccatores videbis.

^b Spera in Deo, quoniam adhuc confitebor
illi, salutare vultus mei: & Deus meus.

^c Expecta Dominum, viriliter age, & con-
fortetur cor tuum, & sustine Dominum.

^d Jacta super Dominum curam tuam, &
ipse te enutriet, non dabit in æternum fluctua-
tionem justo.

^e Super aspidem & basiliscum ambulabis: &
conculcabis leonem & draconem.


Quoniam Angelis suis mandavit de te, ut cu-
stodiant te in omnibus vijs tuis.

^f Dominus custodit te ab omni malo, custo-
diat animam tuam Dominus.

Dominus custodiat introitum tuum, & exi-
tum tuum, ex hoc nunc & usque in sæcu-
lum.

^g Scuto circumdabit te veritas ejus: non ti-
mebis à timore nocturno.

^h Ecce non dormitabit neque dormiet, qui
custodit Israël.

ⁱ Custodit Dominus omnia ossa eorum: u-
num ex his  non conteretur.

Oremus

^a Psal. 36. ^b Psal. 41. ^c Psal. 26. ^d Psal. 54. ^e Psal. 90. ^f Psal. 120.
^g Psal. 90. ^h Psal. 120. ⁱ Psal. 33.

Oremus.

SAna me Domine, & sanabor; saluum me fac, & saluus ero, quoniam laus mea tu es. *a* Non sis mihi formidini, spes mea tu in die afflictionis. Confundantur qui me persequuntur, & non confundar ego; paveant illi, & non paveam ego; induc super eos diem afflictionis, & duplici contritione contere eos. Per Dominum nostrum, &c. *Resp.* Amen.

Oremus.

DEus, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti: concede, ut intercessionis ejus auxilio, à peccatorum nexibus, & diaboli vinculis hic famulus tuus [hæc formula tua] N. liberetur, Per eum qui venturus est judicare sæculum per ignem. *Resp.* Amen.

EXORCISMUS.

ADjuro vos ☩, dæmones infernales, spiritus maligni, qui ad inferendum malum huic creaturæ Dei N. fabricastis & conservatis maleficium in ea, per Deum Patrē omnipotentem ☩, & Filium ejus unicum Dominum nostrum Iesum Christum ☩, & per Spiritum sanctum ☩ Paraclitum ab utroq; procedentem, & vobis præcipio, ut omnibus incantationibus, fascinationibus, signaturis, ligaturis statim sublatis,

ab hac creatura Dei, & ab omnibus rebus ejus recedatis, atque liberam ab omni maleficio, incantatione & ligatura relinquatis, per sacratissimum, tremendum, honorandum & glorificandum nomen Jesu, & per virtutem ejus, qui est Alpha & Omega, principium & finis, qui ambulat super pennas ventorum: qui omnia ex nihilo suâ omnipotenti virtute creavit, per quem omnes Sancti & electi Dei beatificantur, ante cujus faciem ignis præcedet, & inflammabit vos inimicos suos. Adjuro vos ☩ maligni dæmones, inimici triumphatoris Jesu Christi Nazareni, ut cessetis hanc creaturam Dei N. lædere, & vestris maleficiis vexare, per potentiam illius qui vos rebelles à consortio sanctorum Angelorum exclusos ad sedes tartareas damnavit igne & sulphure cruciandos, ut protinus destruat & ad nihilum redigatis omnia maleficia, incantationes, fascinationes, ligaturas, & omnes vestras noxias pactiones, quibus hanc Dei creaturam infestare & affligere præsumpsistis, eamque liberam & sanam, & sine ulla læsione animæ & corporis in posterum permittatis, ut mente & corpore pariter expedita, liberam servitutem suo exhibeat Creatori: Qui vivit & regnat, &c.

Asperget Aquâ benedictâ infirmum.

Alius EXORCISMUS.

A Djuro vos ☩ iterum dæmones per Deum omnipotentem, qui divisit lucem à tene-

à tenebris, stabiliens cælos, & eis mensuras ponens, ut statim sine mora amoveatis ab hac creatura Dei omnia nocumenta vestra, & ipsam sine læsione relinquatis. Adjuro vos ☩ per magnum nomen Domini Jesu Christi Filij ejus, ne ampliùs appropinquetis huic creaturæ, ad ei inferenda, vel in ea conservanda aliqua maleficia, & à vexatione vestra libera relinquatis omnia quæ ad illam pertinent. Adjuro vos ☩ in virtute Spiritus Sancti Paracliti, ut si quid in signum positum est ad hujus creaturæ afflictionem, illud statim amoveatis, & ☩ nullam usurpetis audaciam obsequendi maleficis hominibus ad nocendum huic creaturæ, & omnia quæ posuistis ad lædendum valetudini ejus, statim tollatis & removeatis, sine aliqua læsione animæ & corporis ejus, & illa portetis ad loca arida, sterilia, & inhabitabilia. Et sicut per beatos Apostolos Dei Petrum & Paulum dissolutæ & ad nihilum redactæ fuerunt incantationes factæ per Simonem Magum, ita auctoritate Dei omnipotentis dissolvantur omnes fortilegæ artes, præstigia, & incantationes inventæ & fabricatæ ad lædendum & nocendum huic creaturæ. Similiter adjuro vos per nomen Domini nostri Jesu Christi, qui descendens ad inferos, devictâ potentiâ inferni, animas sanctorum Patrum inde extractas secum ad cælos triumphator invexit, ut remoto omni dolo & obstinatione, destruatis & tollatis omnem malignam fascinationem ab hac creatura Dei, omnia-
que

que nociva ejus corpori ingesta educatis per illam viam quæ sit magis libera & expedita absque læsione corporis & sanitatis ejus. In virtute ejusdem Domini nostri Jesu Christi, qui venturus est judicare vivos & mortuos, & sæculum per ignem. *Resp. Amen.*

Alius EXORCISMUS.

Teneat Exorcista manus super vel versus infirmum.

EXtinguatur in te N. omnis virtus diabolica per impositionem manuum mearum, & per invocationem omnium sanctorum Angelorum, Archangelorum, Patriarcharum, Prophetarum, Apostolorum, Martyrum, Confessorum, atque Virginum, & omnium simul Sanctorum, in nomine Patris ✠, & Filij ✠, & Spiritus ✠ sancti. Amen.

Prosequetur.

A Periat tibi Dominus Deus noster januam misericordiæ suæ, & liberet te à malis tuis & omnibus insidiis & machinationibus inimicorum tuorum, tam malorum spirituum quàm ministrorum ejus, per intercessionem beatissimæ Mariæ matris & virginis, & per sanctum Ioannem Baptistam, per Apostolos suos Petrum & Paulum, & alios Apostolos, per omnes sanctos Innocentes Martyres, & Confesso-
res

res atque Doctores , per omnes sanctos Sacerdotes & Levitas , Monachos & Eremitas , per omnes sanctas Virgines, Viduas , & Continentes, & per totam cælestem curiam. Et sicut liberavit Dominus Susannam de falso crimine, David de manu Goliæ, Iudith & populum suum de manu Holofernis, sic te liberare dignetur ab omni potestate diaboli & ministrorum ejus, & dirumpere omnia vincula maleficiorum, incantationum , & omne opus diaboli. Per eum qui venturus est judicare vivos & mortuos, & sæculum per ignem. *Resp. Amen.*

Poterit etiam addi hæc sequens Oratio sancti Basilij.

DEus cœlorum , Deus luminum , Deus Angelorum , qui tuæ subsunt fortitudini; Deus Archangelorum , qui tuo subjiciuntur imperio ; Deus gloriosarum Dominationum, Deus Sanctorum , & Pater Domini nostri Jesu Christi : qui animas morte victas solvisti , & hominem tenebris immersum per unigenitum Filium tuum illuminasti ; qui pepulisti omnes dolores nostros , & omne onus abjecisti : qui omnes assultus inimici à nobis amoliris : Fili & Verbum Dei, qui immortales nos fecisti morte tuâ, & glorificasti nos gloriâ tuâ , qui largitus es nobis per resurrectionem tuam , ut ex humana in divinam transeamus naturam ; qui omnia peccatorum nostrorum vincula
per

per crucem portasti; qui lapsum & vulnera nostra assumpsisti & sanasti Domine, & viam ad cælos nobis stravisti, & corruptionem in incorruptione mutasti: exaudi me cum desiderio & metu clamantem ad te, cujus timore montes liquefunt, cum firmamento, quod sub cælo est; cujus virtute, muta elementorum ingenia horrent, custodientes suos limites; per quem ignis ille ultionis non excedit fines sibi positos, sed gemens expectat nutum tuum: propter quam omnis creatura, ceu parturiens cruciatur, gemens gemitibus inenarrabilibus iussa manere ad opportuna tempora; quam fugit omnis adversaria potestas, & à quo hostilis exercitus domitus est, & diabolus concidit, serpens conculcatus est, & draco occisus est, per quem gentes tibi confitentes, illuminatæ & confortatæ sunt in te Domine, per quem vita manifestata est, spes sola data est, fides roborata est, Evangelium annuntiatum est, per quem homo è terra denuò conditus est, in te collocatâ fide. Quis enim tui similis Deus omnipotens? Quare oramus te Deus patrum nostrorum & Domine misericordiæ, qui es ante sæcula omniq̃ue substantiâ superior, respice hunc tuum famulum te ad euntem in sancto tuo nomine, & dilecti Filij tui Jesu Christi, & sancti omnipotentis & vivifici Spiritus tui; depelle ab anima ipsius omnem languorem, omnem infidelitatem, omnem spiritum immundum, vellicatorem, subterrancum, igneum, olidum, concupiscentiæ

tiæ plenum, auri argentiq̃ue avidum, superbum, meretricium, tenebrosum, informem, impudentem. Ita Deus abige ab hoc famulo tuo omnem vim diaboli, omnem incantamentum, omne veneficium, idololatriam, divinationem ex astris, Græcè astromantiam, astrologiam, necromantiam, augurium, molitiem, amorem, avaritiam, temulentiam, scortationem, adulterium, lasciviam, impudentiam, iram, contentionem, inconstantiam, & omnem suspicionem malam. Etiam Domine Deus inspira illi spiritum tuum pacificum, ut eo munitus referat fructum fidei, virtutis, sapientiæ, puritatis, continentiae, charitatis, benignitatis, spei, mansuetudinis, longanimitatis, patientiæ, sobrietatis & intellectus; quoniam te invocat servus tuus, in nomine Iesu Christi credens in consubstantialem Trinitatem, unà testificantibus Angelis, Archangelis, gloriosis Dominationibus, & omni cælesti exercitu: & cum hoc custodi & corda nostra, quia potens es Domine, & tibi gloriam referimus Patri, & Filio, & Spiritui sancto. Resp. Amen.

Deinde aspergat Aquâ benedictâ, & cum benedictione dimittat.

Possunt prædicti Exorcismi sæpius repeti; & inde sumi quos malit Exorcista, & ad singulos asperget infirmos Aquâ benedictâ. Continuabit autem legere super infirmum diversis vicibus bis vel ter in hebdomada, vel diebus

diebus alternis, quoties & quamdiu ipsi prudenti Exorcista videbitur.

Poterunt prædicti Exorcismi servire non tantum pro energumenis, sed etiam pro alijs maleficiatis, & ex maleficio infirmis.

Si quis prolixiores desiderat, adjunget his Preces positas infra pro varijs ægitudinibus, & alijs malis mutatis mutandis.

Remedia generalia, de quibus in Instructionibus generalibus, utpote de Reliquijs, Agnis Dei, &c. ferendis, item de exercitijs piorum operum ad placandum Deum, & similibus Ecclesiasticis remedijs, de quibus in singulis serè Titulis infra particulariùs agitur, etiam his infirmis applicabit Exorcista, & de illis piam dabit instructionem.

Si verò afflicto non liberato Exorcista concludere voluerit, uti poterit Protestatione superius positâ fol. 162. omisso Exorcismo.

Post liberationem aget Exorcista gratias Deo pro beneficiis obtentis, sicut præscriptum est supra fol. 169. pro liberatione obsessi, cum admonitione salutari ad liberatum, prout ibidem,

Remedia contra febres, pestem, & alias infirmitates naturales.



UONIAM mundus scatet variis remedijs superstitiosis & illicitis contra febres & alios morbos naturales, quibus ita passim homines fidunt; ut non solum negligent Medicos & medicinas naturales, sed etiam recursum ad Deum per preces & alia pia opera: proinde curam habentes animarum, aliq³ Exorcistæ, studebunt ab huiusmodi subditos suos, aut ad curam suam spectantes avertere; docebuntq³ non solum illa reiicienda quæ per inscriptos characteres & nomina barbara, vel alia huiusmodi, apertum superstitionis indicium præ se ferunt; sed & alia, in quibus occultè magis, & ob id periculosius immiscentur vana carimonie & ritus ab Ecclesiæ consuetudine alieni, quantumvis multi per illa videantur juvari & sanari, cum in hisce rebus non tam ab experientia sumendum indicium, quam à regulis fidei, & Ecclesiæ doctrina, & traditione. Monebunt illos ut utantur approbatis ab Ecclesiæ remedijs spiritualibus; qualia sunt, vitæ & morum emendatio, confessio Sacramentalis, sacra Communio, Missæ sacrificij auditio, preces ferventes & continua jejunia, elemosyna, & alia pia opera. Huiusmodi infirmi reverenter secum deferre possunt particulas sanctarum Reliquiarum, Agnos Dei, Evangelium sancti Ioannis, & similia sacra Scripturæ testimonia; modo non ponant spem in ipsis verbis, in modo scriptionis, numero crucium, figura, aut simili-

N

bus

bus nihil ad rem pertinentibus, sed effectum expectent supernaturali Dei beneficio. Similis est ratio de pane, sale, & alijs rebus juxta morem Ecclesiæ benedictis, quibus uti possunt, confidentes quod Deus exaudiet preces Ecclesiæ fusas pro eis qui rebus illis utuntur. Videantur ea quæ de prædictis latius habentur in Instructione.

Quando Sacerdos requiretur ut pro hujusmodi infirmis more Ecclesiæ oret, indutus Albâ vel superpelliceo & stolâ, ante omnia asperget infirmum Aquâ benedictâ: deinde clarâ voce dicet flexis genibus:

Vers. Adjutorium ✠ nostrum in nomine Domini. *Resp.* Qui fecit cælum & terram. Postea Litaniæ omnium Sanctorum, prout supra habentur, fol. 126. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

DEus, cui proprium est misereri semper & parcere, suscipe deprecationem nostram, ut nos & omnes famulos tuos, quos delictorum catena constringit, miseratione tuæ pietatis clementer absolvat.

EXaudi, quæsumus Domine, supplicum preces, & confitentium tibi parce peccatis: ut pariter nobis indulgentiam tribuas benignus & pacem.

Ineffabilem nobis Domine misericordiam tuam clementer ostende; ut simul nos & à peccatis omnibus exuas, & à pœnis, quas pro his meremur, eripias.

Deus

DEus, qui culpâ offenderis, pœnitentiâ placaris: preces populi tui supplicantis propitius respice; & flagella tuæ iracundiæ, quæ pro peccatis nostris meremur, averte. Per Dominum nostrum Jesum Christum, &c.
Resp. Amen.

Oremus.

OMnipotens sempiterne Deus; salus æterna credentium, exaudi nos pro famulo tuo N. infirmo, pro quo misericordiæ tuæ imploramus auxilium: ut redditâ sibi sanitate, gratiarum tibi in Ecclesia tua referat actiones. Per Dominum nostrum, &c. *Resp. Amen.*

Oremus.

DEus infirmitatis humanæ singulare præsidium, auxiliij tui super infirmum famulum tuum N. ostende virtutem: ut ope misericordiæ tuæ adjutus, Ecclesiæ tuæ sanctæ incolumis repræsentari mereatur. Per Dominum, &c.
Resp. Amen.

Surgens ab oratione, asperget infirmum Aquâ benedictâ, & leget super eum sequentia.

Lectio Epistolæ beati Iacobi Apostoli.

Iacobi 5.

INfirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini.

N 2

Et

Et oratio fidei salvabit infirmum, & alleviabit eum Dominus: & si in peccatis sit, remittentur ei. Confitemini ergo alterutrum peccata vestra: & orate pro invicem ut salvemini: multum enim valet deprecatio iusti assidua. Tu autem Domine miserere nobis. *Resp.* Deo gratias.

Sequentia sancti Evangelij secundum Lucam.

Lucæ. 4.

IN illo tempore: Surgens autem Jesus de synagoga, introivit in domum Simonis. Socrus autem Simonis tenebatur magnis febribus, & rogaverunt illum pro ea. Et stans super illam, imperavit feбри, & dimisit illam. Et continuo surgens, ministrabat illis. *Resp.* Laus tibi Christe.

Per Evangelica dicta reddat tibi Deus sanitatem mentis & corporis. *Resp.* Amen.

Ex Psalmis.

^aDomine, non secundum peccata nostra, quæ fecimus nos; neque secundum iniquitates nostras retribuas nobis.

^bDomine, ne memineris iniquitatum nostrarum antiquarum, citò anticipent nos misericordiæ: quia pauperes facti sumus nimis.

^cMiserere mei Domine, quoniam infirmus sum: sana me Domine, quoniam conturbata sunt ossa mea, & anima mea turbata est valde.

^dMiserere mei Domine, quoniam tribulor: conturbatus est in ira oculus meus, anima mea, & venter meus.

^aPsalm. 102, ^bPsf. 78, ^cPsf. 6, ^dPsf. 10.

Quo-

Quoniam defecit in dolore vita mea, & anni mei in gemitibus.

Infirmata est in paupertate virtus mea: & ossa mea conturbata sunt.

a In Deo speravit cor meum, & adjutus sum: & re floruit caro mea, & ex voluntate mea confitebor ei.

b Misit Dominus verbum suum, & sanavit eos: & eripuit eos de interitionibus eorum.

Possunt hæc sæpius reiterari.

Si plures & longiores quis desideret Exorcismos, sumat ex præcedentibus, eosque accomodet intentioni suæ.

Remedia spiritualia contra philtrea amatoria.

CUM usus philtroꝝ sit diabolicum inventum, cum quo etiam ordinariè concurrunt maleficia; & experientia doceat, hujusmodi veneficio infectos potius juvari remediis spiritualibus, quàm naturalibus medicinis (licet hæ negligi non debeant;) operæ pretium erit hic adjungere media licita & ab Ecclesia approbata, quibus curam animarum gerentes poterunt hujusmodi afflictis succurrere, & consolationem aliquam adferre, & voluntates eorum præservare ab illicitis amoribus, in quos reliqua corporis harmonia per prædicta venena inclinatur & excitatur: tum etiam corpus præservetur Dei auxilio & favore à variis morbis & languoribus, & ab ipsa morte.

Curabit itaque curam animarum gerens, ut huiusmodi afflicto vel afflicta tempestivè applicentur remedia utriusque generis tam naturalia quam spiritualia. Naturalia, ut per medicinas refrigerantes & imminuentes ardorem libidinis, & per expellentes, sumptum venenum tollant vel imminuant. Spiritualia, quæ carnem macerent, & doment; qualia etiam sunt vitatio conspectus rei amate, occupatio mentis in curis gravioribus & piis, lectio bonorum librorum, cogitatio mortis, iudicii, & inferni, contemplatio vilitatis corporis humani, quid fuerit ante animationem; quid nunc sit, sublatâ cutis tenuissima pelliculâ; quid, cum anima recedet, futurum: meditatio denique Passionis & Mortis Domini nostri, & alia quæ mentem agrotantis a nefario amore possint, & inducere sanctum fervorem erga Deum.

Suadebit ei etiam usum frequentem Sacramentorum, Confessionis, & Sacramenti Altaris, aliâq; pia opera. Applicabit illi etiam Preces & exorcismos, maxime huic malo accommodatos, quales sunt, qui supra habentur contra maleficia quibus afflictaur sanitas corporum humanorum, fol. 177. Item qui habentur contra varias agitudines naturales, fol. 192. vel qui infra ponuntur contra succubos & incubos, fol. 210. Adjungantur prædictis Exorcismis sequentes Orationes Ecclesiæ.

Oremus.

U Re igne sancti spiritus renes nostros, & cor nostrum, Domine: ut tibi casto corpore serviamus, & mundo corde placeamus.

Per

Per Dominum nostrum Iesum Christum Filium tuum : qui tecum vivit & regnat in unitate ejusdem Spiritus sancti. *Resp. Amen.*

Oremus.

Domine adjutor & protector noster ; adjuva nos : & refloreat cor & caro nostra vigore pudicitiae , & castimoniae novitate : & ab omnibus, quæsumus tentationibus emundemur. Per Dominum nostrum. *Resp. Amen.*

Oremus.

Omnipotens & mitissime Deus, respice propitius ad preces nostras, & libera corda nostra de malarum tentationibus cogitationum : ut sancti Spiritus dignum fieri habitaculum mereamur. Per Dominum nostrum Iesum Christum Filium tuum : qui tecum vivit & regnat in unitate ejusdem Spiritus sancti, &c. *Resp. Amen.*

Oremus.

Deus, qui illuminas omnem hominem venientem in hunc mundum, illumina, quæsumus, corda nostra gratiae tuæ splendore ; ut digna ac placita majestati tuæ cogitare semper, & te sincerè diligere valeamus. Per Dominum nostrum, &c. *Resp. Amen.*

Remedia spiritualia pro impeditis per maleficia, ope dæmonum, in matrimonio.



QUIA maleficium ligatura, ut vocant, & pleraque alia, quæ ordinariè hominibus contingunt, & eveniunt ex defectu fidei, spei, & charitatis in Deum, Deo sic iusto iudicio hominum incredulitatem & diffidentiam puniente, teste S. Leone Papâ Serm. 19. de Passione; hinc Pastores seriò monebunt conjungendos & conjugatos, nihil esse timendum ab huiusmodi ligaturis & maleficijs, sed firmâ fide credendum, Dominum Iesum Christum assistere Sacramento atque instituto suo; præcipuè cum rectâ fide, bonâ intentione, & purâ conscientia suscipiuntur, vel qui susceperint utantur. Vnde cavebunt Pastores eorumq; substituti, ne ob timorem innodationis vel ligaminis alicujus, matrimonia solemnizent modo aliquo ab Ordinario loci non approbato, ne ipsi, qui alios ab huiusmodi vano timore, verbo & exemplo retrahere debent, ipsis mali & damnabilis timoris exemplum præbere videantur. Neque tamen per se est illicitum (ideoq; permitti interdum poterit) quòd quidam, ne maleficio aliquo impediuntur ab opere conjugali, Matrimonium contrahere desiderent ignorantibus illis à quibus maleficium metuunt, adeoque in parte templi secretiori.

Conjugibus, qui Deo permittente huiusmodi maleficio sunt innodati, suadebit Sacerdos, ut peractâ peccatorum suorum integrâ & dolorosâ confessione, sacratissimum Christi Corpus sapius reverenter sumant, &

ex-

exemplo Tobia & Sara aliquot diebus à copula abstinentes, jejuniis & precibus, alijsq; pijs operibus & elemosynis se præparent. Interim etiam se præsentent Sacerdoti, qui illos aliquoties exorcizabit, & precibus Ecclesiæ benedicet, Deoq; commendabit in hunc qui sequitur modum.

Asperget conjuges Aquâ benedictâ, & dicet alta voce :

Vers. Adjutorium ✠ nostrum in nomine Domini. *Resp.* Qui fecit cælum & terram. *Postea Litaniæ ut supra fol. 126.* *Vers.* Salvos fac servum tuum, & ancillam tuam. *Resp.* Deus meus sperantes in te. *Vers.* Mitte eis Domine auxilium de sancto. *Resp.* Et de Sion tuere eos. *Vers.* Nihil proficiat inimicus in eis. *Resp.* Et filius iniquitatis non apponat nocere eis. *Resp.* Esto eis Domine turris fortitudinis. *Resp.* A facie inimici. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Exaudi nos omnipotens & misericors Deus, ut quod nostro ministratur officio, tuâ benedictione protinus impleatur. Per Dominum, &c. *Resp.* Amen.

Oremus.

Propitiare Domine supplicationibus nostris; & institutis tuis, quibus propagationem
humani

humani generis ordinasti, benignus assiste: ut quod te auctore junctum est, te auxiliante servetur. Per Dominum nostrum. *Resp.* Amen.

Oremus.

DEus, qui potestate virtutis tuæ de nihilo cuncta fecisti: qui dispositis universitatis exordiis, hominem ad imaginem Dei factum, ideò inseparabile mulieris adjutorium condidisti, ut femineo corpori de virili dares carne principium, docens quod ex uno placuisset institui, numquam licere disiungi. Deus qui tam excellenti mysterio conjugalem copulam consecrasti, ut Christi & Ecclesiæ Sacramentum præsignares in fœdere nuptiarum. Deus per quem mulier jungitur viro, & societas principaliter ordinata, eâ benedictione donatur, quæ sola nec per originalis peccati pœnam, nec per diluvij est ablata sententiam: respice propitius super hos famulos tuos, qui maritali juncti consortio, tuâ se expetunt protectione muniri: sit in illis jugum dilectionis & pacis: nihil in illis ex actibus suis ille auctor prævaricationis usurpet: sint fœcundi in sobole, & videant filios filiorum suorum usque ad tertiam & quartam generationem, & ad optatam perveniant senectutem, atque ad cælestia regna perveniant. Per eundem Dominum nostrum Iesum Christum Filium tuum, qui tecum vivit. *Resp.* Amen.

Surgens Sacerdos ab oratione , asperget Conjugatos iterum Aquâ benedictâ , & leget super illos quæ sequuntur.

Lectio libri Tobiaë. Tob.8.

Tunc hortatus est virginem Tobias , dixitque ei: Sara, exurge, & deprecemur Deum hodie, & cras , & secundum cras : quia his tribus noctibus Deo jungimur : tertiâ autem transactâ nocte, in nostro erimus conjugio. Filij quippe sanctorum sumus , & non possumus ita conjungi sicut gentes quæ ignorant Deum. Surgentes autem pariter, instanter orabant ambo simul, ut sanitas daretur eis. Dixitque Tobias : Et nunc Domine tu scis quia non luxuriæ causa accipio sororem meam conjugem, sed solâ posteritatis dilectione , in qua benedicatur nomen tuum in sæcula sæculorum. Dixit quoque Sara: Miserere nobis Domine , miserere nobis , & confenescamus ambo pariter sani. Tunc Raphaël Angelus apprehendit dæmonium, & religavit illud in deserto superioris Ægypti. Tu autem Domine miserere nobis. *Resp.* Deo gratias.

Sequentia sancti Evangelij secundum
Ioannem. *Ioan.2.*

In illo tempore : Nuptiæ factæ sunt in Cana Galilææ , & erat mater Iesu ibi. Vocatus est autem & Iesus , & discipuli ejus, ad nuptias.

nuptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi & tibi est, mulier? nondum venit hora mea. Dicit mater ejus ministris: Quodcumque dixerit vobis, facite. Erant autem ibi lapideæ hydræ sex positæ secundum purificationem Iudæorum, capientes singulæ metretas binas vel ternas. Dicit eis Iesus: Implete hydras aqua. Et impleverunt eas usque ad summum. Et dicit eis Iesus: Haurite nunc, & ferte architriclino. Et tulerunt. Ut autem gustavit architriclinus aquam vinum factam, & non sciebat unde esset, ministri autem sciebant qui hauserant aquam; vocat sponsum architriclinus, & dicit ei: Omnis homo primum bonum vinum ponit; & cum inebriati fuerint, tunc id quod deterius est: tu autem servasti bonum vinum usque adhuc. Hoc fecit initium signorum Iesus in Cana Galilææ, & manifestavit gloriam suam, & crediderunt in eum discipuli ejus. *Resp. Laus tibi Christe.*

Psalms 127.

BEati omnes qui timeant Dominum, qui ambulant in viis ejus.

Labores manuum tuarum quia manducabis: beatus es, & benè tibi erit.

Uxor tua sicut vitis abundans, in lateribus domus tuæ.

Filij tui sicut novellæ olivarum, in circuitu mensæ tuæ.

Ecce

Ecce sic benedicetur homo, qui timet Dominum.

Benedicat tibi Dominus ex Sion: & videas bona Ierusalem omnibus diebus vitæ tuæ.

Et videas filios filiorum tuorum, pacem super Israël. Gloria.

Oremus.

Domine Iesu Chryste, beatissimæ Virginis Mariæ Ioseph desponsatæ filius, qui in Paradiso terrestri Matrimonium instituisti in officium, & conservationem, & multiplicationem humani generis, & ipsum Matrimonium mirabiliter honorasti in adventu tuo, & primordijs miraculorum tuorum: dignare hos, quos matrimonialiter conjunxisti, per merita & preces beatissimæ Virginis Mariæ matris tuæ & omnium Sanctorum & Sanctarum tuarum, bene ✠ dicere, ac plenè liberare ab omni ligamento, fascinatione, & maleficio satanæ, & dare fecunditatem & gratiam ut liberè possint uti matrimonio suo ad generandas & educandas proles ad laudem & gloriam tuam: In nomine Patris ✠, & Filij ✠, & Spiritus ✠ sancti, Resp. Amen.

Oremus.

Domine Iesu Chryste, Fili Dei vivi, qui uterum beatissimæ Virginis Mariæ mirabiliter fecundasti, ut de Spiritu sancto conciperet, portaret, pareret ac nutriret te Deum ac Domi-

Dominum Salvatorem nostrum; suppliciter invocamus clementiam tuam, ut his famulis tuis N. & N. fecunditatem donare digneris: ut generare ac nutrire valeant proles in vitam æternam, Amen. In nomine Patris ☩, & Filij ☩, & Spiritus ☩ sancti. Amen.

Oremus.

OMnipotens sempiterne Deus, qui primos nostros parentes bonâ societate copulasti; bene☩dic, & sanctifica ☩ hos conjuges, & semina in eis semen viæ æternæ: corda eorum tui sancti Spiritus munda infusione: Angelo tuo sanante, eos à maligna dæmonum infestatione libera, & custodi, & omnes mentis & corporis adversitates ab eis repelle: ut munimine tuo protecti, & te donante, devotè laudent nomen sanctum tuum, quod est benedictum in sæcula sæculorum. Amen.

Et aspergens illos iterum Aquâ benedictâ, exorcizabit illos sequenti Exorcismo.

EXORCISMUS.

EXorcizo vos, impuri dæmones; humani generis & divinæ dispositionis inimici, in nomine individuæ Trinitatis, Patris ☩, & Filij ☩, & Spiritus ☩ sancti, cujus potentiâ universa creata sunt, cujus providentiâ omnia in suo ordine conservantur; ut quidquid adversus
hos

hos conjuges moliti estis ad impediendam filiorum generationem, juxta modum à Creatore ordinatum, eiusdem Dei nostri potestate coacti amoveatis.

Adjuro vos per eum qui de Virgine nasciturus, ut suâ quoque nativitate conjugalem statum honoraret, eam potissimum elegit matrem, quæ jam erat desponsata viro; ut dissipatis maleficis vestris pactionibus, aut maleficij signis, quidquid his conjugibus nocumenti aut impedimenti intulistis, continuo auferatis, liberosque ab omni vestra fascinatione relinquatis.

Adjuro vos per eundem Dominum nostrum Jesum Christum, qui venit in hunc mundum ut dissolvat opera diaboli, & chirographum decreti, quod erat contrarium nobis, tulit de medio, affigens illud cruci; ut quidquid incantatione, aut ligaturâ, aut quocumque maleficio secundum damnabiles artes vestras effectum, quo impediuntur conjuges isti sanctum Matrimonij statum amplexi, ne ea quæ status sui sunt liberè valeant exercere, id omne dissolvatis & amoveatis, & nullum propter illa nocumentum aut impedimentum deinceps adferre præsumatis. Invocamus enim contra vos terribile nomen Domini nostri Iesu Christi, ut omnes pactiones vestras rumpere compellamini, neque maleficis, quos vestrâ quasi fidelitate decipitis, fidem servare, aut quod pacti estis perficere ulterius permittamini, cogente vos Cruce Christi, cujus signo hos Christi servos
configna-

consignamus, urgente vos ejusdem Domini nostri eminentissimâ potestate, quâ & ipse spiritus nequam eiciebat verbo, & discipulis suis potestatem dedit calcandi super serpentes & scorpiones & omnem virtutem inimici. In ejus ergo virtute præcipiô vobis, ut ordinem à Deo ad humani generis propagationem institutum perturbare desistatis; ut invidia vestra, quâ & Deo gloriam, & humano generi salutem æternam auferre nitimini, vano conatu tabescens, vobis tantummodò cruciandis serviat; hominum verò generatione secundum honorabile conjugium torumque immaculatum procedente, electorum numerus impleatur, aspirante eodem Domino nostro Iesu Christo, qui venturus est judicare vivos & mortuos, & sæculum per ignem.

Aspergat illum vel illos Aquâ benedictâ, & in pace dimittat.

Quòd si occulto Dei judicio; vel aliquâ conjugum culpâ maleficiûm non tollatur, non desistent conjuges orationibus, jejunijs, eleëmofynis, alijsq; pijs operibus Deum propitium sibi reddere, Missam quotidie, si possunt, audiant, & pro se etiam celebrari curabunt, frequenter confitebuntur peccata sua, & sacram Communionem reverenter sument: peregrinationes piè suscipient ad loca à Deo suis beneficiis & miraculis visitata: Reliquias, Agnos Dei, & hujusmodi sacra religiosè secum deferent: numquam ibunt cubitum quin se ferventibus precibus Deo, B. Maria, Angelo Custodi, aliisque

aliisq̃ue Sanctis commendent, Aquâ benedictâ se & lectum aspergent, palmis benedictis thalamum ornabunt: abstinebunt ab omnibus illicitis remediis, contactibus, &c. sed purè & castè ex solius prolis desiderio, Matrimonio uti cupient. Exorcismos & Preces superius positas sæpius reiterari curabunt; quibus poterit Sacerdos, si ei visum fuerit, alias adungere ex suprâ positis pro infirmis. Cavebit autem Sacerdos diligenter, ne permittat illum errorem & rei sacræ abusum, qui hodie in nonnullis locis vigere dicitur, quo aliqui tali maleficio vexatis succurri posse putant, si vir & mulier priori Matrimonio, legitimè & in facie Ecclesiæ contracto, mutuo consensu renuntient, & novum coram Sacerdote contrahant. Est enim hoc diabolicum inventum superstitionis inducendæ causâ, vel, ut res sacras hominibus ludibrio exponat, & Sacramento Christi gravem irroget injuriam, cum dicat Christus Matth. 19. Quod Deus conjunxit, homo non separet. Denique, hujusmodi afflictî consulent etiam Medicos; si fortè impedimentum ipsorum provenerit à mala corporum complexione, & humorum peccantium abundantia. Quæ medicina etiam possunt indirectè prodesse huic malo, etiam quando per diabolum introductum est.

Remedia spiritualia contra Succubos & Incubos.

DÆMONES incubos & succubos hominibus infestos, ex D. Augustino lib. 15. de Civit. cap. 23. & aliis Patribus cognoscimus: verumtamen non facile in similibus omnibus fides adhibenda,

hibenda, præcipuè femineo sexui, mirabilium formarum in imaginatione susceptivo. Proinde Exorcista, vel curam animarum habens, examinabit hæc prudenter cum Medicis & Theologis peritioribus. Si constet probabiliter aliquem dicto modo vexari contra voluntatem suam, adhibebit remedia & Exorcismos supra in tertia Parte contra maleficia, quibus homines solent in propriis corporibus affligi, positos. Confiteatur sacramentaliter frequenter summâ quâ poterit animi contritione, præmuniat se sacra Communione, in precibus sit assiduus; inter omnes preces sapiùs legat Orationem Dominicam & Salutationem Angelicam; his enim multos ab hac vexatione liberatos constat variis exemplis. Alia denique adhibeat quæ superius præscripta sunt contra ligaturas, philtra, &c.

Volunt aliqui loci mutationem contra hoc malum aliquid posse: potiùs dormitorium & lectus afflicti sæpè benedicenda ordinariis Ecclesiæ benedictionibus. Videat etiam prudens Exorcista, utrùm hæc afflictio non infligatur à Deo aliquando feminis ob nimiam curiositatem in vestibus, ornatu crinium, & similibus, quibus, non contentæ naturali sua pulchritudine, variis fucis & mediis student allicere viros in sui amorem; quo fit, Deo permittente, ut fiant ludibrio demonibus, quæ nimium in sua gloriantur pulchritudine. Tales adducenda ad compunctionem peccatorum suorum, & emendationem vitæ, quæ in posterum ab hujusmodi laqueis abstineant, & se componant ad modestiam, humilitatem & verecundiam decentem.

Præter prædicta possunt contra hanc vexationem, quæ valdè abominabilis est, etiam applicari Exorcismi secundæ Partis hujus Manualis, cum sit quædam species obsessionis, vel ei valdè affinis infestatio.

Modus exorcizandi circa quævis animalia per maleficia & veneficia afflicta.



IN PRIMIS attendendum, an fortè ex causis naturalibus animalia agrotent, utpote ex devoratis araneis sese pabulo ingerentibus, aut aliorum venenatorum animalculorum morsu ex aère præ stabulorum immunditia vitiato, à bufonibus aliisque serpentibus, qui sæpè dum lac exugunt, ubera ledunt.

In juvandis brutis animalibus maleficiatis procedet Exorcista simili ferè modo ut antè: nempe exhortando in primis patrem & matrem-familias, omnesque domesticos ad seriam pœnitentiam & vitæ emendationem: ut cum vera cordis humilitate & spiritus contritione ad Deum conversi, agnoscant damna hac ipsis immitti à bono justoque Deo propter peccata, inter quæ numeranda sunt juramenta & execrationes animalium, ad correctionem & probationem ipsorum.

Quocirca peccatorum suorum per bonam & salutarem coram Sacerdote Confessionem, à Dei misericordia veniam implorantes, meliora seriò proponant, & sic in statu gratiæ constituti, in Dei clementia fiduciam omnem collocent; parati se divine voluntati, quidquid ei placuerit, conformare.

A superstitionibus alijsq; diaboli & ministrorum ejus hominum impostorum fraudibus cavebunt, scientes ab Ecclesia vetari omnia illa quæ non sunt instituta à Deo, vel ab Ecclesia, ad consequendos effectus supernaturales. Vnde in colligendis herbis pro alimento bestiarum nullas adhibebunt circumstantias vanas & ad rem non facientes, sed legent Orationem Dominicam, Salutationem Angelicam, vel Symbolum fidei, expectantes subsidium à Dei misericordia, quæ illos exaudiet tempore suo. Et quia Ecclesia pia & sollicita mater etiam Exorcismis & Adjurationibus, secundum potestatem sibi à Deo factam, diaboli conatus & insidias repellere studet, ut creaturas humanis necessitatibus destinatas non modò in naturalem, sed etiam in salutarem usum per Orationes & Benedictiones sibi iterum asserat & benedicat, prout videre licet in Benedictione salis, aquæ, & similium rerum quæ in sacratiorem usum ab Ecclesia assumuntur, juxta doctrinam Apostoli dicentis, omnem creaturam bonam esse, & sanctificari per verbum Dei & orationem; licet etiam hanc sanctificationem extendere ad pecora & eorum pabula: quæ quidem quod ad præsens attinet, in hoc posita est, ut ad convenientem & salutarem usum repurgentur à diaboli fraudibus & nocumentis, ne (quod Scriptura ait) creaturæ, quæ ad commoditatem homini subseruiunt, per insipientiam fiant decipula & captionis laquei.

Formula Exorcismorum & Benedictionum ex Pontificali & Missali in fine hujus Manualis apponuntur, & quamquam etiam aliæ à temerarijs excogitari possint, & sint excogitata; nullus tamen Sacerdotum &

Exorci-

Exorcistarum illis uti præsumat, sed illas retineat quæ ab Ecclesia in usum receptæ sunt, & à veteribus usitata: non tantum ut tutiores simus à superstitionibus & erroribus aliis, sed etiam quia efficacior est oratio nostra, quando cum Ecclesiæ Precibus vivaciter conjungitur. Ad quam rem confert etiam, ipsa verba ab Ecclesia usitata, in quantum fieri potest, retinere.

Quæ jam generaliter dicta sunt, ad particulares usus facile applicari possunt, pro loco & tempore & rerum occurrentium necessitate. Sed (ut diximus) præcipua cura debet esse de apparatu, hoc est, ut per veram pœnitentiam ad Deum ex corde convertantur, qui in afflictione remedia querunt. Hoc autem dicitur potissimum propter formularios illos, qui diversas agendi formulas conquirunt, & si per unam non succedit, subinde aliam atque aliam adhibent; tamquam si in forma agendi principalis virtus collocanda esset, cum multò major sollicitudo esse debeat de pietate & præparatione ad orandum; quàm de forma agendi.

Absque scrupulo in omnibus (modò nihil admisceant superstitionis) uti possunt Aquâ benedictâ, sale & pane benedicto, ramos palmarum ab Ecclesia benedictos suspendant in domibus & stabulis suis, cereum benedictum in die Purificationis accendant, & in locis infestatis collocent, & similia approbata remedia adhibeant, quorum effectus & vis à Deo est, & expectatur per Preces Ecclesiæ suas in hunc finem.

Hac breviter instructione domesticis datâ Exorcista ibit ad stabulum & locum in quo sunt animalia afflicta, dispicietq; ne fortè sint aliqua maleficij signa sub limine abscondita, aut terræ infossa, eaq; auferri curabit.

Quæ cautio nonnullis, qui totius stabuli terram ad aliquam altitudinem effoderunt, optimè cessit.

Deinde omnibus domesticis ad orationem invitatis, ipsum stabulum & animalia Aquâ benedictâ asperget. Postea leget clarâ voce flexis genibus, si commodè possit, Litanias Sanctorum, prout habentur suprà fol. 126. quibus subjunget sequentes Orationes.

Oremus.

DEus, qui laboribus hominum etiam de mutis animalibus solatia subrogasti: supplices te rogamus, ut sine quibus non alitur humana conditio, nostris facias usibus non perire. Per Dominum nostrum, &c. Resp. Amen.

Oremus.

TRibulationem nostram, quæsumus Domine, propitius respice: & iram tuæ indignationis, quam justè meremur averte. Per Dominum, &c. Resp. Amen.

Oremus.

AVerte, quæsumus Domine, à fidelibus tuis cunctos miseratus errores, & sævientium morborum, qui grassantur in animalia, depelle perniciem: ut quos suo merito flagellas devios, foveas tuâ miseratione correctos. Per Dominum nostrum, &c. Resp. Amen.

Surgens Exorcista ab oratione asperget iterum animalia & locum totum cum astantibus Aquâ benedictâ, & versus animalia maleficiata leget sequentia.

Lectio

Lectio Ieremiæ Prophetæ. Ierem. 14.

SI iniquitates nostræ contenderint contra nos: Domine fac propter nomen tuum: quoniam multæ sunt aversiones nostræ: tibi peccavimus. Expectatio Israël, salvator ejus in tempore tribulationis. Tu autem in nobis es Domine, & nomen tuum invocatum est super nos: ne derelinquas nos Domine Deus noster. Tu autem Domine miserere nobis. *Resp.* Deo gratias.

Sequentia sancti Evangelij secundum Marcum.

Marc. 11.

IN illo tempore: Dixit Jesus discipulis suis: Habete fidem Dei. Amen dico vobis, quia quicumque dixerit huic monti; Tollere, & mittere in mare, & non hæsitaverit in corde suo, sed crediderit, quia quodcumque dixerit, fiat, fiet ei. Propterea dico vobis, omnia quæcumque orantes, petitis, credite quia accipietis, & evenient vos. Et cum stabitis ad orandum, dimittite si quid habetis adversus aliquem: ut & Pater vester qui in cælis est, dimittat vobis peccata vestra. Quod si vos non dimiseritis; nec Pater vester, qui in cælis est, dimittet vobis peccata vestra. *Resp.* Laus tibi Christe.

Per Evangelica dicta tollantur & evertantur omnia diabolica facta.

*Vel si malit, recitabit initium Evangelij S. Ioannis,
In principio &c. fol. 183. quod contra omnia male-
ficia & infirmitates rectè potest adhiberi.*

Psalmus 53.

Deus in nomine tuo saluum me fac : & in
virtute tua iudica me.

Deus exaudi orationem meam : auribus per-
cipe verba oris mei.

Quoniam alieni insurrexerunt adversum me,
& fortes quæsierunt animam meam : & non
proposuerunt Deum ante conspectum suum.

Ecce enim Deus adjuvat me : & Dominus
susceptor est animæ meæ.

Averte mala inimicis meis , & in veritate tua
disperde illos.

Voluntariè sacrificabo tibi , & confitebor
nomini tuo Domine : quoniam bonum est.

Quoniam ex omni tribulatione eripuisti me :
& super inimicos meos despexit oculus meus.

Gloria Patri, & Filio, &c.

Psalmus 56.

Miserere mei Deus, miserere mei : quo-
niam in te confidit anima mea.

Et in umbra alarum tuarum sperabo, donec
transeat iniquitas.

Clamabo ad Deum altissimum : Deum qui
benefecit mihi.

Misit

Misit de cælo, & liberavit me: dedit in opprobrium conculcantes me.

Misit Deus misericordiam suam, & veritatem suam, & eripuit animam meam de medio catulorum leonum: dormivi conturbatus.

Filij hominum, dentes eorum arma & sagittæ: & lingua eorum gladius acutus.

Exaltare super cælos Deus: & in omnem terram gloria tua.

Laqueum paraverunt pedibus meis: & incurvaverunt animam meam.

Foderunt ante faciem meam foveam: & inciderunt in eam.

Paratum cor meum Deus, paratum cor meum: cantabo, & psalmum dicam.

Exurge gloria mea, exurge psalterium & cithara: exurgam diluculo.

Confitebor tibi in populis Domine: & psalmum dicam tibi in gentibus:

Quoniam magnificata est usque ad cælos misericordia tua, & usque ad nubes veritas tua.

Exaltare super cælos Deus; & super omnem terram gloria tua.

Gloria Patri, & Filio.

Psalmus. 7.

Domine Deus meus in te speravi: saluum me fac ex omnibus persequentibus me, & libera me.

Ne quando rapiat ut leo animam meam, dum non est qui redimat, neque qui saluum faciat.

Domine Deus meus, si feci istud, si est iniquitas in manibus meis:

Si reddidi retribuētibus mihi mala, decidam meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam: & gloriam meam in pulverem deducat.

Exurge Domine in ira tua: & exaltare in finibus inimicorum meorum.

Et exurge Domine Deus meus in præcepto quod mandasti: & synagoga populorum circumdabit te.

Et propter hanc in altum regredere: Dominus judicat populos.

Judica me Domine secundum justitiam meam, & secundum innocentiam meam super me.

Consumetur nequitia peccatorum, & diriges justum, scrutans corda & renes Deus.

Justum adiutorium meum à Domino, qui salvos facit rectos corde.

Deus iudex justus, fortis, & patiens, numquid irascitur per singulos dies?

Nisi conversi fueritis, gladium suum vibrabit: arcum suum tetendit, & paravit illum.

Et in eo paravit vasa mortis, sagittas suas ardentibus effecit.

Ecce parturit injustitiam. concepit dolorem, & peperit iniquitatem.

Lacum aperuit, & effodit eum: & incidit in foveam quam fecit.

Con-

Convertetur dolor ejus in caput ejus : & in verticem ipsius iniquitas ejus descender.

Confitebor Domino secundum justitiam ejus : & psallam nomini Domini altissimi.

Gloria Patri. &c.

EXORCISMUS.

EXorcizo te, dæmon maledicte, immunde ac maligne spiritus, quicumque animalia ista Dei vivi & veri creaturas affligere aut vexare audes, & adjuro te per eundem Deum vivum ☩, per Deum verum ☩, per Deum sanctum ☩ Patrem & Filium & Spiritum sanctum, ut exeas & recedas à loco isto, nec unquam huc reverti præsumas, neque eodem loco vel alibi agentibus hominibus aut jumentis damnum vel pavorem immittas, aut quodcumque maleficiū in detrimentum vitæ illorum, vel sanitatis aut utilitatis inferas, per eum qui te in patibulo crucis vicit & superavit, arma in quibus confidebas abstulit, spoliaque tua distribuit, ac potestatem tuam in electorum suorum salutem & consolationem ligavit : qui & venturus est statuto tempore judicare vivos & mortuos, & sæculum per ignem. *Resp. Amen.*

Alius EXORCISMUS.

ADjuro vos, ô maligni spiritus, per creatorem cæli & terræ, per incarnationem Domini nostri Jesu Christi, ejusque circumcissionem, apparitionem, baptismum, jejunium, & per

& per Crucem ejus, per clavos, lanceam, latus, manus & pedes Christi perforatos, per passionem, mortem, resurrectionem & ascensionem, & Spiritus sancti missionem, & per gloriosam Virginem Mariam, & per merita omnium Apostolorum, Martyrum, Confessorum, Virginum, & omnium electorum: ut numquam amplius accessum habeatis ad hunc locum in detrimentum hominum, animalium, & quarumcumque rerum humanæ utilitati à Deo indultarum: In nomine Patris ✠, & Filij ✠, & Spiritus ✠ sancti. *Resp. Amen.*

Et aspergens animalia & locum iterum Aquâ benedictâ, & astantes, dicat.

Domine Deus, Pater omnium rerum, defende nos & pecora ista, defende Domine dona tua, defende familiam istam ab omnibus malis, per virtutem Aquæ à te ministerio Ecclesiæ benedictæ, & per invocationem sancti nominis tui: In nomine Patris ✠, & Filij ✠, & Spiritus ✠ sancti. Et exterminetur diabolus à terminis justorum per invocationem sancti nominis tui, & omnium Angelorum, Patriarcharum, Prophetarum, Apostolorum, Martyrum, Confessorum, Virginum, & omnium electorum, & nos & pecora hæc ab omni malo liberare & custodire digneris. Per Christum Dominum nostrum. *Resp. Amen.*

Poterunt prædicta sæpius repeti, vel alia Preces & Exorcismi ex suprà positis, vel ex ijs quæ habentur infra contra infestationes domorum, his adjungi, mutatis mutandis.

EXORCISMUS contra maleficia lacticiniorum, & aliorum comestibilium, frugum, &c.



UANDO lac, butyrum, vel alia comestibilia maleficiata videntur, præmissis jam dictis de familia constituenda in statu gratiæ, præmittet Exorcista (si judicet longiores Preces adhibendas) Litanias Sanctorum, prout suprà habentur folio 126. quibus subjunget sequentes Orationes, & reliqua.

Oremus.

OMnipotens sempiterne Deus, qui inter cetera dona clementiæ tuæ, hominibus ad usus varios vitæ mortalis, lactis substantiam largiri dignatus es: majestatem tuam suppliciter deprecamur, ut lactis hujus substantiam sic benedicere digneris, ut & servis tuis feliciter & copiosè proveniat, & quisquis illo deinde ad alimentum suum, vel ad aliam vitæ hujus commoditatem uti voluerit, gratiam tuam & benedictionem sibi gaudeat adfuisse. Per Christum Dominum nostrum. Resp. Amen.

Oremus.

Oremus.

Omnipotens sempiterne Deus, cui creaturarum tuarum bonitas placet, qui que ex abundantia pietatis tuæ fideles per Prophetam tuum ad comedendum pingua invitare dignatus es, atque inter alias creaturas pinguedinis tuæ participes, butyro tantam dignitatem tribuisti, ut non modò illud hominibus omnis generis, sed unigenito etiam Filio tuo, pro salute nostra de purissima Virgine incarnato, in cibum & alimentum servire volueris: clementiam tuam humiliter imploramus, ut à substantia butyri hujus vim omnem fraudemque virulenti hostis benignus avertas: nihil hîc nocumenti, nihil mortiferæ corruptionis inferre præsumat, sed quod fidelibus tuis ad humanæ indigentiae remedium contulisti, integrum illis, inviolatum ac incorruptum fervetur, ut cum digna gratiarum actione sumentes, vitæ suæ ac sanitati prodesse sentiant ac lætentur. Per Christum Dominum nostrum. *Resp. Amen.*

Oremus.

Omnipotens & misericors Deus, qui Sacerdotibus & ministris tuis, præ cæteris tantam gratiam conferre dignatus es, ut quidquid in nomine tuo per eos agitur, à te fieri credatur: quæsumus immensam clementiam tuam, ut quidquid ego, licet indignus, modò visito, visitare, quidquid benedico ✠, benedicere digneris

gneris, & ad introitum meæ humilitatis, omnium Sanctorum tuorum meritis dæmones fugentur & expellantur & ab hac domo, & ab his creaturis tuis ad hominum usum à te relictis & destinatis, cessent & tollantur omnes nequitiae & fascinationes eorum, & Angelus pacis & salutis hic adsit, qui eos compescat, & hinc discedere cogat cum omnibus maleficiis. Per Christum Dominum nostrum. *Resp.* Amen.

Deinde legat Evangelium S. Ioannis, In principio erat Verbum. ut supra fol. 183.

EXORCISMUS pro lacte.

ECce Crucem ✠ Domini, fugite partes adversæ, vicit leo de tribu Juda, radix David. Exorcizo te creatura lactis in nomine Dei Patris omnipotentis ✠, & in nomine Jesu Christi ✠ Filij ejus Domini nostri, & in virtute Spiritus ✠ sancti, ut fias lac exorcizatum in salutem fidelium, & sis omnibus ex te sumentibus sanitas animæ & corporis, & effugiat atque discedat à te nequitia omnis ac versutia diabolicæ fraudis, omnisque nocendi facultas in te omni modo per ministros satanicos introducta.

Alius EXORCISMUS.

EXorcizo te per illum qui sanctis Patribus, Abraham, Isaac, & Iacob, terram lacte & melle manantem repromisit, eandemque
 terram

terram posteris eorum fideliter tradidit possidendam; ne ejusdem Dei & Domini nostri fidelibus servis sis mali alicujus, nocumenti, morbi, infirmitatis, mœroris aut anxietatis occasio. Per eum qui venturus est judicare vivos & mortuos, & sæculum per ignem. *Resp. Amen.*

EXORCISMUS *pro butyro.*

EXorcizo te creatura butyri per Deum ✠ vivum, per Deum ✠ verum, per Deum ✠ sanctum, per Deum qui hominibus ab initio pro sua bonitate ad usus vitæ hujus corruptibilis butyrum de armento dedit & lac de ovibus: ut nihil in te loci habeat adversariæ cujuscunque virtutis operatio, nihil in te potestatis malitia satanæ, nihil ars damnata quorumvis utriusque sexus illi impiâ ac nefariâ societate adhærentium, ut quovis modo substantiam tuam minuant vel corrumpant, vel quacumque ratione hominibus noxiam reddant: præstante illo & servante, qui venturus est judicare vivos & mortuos, & sæculum per ignem. *Resp. Amen.*

Alius generalis EXORCISMUS.

ADjuro te, quicumque es quietis humanæ perturbator, per Patrem ✠, & Filium ✠, & Spiritum ✠ sanctum, ut nocere definas huic domui; neque audeas malefacere frugibus & omnibus quæ in domo sunt, frumento,

to, vino, oleo, lacti, butyro, caseis, ovis, vel animalibus, ceterisque omnibus ad hanc domum pertinentibus. Hoc tibi imperet Dominus Jesus Christus per suam sanctam nativitatem, baptismum, jejunium, & per amarissimam suam passionem, crucem & mortem, denique per sanctam suam resurrectionem, ascensionem in cælos, & Spiritus sancti missionem. Cogant te suis precibus & meritis apud Deum exequi mandatum istud, beatissima Virgo & mater ejusdem Domini nostri Maria, novem chori Angelorum, Patriarchæ, Prophetæ, Apostoli, Evangelistæ, Martyres, Confessores, Virgines, Viduæ, & omnes Sancti & Sanctæ Dei, quibus hæc domus & omnia ei contingentia cum omnibus habitantibus in ea sit in protectione & custodia contra omnes insidias inimici. Per eundem Dominum, &c. Resp. Amen.

Alius EXORCISMUS contra invisibilem lactis, Butyri, vel aliarum rerum per incantationes ablationem.

Vers. Adjutorium nostrum in nomine Domini, *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Oremus.

OMnipotens sempiterne Deus, qui ad servandam inter homines pacem, fur-
tum facere, & rem proximi concupiscere
O
prohi-

prohibuisti; obsecramus clementiam tuam, ut omnes qui quod injustè concupiscunt, dæmonis adjutorio proximis suis auferre nituntur, dexteræ tuæ virtute coërceas, & hisce famulis tuis, qui concessis à te vitæ suæ subsidijs ad honorem tuum frui desiderant, sanctorum Angelorum concede præsidium, qui dæmonum potestate repressâ, maleficos injustorum hominum conatus, quos eorum adjumento perficiendos existimant, irritos reddant & frustraneos. Per Christum Dominum nostrum. *Resp. Amen.*

EXORCISMUS.

EXorcizo te, immunde spiritus, qui ad turbandum Christianorum quietem, & ad injurias in bonis temporalibus inferendas hominibus tuâ fraude deceptis auxilium præbes, per judicem vivorum & mortuorum, ut ab hac domo & familia omnibusque ad eam pertinentibus recedas, nec quidquam eorum quæ ad illam spectant attingere vel auferre præsumas.

Exorcizo te per æternam Dei justitiam, ex qua lex illa, quâ suum cuique dandum esse statuitur, emanavit, ut omnibus promissionibus, pactis, artibus, signisque, quibus te quasi astrictum & obligatum simulas, dissipatis, divinæ severitatis in te exercendæ formidine, omnia quæ hujus familiæ sunt, salva & intacta dimittas. Recede ergo hinc divinæ legis transgressor, hominumque perturbator, & Angelis sanctis, quorum

quorum tutelæ familia ista commissa est, te propellentibus, fuge, nec eam in sua quiete ac bonis lædere, aut ulteriùs molestare præsumas, invocato contra tuam malitiam nomine Domini nostri Jesu Christi, qui venturus est judicare vivos & mortuos, & sæculum per ignem, Resp. Amen.

Aspergatur deinde Aquâ benedictâ.

Possunt etiam istis aptari, quæ habentur infrà contra noxia animalia, vermes, &c. corrumpentes agros & fruges. Facile etiam Exorcista poterit hos Exorcismos accommodare variis rebus ad usum hominum spectantibus, arte magica & diabolica veneficiatis.

Monebit & instruet Sacerdos in lacticinijs operam præstantes, ut dum ad opus lactarium se parant, in se excitent fiduciam in Deum, recitentq; attentè & religiosè Orationem Dominicam & Salutationem Angelicam, cum Symbolo fidei. Et muniant se & opus suum signaculo sanctæ Crucis, aspergant Aquâ benedictâ, & ipsis lacticinijs imponant aliquid salis benedicti, accendant cereum benedictum. Sed in applicatione prædictorum abstineant à superstitiosis admiscendis; sed nudè & simpliciter hæc peragant, auxilium & subsidium expectantes à Deo per preces Ecclesiæ.

Docebit etiam, multas pias feminas plurimum auxilii invenisse contra omnes maleficiorum infestationes, quod ex iisdem lacticinijs, vel aliis rebus consuevissent aliquam partem dare pauperibus ad Dei gloriam ex Christiana charitate, cum recta intentione, pioque animo.

EXORCISMUS contra imminentem tempe-
statem tonitruorum, fulgurum grandinum
ventorum, &c.

PER signum ✠ Crucis de inimicis ✠ nostris
libera nos ✠ Deus noster, In nomine Patris
✠, & Filij, & Spiritus sancti. Amen. *Dicitur Sym-
bolum fidei, scilicet, Credo in Deum, &c. Deinde*
Kyrie eleison. Christe eleison. Kyrie eleison.
Pater noster. *Vers.* Adjutorium nostrum in no-
mine Domini. *Resp.* Qui fecit cælum & terram.
Vers. Sit nomen Domini benedictum. *Resp.* Ex
hoc nunc & usque in sæculum. *Vers.* Exurgat
Deus, & dissipentur inimici ejus. *Resp.* Et fugiant
qui oderunt eum à facie ejus. *Vers.* Exurge Chri-
ste, adjuva nos. *Resp.* Et libera nos propter no-
men tuum. *Vers.* Domine exaudi orationem
meam. *Resp.* Et clamor meus ad te veniat. *Vers.*
Dominus vobiscum. *Resp.* Et cum spiritu tuo.

Oremus.

Domine Jesu Christe, qui fecisti cælum &
terram, mare, & omnia quæ in eis sunt,
quique flumini Iordani benedixisti, atque in eo
baptizari voluisti, & tuas sanctissimas manus, &
brachia sacratissima in cruce ✠ extendisti, qui-
bus aërem sanctificasti: obsecramus immensam
pietatis & bonitatis tuæ abundantiam, quatenus
has nubes, quas ante me, & post me, & supra me,
à dextris & à sinistris, video aërem perturbare,
dissolvere & annihilare digneris; ut alligata po-
testas dæmonum impiè desævientium deficiat
& tur-

& turbetur, ad laudem tui sanctissimi nominis ,
& potentissimæ majestatis tuæ. Qui vivis &
regnas.

*Postea conversus ad nubes, signet, eas signo Crucis ,
dicens :* Circumdet te nubes Deus Pater ☩ ,
circumdet te Deus Filius ☩ , circumdet te Deus
Spiritus ☩ sanctus. Destruat te Deus Pater ☩ ,
destruat te Deus Filius ☩ , destruat te Deus
Spiritus ☩ sanctus. Comprimat te Deus Pater
☩ , comprimat te Deus Filius ☩ , comprimat
te Deus Spiritus ☩ sanctus. Amen.

Obsecratio.

S Anctus Matthæus, sanctus Marcus, sanctus
Lucas , sanctus Ioannes Evangelista , qui
Christi Evangelium per quatuor mundi partes
divulgarunt , ipsi suis meritis & precibus hanc
tempestatem à termino isto , & ab omnibus
Christianorum finibus ab eodem Domino no-
stro Jesu Christo removeri obtineant & depelli.

E X O R C I S M U S.

E T ego peccator & Christi Sacerdos seu mi-
nister, licet indignus, auctoritate & virtute
ejusdem Dei & Domini nostri Jesu Christi ,
summi Imperatoris , non meâ potentiâ innixus
& confusus, vobis præcipio, immundissime spiri-
tus, qui has nubes seu nebulas concitatis, in vir-
tute ejusdem Dei & Domini nostri Jesu Chri-
sti ☩ , per sanctissimam ejusdem incarnatio-
nem, per sanctam nativitatem, per baptismum

& jejunium ipsius, per ejus sacratissimā Crucem
 ✠ & passionem, per sanctam resurrectionem,
 per admirabilem ascensionem, per tremendum
 adventum ejus ad judicium, per merita inteme-
 ratæ semperq; Virginis Mariæ, & sanctissimi N.
 & per merita omnium Sanctorum, ut exeatis
 ab eis, & eas dispergatis in locis silvestribus &
 incultis, quatenus nocere non possint homini-
 bus, animalibus, fructibus, herbis, arboribus, aut
 quibuscumq; rebus, humanis usibus deputatis.
 Per eundem Dominum nostrum Jesum Chri-
 stum, qui venturus est judicare vivos & mor-
 tuos, & sæculum per ignem. *Resp. Amen.*

Ipsè vobis imperat, dæmones, qui has nubes
 commoveris, de quo de nube lucida dictum est:
 Hic est Filius meus dilectus, in quo mihi benè
 complacui: ✠ ipse vobis imperat, qui suā sacra-
 tissimā Cruce, corporis sui sanctissimi in ea ex-
 tensione, aërem purgavit: ✠ ipse vobis im-
 perat, qui per mortem suam vos, principem
 vestrum, mortemque devicit & ligavit, atque
 æternæ gehennæ mancipavit ignibus: ✠ ipse
 vobis imperat, qui inferno spoliato surrexit à
 mortuis: ✠ ipse vobis imperat, qui post qua-
 draginta dies nube susceptus, virtute suā ascen-
 dit in cælum: ✠ ipse vobis imperat, qui ven-
 turus est judicare vivos & mortuos, & sæcu-
 lum per ignem. *Resp. Amen.*

*Et postea ostendat Crucem in aëra, dicens: Ecce
 lignum sanctissimæ Crucis, fugite partes ad-
 versæ; vicit enim vos & mundum Dominus
 noster*

noſter Jeſus Chriſtus Filius Dei, Imperator ſum-
mus, leo de tribu Juda, radix David.

*Poſtea Aquâ benediâta in modum Crucis aſpergat
per quatuor latera.*

*Si nondum quievit tempeſtas, legantur flexis ge-
nibus Litania Sanctorum, cum quatuor immediate
ſubſequentibus Orationibus, prout ſuprà ſol. 126. qui-
bus adjungantur ſequentes.*

Oremus.

A Domo tua, quæſumus Domine, ſpiritua-
les nequitia repellantur: & aërearum diſ-
cedat malignitas tempeſtatum. Per Dominum
noſtrum, &c. *Reſp.* Amen.

Oremus.

A D te nos, Domine, clamantes exaudi: &
aëris ſerenitatem nobis tribue ſupplican-
tibus: ut qui juſtè pro peccatis noſtris affligi-
mur, miſericordiâ tuâ præveniente, clemen-
tiam ſentiamus. Per Dominum noſtrum Jeſum
Chriſtum. *Reſp.* Amen.

Oremus.

O Mnipotens ſempiternæ Deus, qui nos &
caſtigando ſanas & ignoſcendo conſervas:
præſta ſupplicibus tuis, ut aëris tranquillitate
dono tuæ pietatis utamur, & miſericordiæ tuæ
conſolatione lætemur. Per Dominum no-
ſtrum, &c. *Reſp.* Amen.

*Surgens Sacerdos ab oratione, aſpergat ut ſuprà
Aquâ benediâta, & leget ſequentia.*

Lectio libri Apocalypsis beati Ioannis
Apostoli. *Apoc. 7.*

Post hæc vidi quatuor Angelos stantes super quatuor angulos terræ, tenentes quatuor ventos terræ ne flarent super terram, neque super mare, neque in ullam arborem. Et vidi alterum Angelum ascendentem ab ortu solis, habentem signum Dei vivi. Et clamavit voce magnâ quatuor Angelis, quibus datum est nocere terræ & mari, dicens: Nolite nocere terræ & mari, neque arboribus quoadusque signemus servos Dei nostri in frontibus eorum. Tu autem Domine miserere nostri. *Resp. Deo gratias.*

Sequentia sancti Evangelij secundum Matthæum. *Matth. 14.*

In illo tempore : Vespere autem facto, solus [Iesus] erat ibi: navicula autem in medio mari jactabatur fluctibus : erat enim contrarius ventus. Quartâ autem vigiliâ noctis venit ad eos ambulans super mare. Et videntes eum super mare ambulantem, turbati sunt, dicentes: Quia phantasma est. Et præ timore clamaverunt. Statimque Iesus locutus est eis, dicens: Habete fiduciam : ego sum, nolite timere. Respondens autem Petrus, dixit, Domine, si tu es, jube me ad te venire super aquas. At ipse ait: Veni. Et descendens Petrus de navicula, ambulabat super aquam ut veniret ad Iesum; Videns verò

verò ventum validum, timuit: & cùm cœpisset mergi, clamavit dicens: Domine, saluum me fac. Et continuò Iesus extendens manum, apprehendit eum; & ait illi: Modicæ fidei, quare dubitasti? Et cùm ascendisset in naviculam, cessavit ventus. Qui autem in navicula erant, venerunt, & adoraverunt eum, dicentes: Verè Filius Dei es. *Resp.* Laus tibi Christe.

Per Evangelica dicta impediantur & dissipentur omnia diabolica facta. *Resp.* Amen.

Ex Psalmis.

IN tribulatione mea invocavi Dominum;
& ad Deum meum clamavi:

Et exaudivit de templo sancto suo vocem meam: & clamor meus in conspectu ejus, introivit in aures ejus.

Commota est & contremuit terra: fundamenta montium conturbata sunt, & commota sunt, quoniam iratus est eis.

Ascendit fumus in ira ejus, & ignis à facie ejus exarsit: carbones succensi sunt ab eo.

Inclinavit cælos, & descendit: & caligo sub pedibus ejus.

Et ascendit super Cherubim, & volavit: volavit super pennas ventorum.

Et posuit tenebras latibulum suum, in circuitu ejus tabernaculum ejus: tenebrosa aqua in nubibus aëris.

Præ fulgore in conspectu ejus nubes transierunt: grando, & carbones ignis.

Et intonuit de cælo Dominus, & Altissimus dedit vocem suam : grando, & carbones ignis.

Et misit sagittas suas, & dissipavit eos : fulgura multiplicavit, & conturbavit eos.

Et apparuerunt fontes aquarum, & revelata sunt fundamenta orbis terrarum ;

Ab increpatione tua Domine, ab inspiratione spiritus iræ tuæ.

Misit de summo, & accepit me : & assumpsit me de aquis multis.

Eripuit me de inimicis meis fortissimis, & ab his qui oderunt me : quoniam confortati sunt super me.

a Notam fecisti in populis virtutem tuam : redemisti in brachio tuo populum tuum, filios Iacob & Ioseph.

Viderunt te aquæ Deus, viderunt te aquæ : & timuerunt, & turbatæ sunt abyssi.

Multitudo sonitus aquarum : vocem dederunt nubes.

Etenim sagittæ tuæ transeunt : vox tonitru tui in rota.

Illuxerunt coruscationes tuæ orbi terræ : commota est & contremuit terra.

b Confitebuntur cæli mirabilia tua Domine : etenim veritatem tuam in Ecclesia sanctorum.

Quoniam quis in nubibus æquabitur Domino : similis erit Deo in filiis Dei ?

Domine Deus virtutum quis similis tibi ? potenses Domine, & veritas tua in circuitu tuo.

Tu dominaris potestati maris, motum autem

tem fluctuum ejus tu mitigas.

Tui sunt cæli, & tua est terra, orbem terræ
& plenitudinem ejus tu fundasti: Aquilonem
& mare tu creasti.

Nihil proficiat inimicus in nobis: & filius
iniquitatis non apponat nocere nobis.

a Ab increpatione tua fugient: à voce toni-
trui tui formidabunt.

b Dixit, & stetit spiritus procellæ: & exal-
tati sunt fluctus ejus.

Et statuit procellam ejus in auram: & silue-
runt fluctus ejus.

Et lætati sunt quia siluerunt: & deduxit eos
in portum voluntatis eorum.

Confiteantur Domino misericordiæ ejus: &
mirabilia ejus filiis hominum.

Et exaltent eum in Ecclesia plebis: & in ca-
thedra seniorum laudent eum.

Gloria Patri, & Filio, & Spiritui Sancto.

Sicut erat in principio, & nunc, & semper,
& in sæcula sæculorum, Amen.

Oremus.

DEus, qui in Majestate tua ascendis super
Cherubim, & ambulas super pennas ven-
torum, quiq; ponis tenebras latibulum tuum
in circuitu tuo, & tabernaculum tuum tenebro-
sam aquam in nubibus aëris: miserere, miserere
nostri; placare Domine, parce populo tuo, & aë-
rearum quæsumus discedat malignitas tempe-
statum, ut sicut justè pro peccatis nostris peri-
culo mali imminenti affligimur, ita misericordiâ
tuâ

tuâ præveniente, clementiam sentiamus. Et si forsitan operâ dæmonum hæc concitantur in tuorum fidelium detrimentum; intona, quæsumus, de cælo Altissime, da contra spiritalem nequitiam vocē tuam, grandinem, & carbones ignis: a fulgura coruscationem, & dissipa eos, emitte sagittas tuas, & conturba eos; ut cognoscamus omnes te rectorem omnium esse, qui rerum vices ineffabili tuâ providentiâ temperas. *Resp. Amen.*

EXORCISMUS.

EXorcizo vos scelestissimos dæmones, qui naturalia principia & aëreas impressiones, ex quibus mortalibus omnibus diversimodè beneficia operatur Deus, ausi estis in consummationem nequitiae vestrae convertere, ventos concitantes, vapores congregantes, nubes componentes, fulmina & tonitrua excitantes, per Deum ✠ Patrem omnipotentem, per Dominum Jesum Christum ✠ Filium ejus unigenitum, & Spiritum sanctum ✠ Dominum & vivificantem, qui ex Patre Filioq; procedit. Exorcizo vos per gloriosam Virginem Mariam, stellam maris, tranquillitatem & serenitatem inducentem. Exorcizo denique vos per omnes illos, in quibus Deus mirabilis & gloriosus apparet, ut à commovenda hac tempestate desistatis; nec ampliùs terræ fructibus, multò minùs hominibus noceatis. Per eundem Dominum nostrum Jesum Christum, qui venturus est judicare sæculum per ignem. *Resp. Amen.*

Alia ADIURATIO.

Sanctus Matthæus ✠, sanctus Marcus ✠, sanctus Lucas ✠, sanctus Joannes Evangelista ✠, qui Christi Evangelium per quatuor mundi partes divulgaverunt, ipsi suis meritis & precibus hanc tempestatem ab omnibus Christianorum finibus, ab eodem Domino nostro Jesu Christo obtineant effugari & depelli. Et ego indignus Christi Sacerdos, auctoritate & virtute ejusdem Dei & Domini nostri Jesu Christi, summi Imperatoris, vobis præcipio, immundissimi spiritus, si qui has tempestates concitatis, per tremendum ejus judicium, & per sanctissimæ Crucis ✠ signum quod vobis oppono, & per merita intemeratæ semper Virginis Mariæ Dei genitricis, & per merita omnium Sanctorum, ut desinatis nocere hominibus ceterisque rebus humano usui concessis, & tempestates à vobis concitatæ dispergantur in locis silvestribus, absque hominis aut jumentum alicujus aut fructuum terræ nocumento. Per eundem Dominum nostrum Iesum Christum, qui venturus est judicare vivos & mortuos, & sæculum per ignem. *Resp. Amen.*

Alia ADIURATIO.

Adjuro vos impij dæmones per Deum omnipotentem ✠, qui populum Israël præcedebat, ad ostendendam viam, per diem in columna nubis, montemque Sinai sex diebus
texit

textit 4: cujus gloriâ impletum est tabernaculum testimonij opertum nube, qui in nube posuit arcum foederis sui; cujus vox in nube audita est, Hic est Filius meus dilectus, in quo mihi benè complacui; & per Jesum Christum Dominum nostrum quem nubes suscepit ab oculis Apostolorum quando ascendit ad cælum, qui in nubibus veniet ad judicandum vivos & mortuos, quando etiam in nubibus rapiuntur justi obviam Christo. Per eum (inquam) qui hæc & alia mirabilia valdè operatus est in nubibus, adjuro vos, ne his creaturis servientibus Deo & hominibus abutamini ad inferendum nocumentum alicui creaturæ. Per eundem Christum Dominum nostrum. *Resp. Amen.*

Debent etiam statim ab initio, ut moris est, pulsari campana.

Si tempus tempestuosum adhuc permanserit, poterunt supra dicta pluries repeti.

EXORCISMUS contra quæcumque noxia animalia, vermes, mures, serpentes, & alia quæcumque agros vel aquas extraordinariè inficientia & corrumpentia.



EXORCISTA veniens ad locum infectum, indutus ad minimum stolâ (qua in omnibus adjurationibus uti debet) asperget Aquam benedictam circumcirca, vel secundum loci exigentiam. Deinde signans se signo Crucis, dicet:

Exod 14.

Verf.

Verf. Adjutorium nostrum in nomine Domini.
Resp. Qui fecit cælum & terram.

Subjunget clarâ voce flexus genibus, si commoditas loci permittat, Litanias Sanctorum cum Orationibus ut supra habentur fol. 126. cum sequentibus Orationibus.

Oremus.

DEus, refugium nostrum & virtus, adesto piis Ecclesiæ tuæ precibus auctor ipse pietatis, & præsta; ut quod fideliter petimus, efficaciter consequamur. Per Dominum nostrum, &c. *Resp.* Amen.

Oremus.

ALoco isto, quæsumus Domine, spirituales nequitia & noxia quæque recedant, & aërearum potestatum malignitas; ut præsentibus subsidiis sufficienter adjuti, sempiterna fiducialius appetamus, Per Dominum nostrum, &c. *Resp.* Amen.

Oremus.

PReces nostras quæsumus Domine, clementer exaudi, ut qui justè pro peccatis nostris hanc ærumnam patimur, pro tui nominis gloria ab eadem misericorditer liberemur; ut procul tuâ potentiâ expulsa hæc noxia animalia, nulli de cetero noceant, & hos agros, terras, aquas, in tranquillitate & quiete dimittant; quatenus ex ijs provenientia tuæ Majestati deserviant, & nostræ necessitati absque nocumento subveniant. Per Dominum nostrum, &c. *Resp.* Amen.

Sur-

*Surgens Exorcista ab oratione, versus agros vel
aquam leget sequentia.*

Lectio Apocalypsis beati Ioannis Apostoli.

Apoc. 9.

ET quintus Angelus tubâ cecinit: & vidi
stellam de cælo cecidisse in terram, & data
est ei clavis putei abyssi. Et aperuit puteum
abyssi: & ascendit fumus putei, sicut fumus
fornacis magnæ: & obscuratus est sol & aër
de fumo putei. Et de fumo putei exierunt lo-
custæ in terram: & data est illis potestas, sicut
habent potestatem scorpiones terræ: & præ-
ceptum est illis ne læderent fœnum terræ,
neque omne viride, neque omnem arborem,
nisi tantum homines qui non habent signum
Dei in frontibus suis. Tu autem Domine mise-
rere nobis. *Resp. Deo gratias.*

Sequentia sancti Evangelij secundum Lucam.

Luca. 11.

IN illo tempore: Dixit Iesus discipulis suis:
Petite, & dabitur vobis: quærite, & inve-
nietis: pulsate, & aperietur vobis. Omnis enim
qui petit, accipit: & qui quærit, invenit: &
pulsanti aperietur. Quis autem ex vobis patrem
petit panem: numquid lapidem dabit illi? aut
piscem: numquid pro pisce serpentem dabit
illi? aut si petierit ovum: numquid porriget
ei

ei scorpionem? Si ergo vos cū sitis mali, nō sitis bona data dare filiis vestris: quantō magis Pater vester de cælo dabit spiritum bonum peccantibus se? *Resp.* Laus tibi Christe.

Per Evangelica dicta deleantur nostra delicta.
Resp. Amen.

Ex Psalmis.

a **D**Eus deorum Dominus locutus est: & vocavit terram.

A solis ortu usque ad occasum: ex Sion species decoris ejus.

Deus manifestè venit: Deus noster & non filebit.

Audi populus meus, & loquar; Israël, & testificabor tibi: Deus Deus tuus ego sum.

Non in sacrificiis tuis arguam te: holocausta autem tua in conspectu meo sunt semper.

Non accipiam de domo tua vitulos, neque de gregibus tuis hircos.

Quoniam meæ sunt omnes feræ silvarum, jumenta in montibus & boves.

Cognovi omnia volatilia cæli: & pulchritudo agri mecum est.

Si esuriero, non dicam tibi: meus est enim orbis terræ, & plenitudo ejus.

Numquid manducabo carnes taurorum? aut sanguinem hircorum potabo?

Immola Deo sacrificium laudis: & redde Altissimo vota tua.

Et invoca me in die tribulationis : eruam te,
& honorificabis me.

a Magnus Dominus noster, & magna virtus ejus : & sapientiæ ejus non est numerus.

Suscipiens mansuetos Dominus : humilians autem peccatores usque ad terram.

Præcinite Domino in confessione : psallite Deo nostro in cithara.

Qui operit cælum nubibus : & parat terræ pluviā.

Qui producit in montibus fœnum, & herbam servituti hominum.

Qui dat jumentis escam ipsorum, & pullis corvorum invocantibus eum.

Gloria Patri, & Filio, & Spiritui sancto.

Sicut erat in principio, & nunc, & semper, & in sæcula sæculorum. Amen.

EXORCISMUS.

EXorcizo & adjuro vos, pestiferi vermes, per Deum Patrem omnipotentem ☩, & per Jesum Christum ☩ Filium ejus Dominum nostrum, & per Spiritum sanctum ☩ ab utroque procedentem; ut confestim recedatis ab his campis, agris, pratis, hortis, vineis, aquis, si Dei providentia adhuc vitam vobis indulgeat, nec ampliùs in eis habitetis, sed ad illa ac talia loca transeatis, ubi nullis Dei servis nocere poteritis. Vobis, si per maleficium diabolicum hîc estis, pro parte divinæ Majestatis, totius curiæ cælestis,

cælestis, nec non Ecclesiæ hîc adhuc militantis impero, ut deficiatis in vobisipsis, ac decrescatis, quatenus reliquæ de vobis nullæ reperiuntur, nisi ad gloriam Dei, & ad usum & salutem humanam conducibiles. Quod præstare dignetur qui venturus est judicare vivos & mortuos, & sæculum per ignem, *Resp.* Amen.

Alius EXORCISMUS.

A Djuro vos, dæmones; per Deum Patrem omnipotentem, qui in deserto per quadraginta annos satiavit filios Israë! manna, & ex petra aquam eduxit eis ad bibendum, ut statim ab his agris, campis, vineis, pratis, hortis, aquis, omne quod noxium est amoveatis. Adjuro etiam vos animalia, & quæcumque per maleficium diaboli noxia estis hominibus & bonis eorum, per Deum Patrem omnipotentem, & per Filium ejus, & per Spiritum sanctum Paraclitum, ut hinc discedatis, & nocere desinatis graminibus, frugibus, piscibus [*exprimantur quæ nocumentum patiuntur*] & dissipemini, & omnis virtus & potestas nocendi vobis adimatur, & interimat vos dextera Dei omnipotentis per invocationem nominis sui, & per passionem & mortem Iesu Christi Filij sui, & per merita beatissimæ Virginis Mariæ, & omnium Sanctorum & Sanctarum cælestis curiæ. Amen.

Concludat Exorcista sequenti Oratione.

Omnipotens sempiterne Deus, remunerator omnium bonorum, & poenitentium peccatorum maximus miserator: in cuius nomine omnia genua flectuntur, cælestium, terrestrium, infernorum: concede nobis propitius, ut quod de gratia & misericordia tua confisimur, per eandem gratiam & virtutem tuam efficacem consequatur effectum; ut per tuam clementiam ab hac peste liberati, maiestati tuæ congruas gratiarum referamus actiones. Per Christum Dominum nostrum. *Resp. Amen.*

Oratio propria super aquas infectas,

Domine Jesu Christe, qui Jordanis flumen benedixisti, & in eodem baptizatus aquas mundasti, ut elementum salubre efficerentur in remissionem peccatorum: has quoque aquas benedicere, sanctificare, & purificare digneris, ut nihil in iis noxium, nihil pestilens remaneat, nihil inficiens aut corrumpens; sed munda omnia efficiantur & salubria, quatenus quæ ad usum humanum ex iis vel in iis creata sunt, cum promotione gloriæ tuæ, vitæque nostræ & sanitatis sumantur. Qui vivis & regnas cum Deo Patre in unitate Spiritus sancti Deus, per Omnia sæcula sæculorum. *Resp. Amen.*

Deinde asperget ut supra Aquam benedictam. Possunt etiam hinc inde poni & infigi palma benedicta ab Ecclesia.

Mo-

Modus discernendi APPARITIONES SPIRITUUM,
utrùm boni sint an mali; cum remediis &
Exorcismis contra spiritus malos infestantes
domos vel alia loca.



ET SI donum discernendi spiritus non sit omnium, sed peculiari gratiâ quibusdam concedatur; & negari non debeat, quin bonorum hominum spiritus singulari dispensatione Dei redire possint, & aliquando redeant, teste Scripturâ, quæ refert Samuelem apparuisse Sauli, teste item D. Gregorio in Dialogis; licet etiam de Angelorum apparitionibus multa in Scripturis habeantur: tamen cum eis malignorum spirituum fraudes optime sint notæ, & probè sciant, quantum nobis ab eorum insidiis periculi sit, nihil offendentur boni spiritus, si cautissimè nobis prospiciamus: & omnem insolitam apparitionem suspectam habeamus, ac proinde sicubi spiritum tumultuantem aut cientem terribiles strepitus audierimus, adversus eum tamquam demonem armemur, tantisper donec aliud certissimis documentis deprehendatur. Et in hunc usum accomodari possunt quæ de spirituum immundorum discretionem differit S. Antoninus apud Athanasium in Vita ipsius, potissimum à cap. 18. quod sic inchoatur: Nunc jam ceteras vobis dæmonum explicabo fallacias, &c.

In gratiam tamen eorum qui fortè carent libris necessariis, ex quibus hæc discere possent, subjunguntur hic aliquot regulæ, quibus discerni facile poterunt apparitiones bonorum & malorum spirituum.

Indicia mali spiritus sunt :

Primò, Si ad præsentiam vel usum rerum sacrarum diffugiat, nimirum signi Crucis, Aquæ benedictæ, nominis JESU, B. Virginis, aut alicujus Sancti, sacrarum Reliquiarum, Agni Dei, cerei benedicti, stola sacra, & similium quibus Ecclesia uti consuevit contra diabolicas fraudes. Item si hæc improbet aut dissuadeat.

Secundò, Si falsam vel pravam suæ apparitioni prætendat causam.

Tertiò, Si aliqua dicat contra Fidem & Ecclesiæ doctrinam, vel suadeat aliquid quod sit à moribus Sanctorum alienum.

Quartò, Si excitet mentem hominis ad superbiam, ad vanam gloriam, ad præsumptionem animi, ad desperationem, vel ad alium minus ordinatum effectum.

Quintò, Si rem non patitur tractari cum superiore, vel Confessario.

Sextò, Si in forma tetra aut abjecta appareat, vel cum fœtore, tumultu, horrore, clade discedat.

Septimò, Si ubi semel præstitum est quod subsidij causâ petiit, rursus quaesitis aliis occasionibus frivolis redeat; anima enim, ubi satisfeceris, vel non redeunt, vel semel tantum ut gratias agant.

Octavò, Si blandè accedat, sed postea relinquat mœrorem, desolationem, turbationem animi, tenebras mentis; boni enim spiritus est illuminare, solari, & tranquillitatem animi adferre. Quod signum etiam habet

bet locum, & observandum, quando non statim se spiritus prodit, vel dicit quid cupiat. Hujusmodi tamen ordinariè pro malignis haberi possunt, qui non statim indicant quid velint; præsertim si turbent domum, aliaque faciant quæ tendunt ad nocendum hominibus. Animæ redeuntes & boni spiritus non volunt aut intèdunt hominibus nocumentum vel perturbationes inferre.

Advertant tamen sedulo curam animarum gerentes ad fallacias & technas demonum, quomodo se soleant teste Apostolo transformare in Angelos lucis: proinde etiam si initio se prodant, ut spiritus boni solent, inquirent de secunda, tertia, & sequentibus apparitionibus, & facile deprehendent fraudem; non enim diu possunt lupi se tegere sub ovina pelle.

Si autem post diligentem indagationem apparitio maneat dubia, an sit à bono an à malo spiritu, adhibeant remedia & Exorcismos Ecclesiæ, eosq; per preces rogant ad se manifestandos.

EXORCISMUS domus à malis spiritibus vexatæ.

Sacerdos indutus superpelliceo & stolâ dicit: In nomine Patris ☩, & Filij ☩, & Spiritus ☩ sancti Amen. deinde flexis genibus Hymnum, Veni creator Spiritus, &c. Vers. Exurge Christe, adjuva nos. Resp. Et libera nos propter nomen tuum. Vers. Adjutorium nostrum in nomine Domini. Resp. Qui fecit cælum & terram. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Oremus.

Actiones nostras , quæsumus Domine , aspirando præveni , & adjuvando prosequere : ut cuncta nostra oratio & operatio à te semper incipiat , & per te cœpta finiatur. Per Christum Dominum nostrum. *Resp. Amen.*

Oremus.

Respice , quæsumus Domine , super hanc familiam tuam , pro qua Dominus noster Iesus Christus non dubitavit manibus tradi nocentium , & crucis subire tormentum. Qui tecum vivit & regnat in unitate Spiritus , &c. *Resp. Amen.*

Oremus.

Defende , quæsumus Domine , beatâ Mariâ semper Virgine intercedente cum omnibus Sanctis tuis , istam ab omni adversitate familiam : & toto corde tibi prostratam , ab hostium propitius tuere clementer insidiis. Per Christum Dominum nostrum. *Resp. Amen.*

Oremus.

Omnipotens sempiterne Deus , qui Sacerdotibus tuis tantam gratiam contulisti , ut quidquid in tuo nomine dignè perfecteque ab eis agitur , à te fieri credatur ; quæsumus immensam clementiam tuam , ut quod modò visitaturi sumus , visites : & quidquid benedicturi , benedicās : & ad ea quæ acturi sumus , dexteram tuæ potentiae extendas : sintque ad nostræ

stræ humilitatis introitum (Sanctorum tuorum meritis) fuga dæmonum, & Angeli pacis ingressus. Per Christum. *Resp. Amen.*

Oremus.

Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, & omnium benè viventium: Deus & Pater Domini nostri Jesu Christi, te invoco, & nomen sanctum tuum, ac præclaræ Majestatis tuæ clementiam supplex deosco, ut mihi auxilium præstare digneris adversum nequissimum spiritum, ut ubicumque sit, audito nomine tuo velociter exeat & recedat. Per Christum Dominum nostrum. *Resp. Amen.*

A D I U R A T I O.

Adjuro te serpens antique, per Judicem vivorum & mortuorum, per Factorem mundi, qui habet potestatem mittere te in gehennam, ut ab hac domo festinus discedas. Ipse tibi imperat maledicte diabole, qui ventis ac mari & tempestatibus imperavit. Ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui te retrorsum abire præcepit. Audi ergo satana, & time, & victus & prostratus recede, adjuratus in nomine Domini nostri Jesu Christi: Qui venturus est judicare vivos & mortuos, & sæculum per ignem. *Resp. Amen.*

Q5

Deinde

Deinde Sacerdos incipiet quindecim Psalmos Graduales , qui sunt inter alios Psalmos magis proprij ad hanc materiam : legendoque aspergat Aquâ benedictâ domus loca , illa potissimum ubi fit major infestatio, ac primum inferiorem partem domus. Moneatque assistentes ut preces suas cum ipsius conjungant.

Psalmus 119.

AD Dominum cùm tribularer clamavi: & exaudivit me.

Domine libera animam meam à labijs iniquis, & à lingua dolosa.

Quid detur tibi , aut quid apponatur tibi, ad linguam dolosam?

Sagittæ potentis acutæ , cum carbonibus desolatoriis.

Heu mihi , quia incolatus meus prolongatus est: habitavi cum habitantibus Cedar: multum incola fuit anima mea.

Cum his qui oderunt pacem, eram pacificus: cùm loquebar illis , impugnabant me gratis. Gloria Patri.

Psalmus 120.

LEvavi oculos meos in montes : unde veniet auxilium mihi.

Auxilium meum à Domino, qui fecit cælum & terram.

Non

Non det in commotionem pedem tuum :
neque dormitet qui custodit te.

Ecce non dormitabit , neque dormiet , qui
custodit Israël.

Dominus custodit te , Dominus protectio
tua , super manum dexteram tuam.

Per diem sol non uret te , neque luna per
noctem.

Dominus custodit te ab omni malo : custo-
diat animam tuam Dominus.

Dominus custodiat introitum tuum , & exi-
tum tuum ; ex hoc nunc , & usque in sæculum.
Gloria Patri.

Psalms 121.

LÆtatus sum in his , quæ dicta sunt mihi :
in domum Domini ibimus.

Stantes erant pedes nostri , in atrijs tuis Ieru-
salem.

Ierusalem , quæ ædificatur ut civitas : cujus
participatio ejus in idipsum.

Illuc enim ascenderunt tribus , tribus Do-
mini , testimonium Israël ad confitendum no-
mini Domini.

Quia illic federunt sedes in judicio , sedes su-
per domum David.

Rogate quæ ad pacem sunt Ierusalem : & a-
bundantia diligentibus te.

Fiat pax in virtute tua : & abundantia in tur-
ribus tuis.

Pro-

Propter fratres meos, & proximos meos loquebatur pacem de te :

Propter domum Domini Dei nostri, quæsiui bona tibi.

Gloria Patri, & Filio, &c.

Psalms 122.

AD te levavi oculos meos, qui habitas in cælis.

Ecce sicut oculi servorum, in manibus dominorum suorum.

Sicut oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri.

Miserere nostri Domine, miserere nostri: quia multum repleti sumus despectione:

Quia multum repleta est anima nostra: opprobrium abundantibus, & despectio superbis.

Gloria Patri. &c.

Psalms 123.

Nisi quia Dominus erat in nobis, dicat nunc Israël: nisi quia Dominus erat in nobis.

Cum exurgerent homines in nos, fortè vivos deglutissent nos:

Cum irasceretur furor eorum in nos, forsitan aqua absorbuisset nos.

Torrentem pertransiuit anima nostra: forsitan pertransisset anima nostra aquam intolerabilem.

Bene-

Benedictus Dominus , qui non dedit nos in
captionem dentibus eorum.

Anima nostra sicut passer erepta est de laqueo
venantium.

Laqueus contritus est : & nos liberati sumus.

Adjutorium nostrum in nomine Domini,
qui fecit cælum & terram.

Gloria Patri , & Filio , & Spiritui Sancto.

Sicut erat in principio , & nunc , & semper ;
& in sæcula sæculorum , Amen.

Quibus finitis, dicit Kyrie eleison. Christe elei-
son. Kyrie eleison. Pater noster. Vers. Et ne
nos inducas in tentationem. Resp. Sed libera nos
à malo. Vers. Domine exaudi orationem meam.
Resp. Et clamor meus ad te veniat. Vers. Domi-
nus vobiscum. Resp. Et cum spiritu tuo.

Oremus.

Domum tuam Domine clementer ingrede-
re , & in tuorum cordibus fidelium perpe-
tuam tibi construe mansionem : & præsta , ut in
hac domo nulla malignorum spirituum domi-
netur nequitia. Per Christum Dominum no-
strum. *Resp. Amen.*

Deinde dicuntur alij quinque Psalmi, etiam asper-
gendo loca domus.

Psalmus 124.

Qui confidunt in Domino , sicut mons
Sion : non commovebitur in æternum,
qui habitat in Ierusalem.

Montes

Montes in circuitu ejus : & Dominus in circuitu populi sui , ex hoc nunc & usque in sæculum.

Quia non relinquet Dominus virgam peccatorum super sortem justorum : ut non extendant justi ad iniquitatem manus suas.

Benefac Domine bonis , & rectis corde.

Declinantes autem in obligationes , adducet Dominus cum operantibus iniquitatem : pax super Israël. Gloria Patri.

Psalms 125.

IN convertendo Dominus captivitatem Sion : facti sumus sicut consolati :

Tunc repletum est gaudio os nostrum : & lingua nostra exultatione.

Tunc dicent inter gentes : Magnificavit Dominus facere cum eis.

Magnificavit Dominus facere nobiscum : facti sumus lætantes.

Converte Domine captivitatem nostram , sicut torrens in Austro.

Qui seminant in lacrymis , in exultatione metent.

Euntes ibant & flebant , mittentes semina sua ,
Venientes autem venient cum exultatione ,
portantes manipulos suos.

Gloria Patri , & Filio.

Psalmus 126.

Nisi Dominus ædificaverit domum, in
vanum laboraverunt qui ædificant eam.

Nisi Dominus custodierit civitatem, frustra
vigilat qui custodit eam.

Vanum est vobis ante lucem surgere: surgite
postquam sederitis, qui manducatis panem
doloris.

Cum dederit dilectis suis somnum: ecce he-
reditas Domini, filij; merces, fructus ventris.

Sicut sagittæ in manu potentis: ita filij ex-
cussorum.

Beatus vir, qui implevit desiderium suum
ex ipsis: non confundetur cum loquetur inimi-
cis suis in porta.

Gloria Patri.

Psalmus. 127.

BEati omnes qui timent Dominum, qui
ambulant in vijs ejus.

Labores manuum tuarum quia manduca-
bis: beatus es, & benè tibi erit.

Uxor tua sicut vitis abundans, in lateribus
domus tuæ.

Filij tui sicut novellæ olivarum, in circuitu
mensæ tuæ.

Ecce sic benedicetur homo, qui timet Do-
minum.

Bene-

Benedicat tibi Dominus ex Sion : & videas bona Ierusalem omnibus diebus vitæ tuæ.

Et videas filios filiorum tuorum , pacem super Israël. Gloria Patri.

Psalmus 128.

Sæpè expugnaverunt me à juventute mea , dicat nunc Israël.

Sæpè expugnaverunt me à juventute mea : etenim non potuerunt mihi.

Supra dorsum meum fabricaverunt peccatores : prolongaverunt iniquitatem suam.

Dominus iustus concidit cervices peccatorum : confundantur & convertantur retrorsum omnes qui oderunt Sion.

Fiant sicut fœnum tectorum : quod priusquam evellatur, exaruit :

De quo non implevit manum suam qui metit, & sinum suum qui manipulos colligit.

Et non dixerunt qui præteribant: Benedictio Domini super vos : benediximus vobis in nomine Domini.

Gloria Patri , & Filio, & Spiritui sancto.

Sicut erat in principio, & nunc, & semper, & in sæcula sæculorum , Amen.

Statim dicit Kyrie eleïson. *Christe eleïson.* Kyrie eleïson. *Pater noster.* *Vers.* Et ne nos inducas in tentationem. *Resp.* Sed libera nos à malo. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Ore-

Oremus.

OMnipotens sempiterne Deus, qui in omni loco dominationis tuæ totus assisitis, totus operaris; adesto supplicationibus nostris, ut hujus domus sis protector, & nulla hinc nequitia contrariæ potestatis obsistat: sed (virtute Spiritus sancti & operatione) fiat tibi hinc purum servitium, & devota libertas existat. Per Christum Dominum nostrum. *Resp.* Amen.

Postea dicuntur alij quinque Psalmi Graduales, aspergendo, ut supra, loca domus Aquâ benedictâ.

Psalmus 129.

DE profundis clamavi ad te Domine: Domine exaudi vocem meam:

Fiant aures tuæ intendentes, in vocem deprecationis meæ.

Si iniquitates observaveris Domine: Domine quis sustinebit?

Quia apud te propitiatio est; & propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem, speret Israël in Domino.

Quia apud Dominum misericordia: & copiosa apud eum redemptio.

Et ipse redimet Israël, ex omnibus iniquitatibus ejus.

Gloria Patri, & Filio.

R

Psal-

Psalms 130.

Domine, non est exaltatum cor meum :
neque elati sunt oculi mei.

Neque ambulavi in magnis, neque in mirabilibus super me.

Si non humiliter sentiebam : sed exaltavi animam meam :

Sicut ablactatus est super matre sua; ita retributio in anima mea.

Speret Israël in Domino, ex hoc nunc & usque in sæculum.

Gloria Patri, & Filio.

Psalms 131.

Memento Domine David, & omnis mansuetudinis ejus :

Sicut juravit Domino, votum vovit Deo Jacob :

Si introiero in tabernaculum domus meæ, si ascendero in lectum strati mei.

Si dederō somnum oculis meis, & palpebris meis dormitationem.

Et requiem temporibus meis : donec inveniam locum Domino tabernaculum Deo Jacob.

Ecce audivimus eam in Ephrata : invenimus eam in campis silvæ.

Introibimus in tabernaculum ejus : adorabimus in loco, ubi steterunt pedes ejus.

Surge Domine in requiem tuam, tu & arca sanctificationis tuæ.

Sacer-

Sacerdotes tui induantur justitiam : & sancti tui exultent.

Propter David servum tuum, non avertas faciem Christi tui.

Iuravit Dominus David veritatem, & non frustrabitur eam : De fructu ventris tui ponam super sedem tuam.

Si custodierint filij tui testamentum meum, & testimonia mea hæc, quæ docebo eos.

Et filij eorum usque in sæculum, sedebunt super sedem tuam.

Quoniam elegit Dominus Sion : elegit eam in habitationem sibi.

Hæc requies mea in sæculum sæculi : hîc habitabo, quoniam elegi eam.

Viduam ejus benedicens benedicam : pauperes ejus saturabo panibus.

Sacerdotes ejus induam salutari : & sancti ejus exultatione exultabunt.

Illuc producam cornu David : paravi lucernam Christo meo.

Inimicos ejus induam confusione : super ipsum autem effloreat sanctificatio mea.

Gloria Patri.

Psalms 132.

ECce quàm bonum, & quàm jocundum ; habitare fratres in unum :

Sicut unguentum in capite, quod descendit in barbam, barbam Aaron.

R 2

Quo-

Quod descendit in oram vestimenti ejus: sicut
ros Hermon, qui descendit in montem Sion.

Quoniam illic mandavit Dominus benedictionem, & vitam usque in sæculum.

Gloria Patri, & Filio.

Psalmus 133.

Ecce nunc benedicite Dominum, omnes
fervi Domini:

Qui statis in domo Domini, in atrijs domus
Dei nostri.

In noctibus extollite manus vestras in sancta,
& benedicite Dominum.

Benedicat te Dominus ex Sion, qui fecit cælum & terram.

Gloria Patri, & Filio.

*Quibus finitis, dicit Kyrie eleison. Christe elei-
son. Kyrie eleison. Pater noster. Vers. Et ne nos
inducas in tentationem. Resp. Sed libera nos à
malo. Vers. Domine exaudi orationem meam.
Resp. Et clamor meus ad te veniat. Vers. Dominus
vobiscum. Resp. Et cum spiritu tuo.*

Oremus.

Deus qui in omni loco dominationis tuæ
custos & protector assistis, exaudi nos
quæsumus; ut inviolabilis hujus domus per-
maneat benedictio; & beneficia tui muneris,
universitas quæ supplicat, mereatur. Per Chri-
stum Dominum nostrum. *Resp. Amen.*


Postea

Posteà in principali loco domus legat sequens Evangelium. Vers. Dominus vobiscum. Resp. Et cum spiritu tuo.

Sequentia sancti Evangelij secundum Lucam.

Luce 19.


IN illo tempore : Ingressus Iesus perambulabat Iericho. Et ecce vir nomine Zacchæus : & hic erat princeps Publicanorum , & ipse dives. Et quærebat videre Jesum , quis esset : & non poterat præ turba , quia staturâ pusillus erat. Et præcurrens ascendit in arborem sycomorum , ut videret eum : quia inde erat transiturus. Et cum venisset ad locum , suspiciens Iesus vidit illum , & dixit ad eum : Zacchæe festinans descende : quia hodie in domo tua oportet me manere. Et festinans descendit : & excepit illum gaudens. Et cum viderent omnes , murmurabant , dicentes , quòd ad hominem peccatorem divertisset. Stans autem Zacchæus , dixit ad Jesum : Ecce dimidium bonorum meorum , Domine , do pauperibus : & si quid aliquem defraudavi , reddo quadruplum. Ait Iesus ad eum : Quia hodie salus domui huic facta est , eò quòd & ipse sit filius Abraham. Venit enim Filius hominis quærere , & salvum facere , quod perierat. *Resp. Laus tibi Christe.*

Deinde benedicitur incensum hoc modo : Per intercessionem beati Michaëlis Archangeli stantis à dextris altaris incensi , & omnium electorum suorum , incensum istud dignetur Dominus bene  dicere , & in odorem suavitatis accipere. Per Christum Dominum nostrum. Resp. Amen.

Postea Sacerdos ponat incensum super ignem, & incenset domum, dicens : Incensum istud à te benedictum ascendat ad te Domine , & descendat super nos misericordia tua. Vers. Dominus vobiscum. Resp. Et cum spiritu tuo.

Oremus.

Visita , quæsumus Domine , habitationem istam, & omnes insidias inimici ab ea longè repelle : Angeli tui sancti habitent in ea , qui nos in pace custodiant : & benedictio tua sit super nos semper. Per Dominum nostrum Iesum Christum. Resp. Amen.

Postea domum & habitatores ejus benedicat , dicens ; Benedictio Dei omnipotentis Pa^{tr}is , & Fi^{li}j , & Spiritus  sancti , descendat super hanc domum , & omnes habitantes in ea , & maneat semper. Resp. Amen.

Et aspergat Aquâ benedictâ.

Alia

Alia formula benedicendi domum infestatam
à malignis spiritibus.

*Sacerdos vocatur ad domum aliquam bene-
dicendam , in ipso itinere dicat :*

^aDomine deduc me in iustitia tua: propter
inimicos meos dirige in conspectu tuo
viam meam.

^bRespice in servos tuos , & in opera tua : &
dirige filios eorum N.

Et sit splendor Domini Dei nostri super nos,
& opera manuum nostrarum dirige super nos :
& opus manuum nostrarum dirige.

*In ingressu domus dicat : c Pax huic domui. De-
inde ad inhabitantes : Pax vobis à Deo Patre no-
stro, & Domino Jesu Christo. Illisque faciet bre-
vem exhortatiunculam linguâ maternâ de infra scrip-
tis rebus vel aliis pro data opportunitate.*

*Primò , Vt doleant de peccatis præteritis , & propo-
nant emendationem.*

*Secundò , Vt satisfaciant proximo, si quoquo modo
offenderint.*

*Tertiò , Vt remittant injuriam & offensam , & pro
offensoribus orent , ut tantò citiùs exaudiantur à Deo
Opt. Max.*

*Deinde surgens si non habeat Aquam benedictam
ad manum , benedicet illam per formulam benedicen-
di infra positam folio 271. illaque asperget totam
domum legendo sequentia.*

R 4

Asper-

Asperges me Domine hyssopo, & mundabor: lavabis me, & super nivem dealbabor. *Prosequetur totum Psalmum Miserere mei Deus. fol. 98. in fine repetet, Asperges me Domine, &c. & sic repetendo, donec perfecerit asperfusionem, reversus ad locum unde incepit, dicat Vers. Adjutorium nostrum in nomine Domini. Resp. Qui fecit cælum & terram. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.*

Oremus.

EXaudi nos, Domine sancte, Pater omnipotens, æterne Deus: & mittere digneris sanctum Angelum tuum de cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. *Resp. Amen.*

Oremus.

TE Deum Patrem omnipotentem suppliciter exoramus pro hac domo, & pro ejus habitatoribus, ac rebus, ut eam benedicere, & sanctificare, ac bonis omnibus augere digneris, sicut benedicere dignatus es domum Abraham, Isaac, & Jacob. Tribue illis Domine de rore cœli abundantiam, & de pinguedine terræ vitæ subsidium, & desideria cordis eorum ad effectum tuæ miserationis perducas, & intra domum istam Angeli tuæ lucis inhabitent, camque

eamque & ejus habitatores custodiant. Per Christum Dominum nostrum. *Resp.* Amen.

Postea benedicat incensum per benedictionem qua habetur infra, folio 284. & sicut prius incenset totam domum, vel præcipuas ejus partes, legendo sequentia:

Imponendo thus benedictum in thuribulo: Incensum istud à te benedictum ascendat ad te Domine, & descendat super nos misericordia tua.

Incensando: Dirigatur Domine oratio mea, sicut incensum in conspectu tuo.

Reversus ad locum unde inceperat, dicat Vers. Adjutorium nostrum in nomine Domini. Resp. Qui fecit cælum & terram. Vers. Dominus vobiscum. Resp. Et cum spiritu tuo.

Oremus.

Visita, quæsumus Domine, habitationem istam, & omnes insidias inimici ab ea longè repelle; Angeli tui sancti habitent in ea, qui nos in pace custodiant, & benedictio tua sit super nos & eam semper. Per Christum Dominum nostrum. *Resp.* Amen.

Oremus.

Domine Deus omnipotens, cui astat exercitus Angelorum cum tremore, quorum servitium spirituale & igneum esse cognoscitur; dignare respicere & benedicere habitationem istam, ut omnes languores, omnesque infirmitates, cunctæque insidiæ inimici,

R 5

odorem

odorem huius incensi sentientes; effugiant & separentur à plasmatis tuis, & ab eorum habitatione, ut numquam lædantur à morfu antiqui serpentis pretioso Filij tui Sanguine redempta. Qui tecum vivit & regnat in unitate Spiritus sancti Deus, per omnia sæcula sæculorum.
Resp. Amen.

Deinde ponet Crucifixi imaginem in principali loco domus, in mensa tecta mappâ inter duos accensos cereos benedictos, si haberi possint.

Adorans Crucem flexis genibus dicat: Adoramus te Christe, & benedicimus tibi, quia per Crucem tuam redemisti mundum. Vers. Omnis terra adoret te Deus, & psallat tibi. Resp. Psalmum dicat nomini tuo Domine.

Oremus.

A Desto nobis Domine Deus noster, & quos sanctæ Crucis lætari facis honore, eos quoque perpetuis defende subsidis. Per Dominum nostrum, &c. *Resp. Amen.*

Oremus.

D Deus, qui crucis patibulum, quod prius erat sceleratis ad pœnam, convertisti redemptis ad vitam: concede plebi tuæ ejus valari præsidio, cujus est armata vexillo. Sit ei Crux fidei fundamentum, spei suffragium, in adversis defensio, in prosperis adjuvamen: sit ei in hostes victoria, in civitate custodia, in campis protectio, in domo tutela contra sæva jacula inimicorum. Per eundem Dominum, &c.
Resp. Amen.

Sut-

Surgens Exorcista ab oratione , stans leget sequentia.

Lectio libri Regum. 2.Reg. 6.

Habitavit arca Domini in domo Obedom Gethæi tribus mensibus, & benedixit Dominus Obedom, & omnem domum ejus. Nuntiatumque est regi David quod benedixisset Dominus Obedom, & omnia ejus propter arcam Dei. Dixitque David: Ibo & reducam arcam cum benedictione in domum meam. Tu autem Domine miserere nostri.
Resp. Deo gratias.

E X O R C I S M U S.

EXorcizo te, immundissime spiritus, omnisque incurfio satanæ, In nomine Patris ✠, & Filij ✠, & Spiritus ✠ sancti, ut recedas ab his locis habitationis & quietis fidelium, nec deinceps quidquam molestiæ aut infestationis inferre audeas adjuratus. Sanctus Angelus Raphaël, qui te repressit à Tobia & Sara, te etiam disperdat de domo & loco isto, de angulis, lectis, & universis locis in quibuscumque famulantes Deo habitant & quiescunt, dormiunt & vigilant aut consistunt; nec audeas maligne spiritus & immunde inquietare, aut molestias vel maleficia suscitare contra eos, qui sancti Chris-matis unctione sunt muniti. Per eum qui venturus est judicare vivos & mortuos, & sæculum per ignem. *Resp. Amen.*

Postea

Postea aspergat Aquam benedictam : quod fiet post singulos Exorcismos.

Alius EXORCISMUS.

EXorcizo te , dæmon , & adjuro te per Deum vivum ✠ , per Deum verum ✠ , per Deum sanctum ✠ , ut ex eas atque recedas de loco isto , nec umquam revertaris , nec habitantibus in eo aut homini aut bruto pavores immittas , aut quodcumque maleficium inferas , per eum qui te vicit & superavit in patibulo crucis . & potestatem tuam ligavit , qui cum Deo Patre & Spiritu sancto vivit & regnat , per omnia sæcula sæculorum. *Resp. Amen.*

Alius EXORCISMUS.

OMnipotens Deus , qui est rerum omnium creator , custosque fidelium , clementer respicere dignetur ad nostræ fragilitatis ministerium , ut ad introitum nostrum per benedictissimi & tremendi nominis Jesu invocationem , in quo flectitur omne genu , cælestium , terrestrium , & infernorum , mundetur , benedicatur , & sanctificetur habitatio ista cum locis adjacentibus , discedat omne phantasma & nequitia ac versutia diabolicæ fraudis , omnisque spiritus immundus ; & si quid est quod incolumitati inhabitantium invidet aut quieti , nostræ humilitatis suffragiis effugiat , per intercessionem totius cælestis exercitus , Apostolorum ,
Mar.

Martyrum, & omnium Sanctorum, quorum
præsentia & assistentia iuffulti, in nomine Sal-
vatoris nostri Jesu Christi adjuramus & urge-
mus hinc discedere per signum sanctæ Crucis
✠ immundum spiritum; præcipimusque ut
in posterum cesset omnis infestatio ejus, &
cunctæ ejus præstigie & phantasmata eradi-
centur, terrorque venenosi serpentis procul
pellatur, per eum qui venturus est judicare
vivos & mortuos, & sæculum per ignem.
Resp. Amen.

EXPROBRATIO.

TIme judicia Dei, maledicte dæmon, ex-
pavesce iram omnipotentis, perspice ini-
quitates tuas quibus graviter deliquisti: & ve-
rum bonum neglexisti: da locum voluntati
Dei, qui tibi jubeat ut statim recedas ab hac
domo, quam temerè invadere & molestare
præsumpsisti, & habitatores ejus inquietare.
Quapropter adjuro te per Deum omnipoten-
tem, qui cuncta ex nihilo creavit, & super-
biam tuam fregit, per Jesum Christum Do-
minum nostrum, qui est spes nostra & salus
æterna, qui facit bonitatem cum servis suis
secundum multitudinem misericordiæ suæ,
qui expansis in cruce manibus & nudo cor-
pore, pro peccatis nostris Deo Patri sponte se
totum obtulit, cujus passionis merita & vir-
tus nobis cesserunt ad gloriam, tibi verò in
con-

confusionem ; ut recedas à loco isto , & habitatoribus ejus , intelligens & sentiens vires tibi fractas , & dominationem , quam antea tyrannicè in genus humanum exercueras , tibi ademptam. Ergo humiliare sub manu Altissimi, qui ab Ecclesia sua , quidquid est noxium, suâ virtute depellit ; & quod salutare est , eidem largitur : qui suos fideles contra insidias vestras potenter defendit , & suâ , quæ non potest falli , gubernatione conservat. Quod & nobis concedat Pater ✠ , & Filius ✠ , & Spiritus ✠ sanctus. *Resp. Amen.*

Aspergat Aquâ benedictâ , & benedicat domum cum habitatoribus , dicendo ; Benedictio Dei omnipotentis Patris ✠ , & Filij ✠ , & Spiritus ✠ sancti descendat super vos , & super domum vestram , & maneat semper. Resp. Amen.

Possunt hujusmodi Exorcismi cum ceteris repeti , si non cesset infestatio , aliquoties in septimanâ , quoties & quamdiu prudenti Exorcistâ videbitur. Si brevioris Exorcismi desideret , sumat ex prædictis devotioni suæ magis accommodata.

Formulæ benedicendi tam comestibilia quàm alia quibus utuntur energumeni vel maleficiati : desumptæ ex Pontificali, Missali, & Rituali Romano, & ex Scriptura sacra.



UANDOQUIDEM (ut sæpius dictum est) valdè utile & expediens sit energumenis vel maleficiatis uti rebus Ecclesiæ precibus benedictis, ut Aquâ benedictâ, pane, sale benedicto, aliisque cibis benedictis, & ut medicina ab eisdem sumenda benedicantur, juxta doctrinam Apostoli dicentis, omnem creaturam bonam esse, & sanctificari per verbum Dei & orationem : hîc subjunguntur variæ formulæ benedictionum, quas prudens Exorcista facîle poterit accommodare aliis rebus hîc non expressis, mutatis mutandis : ut hac ratione etiam excludantur formularia à temerariis quibusdam excogitata, multis superstitionibus admixtis. Et licet reperiantur fortè apud aliquos Auctores bona, non sapientia superstitionem; nihil ominùs expedit illas Benedictiones & Preces retineri, quæ ab Ecclesiâ in usum receptæ sunt, à veteribus usitatæ, vel proximè ad eas accedunt; eò quòd hujusmodi efficaciores sunt & majoris meriti apud Deum quàm privatorum. Proinde Sacerdotes & Exorcistæ his solis utentur : imò aliis uti non permittuntur, ne contingat malo delectu admitti quid minùs idoneum.

Ordo ad faciendam AQUAM BENEDICTAM.

Vers. Adjutorium nostrum in nomine Domini.
Resp. Qui fecit cælum & terram.

Deinde

Deinde absolute incipit Exorcismum salis.

EXorcizo te , creatura salis , per Deum ✠ vivum , per Deum ✠ verum , per Deum ✠ sanctum : per Deum , qui te per Eliseum Prophetam in aquam mitti iussit , ut sanaretur sterilitas aquæ : ut efficiaris sal exorcizatum in salutem credentium : & sis omnibus sumentibus te sanitas animæ & corporis : & effugiat atque discedat à loco , in quo aspersum fueris , omnis phantasia & nequitia vel versutia diabolicæ fraudis , omnisque spiritus immundus adjuratus , per eum qui venturus est judicare vivos & mortuos , & sæculum per ignem. *Resp. Amen.*

Oremus.

Immensam clementiam tuam , omnipotens æterne Deus , humiliter imploramus : ut hanc creaturam salis , quam in usum generis humani tribuisti , bene ✠ dicere , & sancti ✠ ficare tuâ pietate digneris : ut sit omnibus sumentibus salus mentis & corporis : & quidquid ex eo tactum vel respersum fuerit , careat omni immunditiâ , omni que impugnatione spiritualis nequitiae. Per Dominum nostrum. *Resp. Amen.*

Exorcismus aquæ : & dicitur absolute :

EXorcizo te creatura aquæ in nomine Dei ✠ Patris omnipotentis , & in nomine Iesu ✠ Christi Filij eius Domini nostri , & in virtute Spiritus ✠ sancti : ut fias aqua exorcizata ad effu-

effugandam omnem potestatem inimici, & ipsum inimicum eradicare & explantare valeas cum angelis suis apostolicis: per virtutem eiusdem Domini nostri Jesu Christi: qui venturus est judicare vivos & mortuos, & sæculum per ignem. *Resp. Amen. Oremus.*

DEus, qui ad salutem humani generis maxima quæque sacramenta in aquarum substantia condidisti: adesto propitius invocationibus nostris, & elemento huic multimodis purificationibus præparato virtutem tuæ benedictionis infunde: ut creatura tua mysteriis tuis serviens, ad abigendos dæmones, morbosque pellendos, divinæ gratiæ sumat effectum: ut quidquid in domibus vel in locis fidelium hæc unda resperferit, careat omni immunditiâ, liberetur à noxa: non illic resideat spiritus pestilens, non aura corrumpens: discedant omnes insidiæ latentis inimici: & si quid est, quod aut incolumitati habitantium invidet, aut quieti, aspersione hujus aquæ effugiat: ut salubritas per invocationem sancti tui nominis expetita, ab omnibus sit impugnationibus defensa. *Per Dominum.*

Hic ter mittat sal in Aquam in modum Crucis, dicendo semel.

Commixtio salis & aquæ pariter fiat, In nomine Patris, & Filij, & Spiritus sancti. *Resp. Amen. Vers. Dominus vobiscum. Resp. Et cum spiritu tuo.*

S

Ore-

Oremus.

DEus invictæ virtutis auctor, & insuperabilis imperij Rex, ac semper magnificus triumphator, qui adversæ dominationis vires reprimis: qui inimici rugientis sævitiam superas: qui hostiles nequitias potenter expugnas: te Domine trementes & supplices deprecamur, ac petimus; ut hanc creaturam salis & aquæ dignanter aspicias, benignus illustres, pietatis tuæ rore sanctifices: ut ubicumque fuerit aspersa, per invocationem sancti nominis tui, omnis infestatio immundi spiritus abigatur: terrorque venenosi serpentis procul pellatur: & præsentia sancti Spiritus nobis misericordiam tuam poscentibus, ubique adesse dignetur. Per Dominum, in unitate ejusdem Spiritus sancti.

Benedictio S A L I S.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Oremus.

Domine Deus, Pater omnipotens, qui hanc gratiam cælitus salis tribuere dignatus es, ut ex illo possint universa condiri, quæ hominibus ad escam procreasti, benedic hanc creaturam salis ad effundendum inimicum, & ei salubrem medicinam immitte, ut proficiat sumentibus

tibus ad animæ & corporis sanitatem. *Per Christum Dominum nostrum. Resp. Amen.*

Et aspergat Aquâ benedictâ.

Benedictio PANIS.

Vers. Adjutorium nostrum in nomine Domini. Resp. Qui fecit cælum & terram. Vers. Dominus vobiscum. Resp. Et cum spiritu tuo.

Oremus.

Domine sancte, Pater omnipotens, æterne Deus, bene~~dicere~~ dicere digneris hunc panem tuâ sanctâ spiritali benedictione : ut sit omnibus sumentibus salus mentis & corporis, atque contra omnes morbos, & universas inimicorum insidias, tutamen. Per Dominum nostrum Iesum Christum Filium tuum, panem vivum, qui de cælo descendit, & dat vitam & salutem mundo : & tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

Aspergatur Aquâ benedictâ.

Benedictio AGNI & ALIARUM CARNIUM.

Vers. Adjutorium nostrum in nomine Domini. Resp. Qui fecit cælum & terram. Vers. Dominus vobiscum. Resp. Et cum spiritu tuo.

Oremus.

Deus, qui per famulum tuum Moysen in liberatione populi tui de Ægypto agnum

occidi iussisti in similitudinem Domini nostri Jesu Christi, & utrosque postes domorum de sanguine ejusdem agni perungi præcepisti: quique in priori Testamento carnes animalium in sacrificio offerri voluisti, & in cibum & refectiōnem hominibus concessisti: quæsumus ut hanc carnem benedicere & sanctificare digneris, quam famuli tui ad laudem tuam sumere desiderant, per resurrectionem ejusdem Domini nostri Jesu Christi: Qui tecum vivit & regnat in sæcula sæculorum. *Resp. Amen.*

Et mox aspergit Aquâ benedictâ.

Benedictio OVORUM.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo,

Oremus.

Superveniat, quæsumus Domine, tuæ benedictionis gratia huic ovorum creaturæ: ut cibus salubris fiat fidelibus tuis in gratiarum actione sumentibus, ob resurrectionem Domini nostri Jesu Christi. Qui tecum vivit & regnat in sæcula sæculorum. *Resp. Amen.*

Et aspergat Aquâ benedictâ.

Benedictio quorumcumque FRUCTUUM.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Ore.

Oremus.

Benedic Domine hos fructus : & præsta ;
ut qui ex eis in tuo sancto nomine vescen-
tur , corporis & animæ salute potiantur. Per
Christum Dominum nostrum. *Resp.* Amen.

Et aspergantur Aquâ benedictâ.

Benedictio ad quodcumque

COMESTIBILE.

Vers. Adjutorium nostrum in nomine Domi-
ni. *Resp.* Qui fecit cælum & terram. *Vers.* Do-
minus vobiscum. *Resp.* Et cum spiritu tuo.

Oremus.

Benedic Domine creaturam istam N. ut
sit remedium salutare generi humano : &
præsta per invocationem sancti nominis tui , ut
quicumque ex ea sumperint , corporis sanita-
tem , & animæ tutelam percipiant. Per Chri-
stum Dominum nostrum. *Resp.* Amen.

Aspergat Aquâ benedictâ.

Benedictio VINI, CEREVISIÆ, vel alte-
rius potabilis materiæ.

Vers. Adjutorium nostrum in nomine Domi-
ni. *Resp.* Qui fecit cælum & terram. *Vers.* Do-
minus vobiscum, *Resp.* Et cum spiritu tuo.

Oremus.

Domine Deus, Pater omnipotens, statutor omnium elementorum & fructuum, qui per Iesum Christum Filium tuum Dominum nostrum substantiam hanc in refocillationem sitis & corporum salutem esse voluisti; te supplices deprecamur, ut exauditis orationibus nostris, eam tuæ pietatis aspectu sancti*fic*es; atque ita omnium spirituum immundorum ab ea recedat incurio, ut quicumque ex ea sumpserit, ei gratia tuæ benedictionis adveniat, & mala omnia te propitiante ab eo procul recedant. Per eundem Dominum nostrum Iesum Christum Filium tuum, qui tecum vivit, &c.
Resp. Amen.

Et aspergat Aquâ benedictâ.

Alia Benedictio VINO propria.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Oremus.

Domine Jesu Christe, qui in Cana Galilææ ex aqua vinum fecisti, qui es vitis vera, multiplica super nos misericordiam tuam, & bene*dic*ere & sancti*fic*are digneris hanc creaturam vini, ut quicumque ex eo sumet, divinæ benedictionis tuæ opulentiâ repleatur & san-

& sanctificetur, & corporis sanitatem, & animæ tutelam percipiat. Qui cum Patre & Spiritu sancto vivis & regnas, &c. *Resp.* Amen.

Et aspergat Aquâ benedictâ.

Benedictio OLEI.

Verf. Adjutorium nostrum in nomine Domini. *Resp.* Qui fecit cælum & terram. *Verf.* Dominus vobiscum. *Resp.* Et cum spiritu tuo.

Oremus.

EMitte, quæsumus Domine, Spiritum sanctum tuum Paraclitum de cælis in hanc pinguedinem olivæ, quam de viridi ligno producere dignatus es ad refectiorem mentis & corporis, ut tuâ sanctâ benedictione sit omnibus hoc unguento cælestis medicinæ perunctis tutamen mentis & corporis, ad evacuandos omnes dolores, omnesque infirmitates, omnemque ægritudinem mentis & corporis, & si quo dillis adversantium spirituum adhæreat nocumentum, ad tactum & sumptionem sanctificati olei hujus abscedat, nullus spiritualibus nequitiis locus, nulla refugis virtutibus sit facultas, nulla insidiantibus malis latendi licentia relinquatur. Per Christum Dominum nostrum. *Resp.* Amen.

Benedictio quarumcumque MEDICINARUM.

Verf. Adjutorium nostrum in nomine Domini. *Resp.* Qui fecit cælum & terram. *Verf.* Dominus vobiscum. *Resp.* Et cum spiritu tuo.

Oremus.

Summe Deus, qui summa & media imaꝓue
 custodis, qui omnem creaturam intrinsecus
 ambiendo concludis, sanctiꝓficare, & beneꝓ-
 dicere digneris hanc medicinam, & beneꝓ-
 dictionem tuam super eam digneris effundere,
 ut per tuam sanctissimam virtutem, & copiossi-
 mam benedictionem, per signum sanctæ Cru-
 cis ꝓ impertitam, omnis virtus diabolica ab hac
 creatura, quæ hanc medicinam sumptura est,
 expellatur & annihiletur, tantamꝓue virtutem
 merito Passionis tuæ, & vivificæ Crucis ꝓ re-
 cipiat, ut omnes immundos spiritus incantatio-
 nes, ligaturas, signaturas, facturas, & omnia
 maleficia possit expellere & divertere à famulo
 tuo qui eā utetur, exhibeatꝓue ei plenum sani-
 tatis effectum. Per Dominum nostrum Jesum:
Ecce. Resp. Amen.

Oremus.

Benedico te, creatura medicinæ, in nomine
 altissimi Patris ꝓ, & Filij ꝓ, & Spiritus
 ꝓ sancti, qui te creavit pro tutela humani ge-
 neris. Et rogamus te Domine Deus noster, ut
 hæc creatura medicinæ famulo tuo, qui eā ute-
 tur, in nomine sanctæ Trinitatis efficiatur salu-
 tare remedium, sitꝓue perfecta medicina in vis-
 ceribus ejus. Qui in Trinitate perfecta vivis &
 regnas in sæcula sæculorum. *Resp. Amen.*

Deinde aspergat Aquâ benedictâ.

Bene-

Benedictio THALAMI.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Oremus.

Benedic, Domine, thalamum hunc: ut omnes habitantes in eo, in tua pace constant, & senescant, & multiplicentur in longitudinem dierum cum incolumitate mentis & corporis, & ad regna cælorum perveniant. Per Dominum nostrum. *Resp.* Amen.

Oremus.

Creator & conservator humani generis, dator gratiæ spiritualis, largitor æternæ salutis; tu Domine emitte benedictionem tuam super hunc thalamum, ut quicumque in eo requiescet, in virtute cælestis defensionis ad vitam æternam proficiat, & à suis languoribus & doloribus, omnibusque infidiis & machinationibus diaboli & ministrorum ejus liberetur. Per Dominum, &c. *Resp.* Amen.

Postea aspergat Aquâ benedictâ.

Benedictio CUBICULI.

Vers. Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Ore-

Oremus.

Benedic, Domine Deus omnipotens, locum istum, ut sit in eo sanitas, castitas, victoria, fortitudo, humilitas, bonitas, & mansuetudo, plenitudo legis, & gratiarum actio Deo Patri, & Filio, & Spiritui sancto: & hæc benedictio maneat super hunc locum, & super habitantes in eo, Angeli tuæ lucis eum inhabitent: eumque & ejus habitatores custodiant & defendant contra omnes insidias inimici; & si quæ adversa & contraria sunt ab eo in hoc loco machinata & fabricata, auctoritate majestatis tuæ expellant. Per Dominum, &c. Resp. Amen.

Oremus.

Propitiare, Domine, supplicationibus nostris, & benedic locum istum dexterâ tuâ sanctâ, & omnes qui in eo commorantur; illumque visitare, & inhabitantibus gratiam sanitatis impertiri digneris, sicut benedicere dignatus es cubiculo & domui, in quo exceptus fuit hospitio Propheta Eliseus, & sicut visitasti & sanasti socrum Petri. Mitte Domine sanctum Angelum tuum de cælis, qui liberet & defendat hunc locum ab imminentibus malis cum omnibus qui in eo commorantur, nullaque eos nequitia contrariæ potestatis infestet, sed virtute Spiritus sancti fiat hîc tibi debitum & de-

& devotâ libertate securum servitium. Per
Dominum nostrum, &c. *Resp.* Amen.

Deinde aspergat Aquâ benedictâ.

Benedictio IGNIIS quo cremabuntur signa
malefica inventa.

Vers. Adjutorium nostrum in nomine Domi-
ni. *Resp.* Qui fecit cælum & terram. *Vers.* Do-
minus vobiscum. *Resp.* Et cum spiritu tuo.

Oremus.

Domine Deus omnipotens, cui assistit exer-
citus Angelorum cum tremore, quorum
servitium spirituale & igneum esse cognoscitur,
dignare respicere, bene*✠*dicere & sanctificare
hanc creaturam ignis, ut eo combustis malefi-
cij signis, omnes languores, omnesque infir-
mitates atque insidiæ inimici effugiant & sepa-
rentur à plasmate tuo. Numquam lædatur à
morsu antiqui serpentis, quod pretioso San-
guine Filij tui redemisti. Qui tecum vivit &
regnat, &c. *Resp.* Amen.

Aspergat Aquâ benedictâ.

Benedictio THURIS seu INCENSI.

Vers. Adjutorium nostrum in nomine Domi-
ni. *Resp.* Qui fecit cælum & terram. *Vers.* Do-
minus vobiscum. *Resp.* Et cum spiritu tuo.

Oremus.

Per intercessionem beati Michaëlis Archan-
geli stantis à dextris altaris incensi, & om-
nium electorum suorum, incensum istud digne-
tur

tur Dominus benedicere, & in odorem suavitatis accipere. Sit, quæsumus Domine, famulis tuis prætioso Sanguine tuo redemptis defensio perpetua contra omnes spiritus malignos, & omnes incantationes, præstigia, & diabolicas vexationes: sit perpetua expulsio malignorum spirituum; & in quocumque loco odor hujus incensi fuerit, nullum maleficium, nullaque molestatio diabolica possit perdurare, sed statim tuâ immensâ potentiâ & virtute tollatur & abigatur per signum sanctæ Crucis ✝ tuæ. Qui vivis & regnas cum Deo Patre in unitate Spiritus Sancti Deus, per omnia sæcula sæculorum. *Resp. Amen.*

Oremus.

Domine Deus omnipotens, cui astat exercitus Angelorum cum tremore, dignare benedicere & sanctificare hanc creaturam incensi, ut omnes languores omnesque infirmitates atque insidiæ inimici, odorem incensi hujus sentientes fugiant procul, ut de cetero non audeant lædere, molestare, aut infestare creaturas tuas, aut loca habitationis earum. Per te Jesu Christe salvator mundi; qui vivis & regnas cum Deo Patre in unitate Spiritus sancti Deus, per omnia sæcula sæculorum. *Resp. Amen.*

Aspergat Aquâ benedictâ.

Sequentes generales Benedictiones & Exorcismi possunt etiam prædictis rebus applicari, si quando quis longiores inquirat, vel necessarias putat.

Bene-

Benedictiones ad quæcumque volueris assumenda in humanum usum per modum cibi, potus, vel medicinæ.

Sacerdos ut suprâ superpelliceo & stola indutus, vel saltem stola, dicat. *Vers.* Adjutorium nostrum in nomine Domini. *Resp.* Qui fecit cælum & terram. *Vers.* Benedicat nos Deus, Deus noster, benedicat nos Deus. *Resp.* Et metuant eum omnes fines terræ.

Lectio libri Genesis. *Gen. 1.*

Creavit Deus hominem ad imaginem suam; ad imaginem Dei creavit illum, masculum & feminam creavit eos. Benedixitque illis Deus, & ait: Crescite, & multiplicamini, & replete terram, & subicite eam, & dominamini piscibus maris, & volatilibus cæli, & universis animantibus quæ moventur super terram. Dixitque Deus: Ecce dedi vobis omnem herbam afferentem semen super terram, & universa ligna quæ habent in semetipsis sementem generis sui, ut sint vobis in escam, & cunctis animantibus terræ, omni que volucris cæli, & universis quæ moventur in terra, & in quibus est anima vivens, ut habeant ad vescendum. Et factum est ita. Viditque Deus cuncta quæ fecerat, & erant valdè bona. *Resp.* Deo gratias.

Sequentia sancti Evangelij secundum Lucam.

Lucæ 24.

In illo tempore: Dum recumberet Iesus cum illis, accepit panem, & benedixit, ac fregit

fregit, & porrigebat illis: Et aperti sunt oculi eorum, & cognoverunt eum. *Resp.* Laus tibi Christe.

Per Evangelica dicta det nobis & huic creaturæ [his creaturis] Dominus suam sanctam gratiam & benedictionem, In nomine Patris ✠, & Filij ✠, & Spiritus ✠ sancti. *Resp.* Amen.

Ex Psalmis.

Domini est salus: & super populum tuum bene✠dictio tua.

b Sicut unguentum in capite, quod descendit in barbam, barbam Aaron.

Quod descendit in oram vestimenti ejus: sicut ros Hermon, qui descendit in montem Sion.

Quoniam illic mandavit Dominus bene✠dictionem, & vitam usque in sæculum.

c Aperis tu manum tuam: & imple omne animal bene✠dictione.

d Hic N. accipiet bene✠dictionem à Domino: & misericordiam à Deo salutari suo.

e Bene✠dicat te Dominus ex Sion, qui fecit cælum & terram.


Vers. Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Omnipotens Deus, adesto propitius invocationibus nostris, & huic creaturæ humanis usibus præparatæ virtutem tuæ benedictionis infunde: ut mysteriis tuis serviens, ad abi-

gendos dæmones morbosq; pellendos, divinæ gratiæ sumat effectum: ut quicumque hac usus fuerit, careat omni immunditiâ, liberetur à noxa, discedant omnes insidiæ latentis inimici: & si quid est, quod utentium incolumitati invidet aut quieti, effugiat, ut salubritas per invocationem tui sancti nominis expetita, ab omnibus sit infestationibus defensa. Per Christum Dominum nostrum. *Resp. Amen.*

Oremus.

DEus invictæ virtutis auctor, & insuperabilis imperij Rex, ac magnificus triumphator, qui adversæ dominationis vires reprimis: qui inimici rugientis sævitiam superas, qui hostiles nequitias potenter expugnas. Te Domine tremantes & supplices deprecamur ac petimus, ut hanc creaturam N. [has creaturas N. & N.] dignanter aspicias, benignus illustres, pietatis tuæ rore sancti  fices, ut ubicumque fuerit [fuerint] in usu adhibita [adhibitæ] ad honorem nominis tui, per invocationem ipsius sanctissimi nominis tui, omnis infestatio immundi spiritus abigatur: terrorque venenosi serpentis procul pellatur, & præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Iesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *Resp. Amen.*

Oremus

Oremus.

Immensam clementiam tuam, omnipotens, æterne Deus, humiliter imploramus, ut hanc creaturam N. [has creaturas N. & N.] quam [quas] in usum generis humani tribuisti, bene-
 ✠ dicere & sancti ✠ ficare tuâ pietate digneris, ut sit [sint] omnibus eam [eas] adhibentibus salus mentis & corporis, & ubicumque fuerit [fuerint] applicata [applicatæ] tollatur omnis immunditia, & cesset omnis impugnatio spiritalis nequitiae: Per Christum Dominum nostrum. *Resp. Amen.*

E X O R C I S M U S.

Exorcizo te [vos] creatura N. [creaturæ N. & N.] in nomine Dei Patris ✠ omnipotentis, & in nomine Iesu ✠ Christi Filij eius Domini nostri, & in virtute Spiritus ✠ sancti; ut fias creatura exorcizata [fiatis creaturæ exorcizatæ] ad effugandam omnem potestatem inimici, & ipsum inimicum, eradicare & explan-
 tare valeas [valeatis] cum angelis suis apostaticis, per virtutem ejusdem Domini nostri Iesu Christi, qui venturus est judicare vivos & mortuos, & sæculum per ignem. *Resp. Amen.*

Aspergat Aquâ benedictâ, dicens: Benedictus Deus & Pater Domini nostri Iesu Christi, qui bene ✠ dixit nos in omni benedictione spiritali in cælestibus in Christo. Resp. Amen.

Oratio

*Oratio contra omnes tum maleficorum tum demonum
incurfus, Per Reverend. P. Michaellem
Murazanum ex Monte Regali.*

Qui verbum caro factum est, & in Cruce affixus, sedensque ad dexteram Patris, ut credentium exaudiat preces, ille per suum sanctum nomen, cui omne genu flectitur, ac per merita Virginis & Matris ejus, nec non per preces omnium Sanctorum, & Sanctarum Dei.

Præservare ab omni maleficorum, ac dæmonum incurfu dignetur, qui in unitate perfecta, vivit & regnat. Ecce enim ✠ Crucem Domini nostri Jesu Christi, in quâ salus, vita, & resurrectio nostra, confusio omnium maleficorum ac dæmonum. Fugite ergo partes adversæ, nam ego conjuro vos dæmones infernales, & spiritus malignos cujuscumque generis ita præsentem sicut absentes, quomodocumque & sub quocumque prætextu, ut vocatos, aut invocatos, aut sponte, aut missos, seu per incantationem, seu per artem malorum hominum aut mulierum properatis ad habitandum, vel molestandum, quatenus, temerata diabolica fraude incontinentem debeat ✠ per Deum vivum ✠ verum ✠ Sanctum ✠ Patrem ✠ Filium ✠ & Spiritum Sanctum, præsertim per eum ✠ qui in Isaac est immolatus ✠ in Joseph venundatus ✠ in agno occisus ✠ in homine crucifixus, in cujus sanguine vicerunt vos, quando Michaël pugnavit vobiscum,

T

& fecit

& fecit victoriam, recedere, appropinquantes retrocedere, nec valeatis sub quocumque prætextu molestare creaturam istam, nec in corpore, nec extrâ corpus, nec per visionem, nec per terrorem, neque de die, neque de nocte, nec dormiendo, nec vigilando, nec comedendo, nec orando, nec aliquid naturale, aut spirituale faciendo, aliter vobis infundo, ✠ omnes maledictiones, excommunicationes ✠ gradus & pœnas tormentorum detrusionis in stagnum ignis, & sulphuris, per manus inimicorum vestrorum Sanctâ Trinitate iubente, Michaële Archangelo exequente. Nam si tenemini aliquo vinculo præcepti, adorationis, suffumigij, innodationis, artis, & facturæ ad quemcunque perversum finem, & effectum compilato, & fabricato; siue in herbis, verbis, lapidibus, elementalibus siue naturalia sint, siue simplicia, aut mixta, temporalia, aut spiritualia, aut Sacramentalia, aut in nominibus, magni Dei, aut Angelorum, siue in characteribus, horis, minutis, diebus, anno, mense, supersticiosè observato, cum pacto expresso, aut tacito, etiam juramento firmato, omnia illa ✠ irrito, annullo, destruo per potentiam Patris qui totum mundum creavit ✠ per sapientiam Filij Redemptoris, ✠ per bonitatem Spiritus Sancti, qui totam legem adimplevit, ✠ qui est ✠ erat ✠ venturus est ✠ omnipotens Agios ✠ Athanatos ✠ Sother ✠ Tethragrammaton ✠ Iehova ✠ Alpha & omega ✠ principium, & finis. Extinguatur ergò in crea-

creaturâ istâ, & fugetur omnis virtus diabolica per delationem sanctissimæ Crucis, invocationemque Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, nec non Beatæ Virginis, & omnium in cœlo regnantium cum agno occiso ab origine mundi, benè viventium in Ecclesiâ sanctâ Dei. Recedite ergò, & sicut fumus jecoris piscis combusti dictante Raphaële, Spiritum à Sara fugavit, ita benedictiones istæ expellant vos, ut non audeatis accedere ad hanc creaturam insignitam signo Sanctæ Crucis, per miliaria centum, quia mandatum meum non est meum, sed ejus qui missus est à sinu Patris, ut opera vestra destrueret, ut in arâ Crucis destruxit, nobis talem dedit potestatem, ad gloriam suam, & utilitatem fidelium vobis imperandi, prout imperamus, & præcipimus, ut non audeatis accedere per Christum Dominum nostrum. ✠ Ecce Crucem Domini, fugite partes adversæ, vicit Leo de tribu Iuda, radix David. Alleluja. Amen. Amen. fiat. fiat.

F I N I S.

A P P R O B A T I O.

MANUALE hoc Exorcismorum industriâ R.D.
Maximiliani ab Eynatten S. T. L. Canonici
& Scholastici Ecclesiæ nostræ Cathedralis collectum, ac
aliquorum Ordinariorum, aliorumq; doctorum viro-
rum iudicio recognitum, emendatum & probatum, u-
tiliter typis evulgabitur; ut eo utentes Exorcistæ, præ-
termisissis qui passim circumferuntur Exorcismorum li-
bris minus probatis, ad Dei gloriam & animarum sa-
lutem feliciter contra antiqui hostis infestationes suo
munere fungantur. Datum Antverpiæ die XXIII.
Iunij, M. D. C. XV III.

Ioannes Episc. Antverpiensis.

